



ПСАЛТИРЬ

Пресвятой  
Богородице

КРУПНЫЙ ШРИФТ



# ПСАЛТИРЬ

Пресвятой  
Богородице

КРУПНЫЙ ШРИФТ



Москва  
2014

УДК 243  
ББК 86.372  
П 86

*Рекомендовано к публикации  
Издательским Советом Русской Православной Церкви  
(ИС Р 14-410-1101)*

*Текст книги печатается по изданию: Христианские песнопения Пресвятой Царице Небесной Приснодеве Марии Богородице. Сост. по подобию псалмов.  
М.: Тип. И. Ефимова, 1883.*

П 86 **Псалтирь Пресвятой Богородице.** Крупный шрифт. — М.: Благовест, 2014. — 304 с.

ISBN 978-5-9968-0404-7

Псалтирь Пресвятой Богородице представляет собой книгу, содержащую христианские песнопения Пресвятой Богородице, составленные по подобию псалмов. Молитвы, составляющие эту книгу, являются частью священного предания Православной Церкви и приносят большую пользу всем православным христианам.

**УДК 243  
ББК 86.372**

ISBN 978-5-9968-0404-7

© Издательство «Благовест», — текст, оформление, оригинал-макет, 2014

# ХРИСТИАНСКИЕ ПЕСНОПЕНИЯ ПРЕСВЯТОЙ БОГОРОДИЦЕ

(Составлены  
по подобию псалмов)



Под Твое́ благоутро́бие при-  
бега́ем, Богоро́дице Дéво, мо-  
ли́тв на́ших не прéзри в скóр-  
бех, но от бед изба́ви нас, еди́на  
чи́стая и благословéнная.

Госпожé, устнé мой отвéр-  
зеши и устá моя возвестя́т хва-  
лу́ Твою́.

Госпожé моя́, в по́мощь мою́  
вонми́. Сла́ва Тебé, сирот Ма́-  
ти, сотвори́ нам ми́лостива  
Вседержи́теля Бо́га.

О Пресвятая Владычице,  
Пресвятая Дево Богородице,  
Господа Бога моего Иисуса  
Христа Мати! Припадаю и  
молю Ти ся, яко Матери Ца-  
ревой, предначиная к Тебе не-  
достойное мое сие моление,  
еже приемши, о Мати Ца-  
ря небесе и земли, принеси  
к Царю царствующих, всех  
Господу, Сыну Твоему и Богу,  
и прощение всем согрешен-  
ниям моим испроси, житию  
моему подаждь исправление  
и на кончине от воздушных  
врагов немятежное прешес-  
твие, Царствия божествен-  
ный вход отверсти исходат-  
тайствуй ми и тамо райския

пищи наслаждения, горняго  
онаго града, вышняго пре-  
краснаго Иерусалима, ве-  
селия и неизреченных то-  
го красот, светлости же  
трисияннаго Троичнаго света  
и сладкаго гласа ангельских  
пений наслаждаться: еже  
славы и радости наследника  
мя и святым всем сопричас-  
тника сотвори, вся бо може-  
ши, яко Мати Царя Всемо-  
гущаго; и ныне убо, изряднее  
же в час сей, услыши мя, Все-  
милостивая Владычице, пред-  
стояща Ти, вонми, Госпо-  
же Царице, молебное пение  
приносящу Ти.

## Поклонение

### Пресвятей Богородице

Приидите, поклонимся Царице нашей Богородице.

Приидите, поклонимся Деве Марии, Царице нашей Богородице.

Приидите, поклонимся и припадём к Самой Госпоже Деве Марии, Царице нашей Богородице.

Покланяемся Тебе, Пресвятая Богородице, Твоим рождеством явльшая нам свет истинный, Царице небу и земли, надежде ненадежных, помощнице немощным, ходатаице всем грешным; Ты нас покрый и заступи от всех бед и нужд,

душе́вных и телесных, и бу́ди нам, мо́лимся, засту́пница святы́ми Твои́ми моли́твами.

Покланя́емся Твоему́ благо-словенному зача́тию и рожде́нию от святы́х Ти роди́телей, от Иоакима и А́нны; мо́лим Тя, Госпоже́ наша, даждь нам жити́е безгрешно зача́ти и роди́ти плоды́ покая́ния.

Покланя́емся Твоему́ введе́нию в це́рковь Господню, триле́тствовавшая Отрокови́це, и мо́лим Тя, све́те наш, це́рковь нас соде́лай Свято́му Ду́ху моли́твами Твои́ми.

Покланя́емся благовещению Твоему́, Пречи́стая Богоро́дице Де́во, егда́ де́йствием Свя-

таго Духа со гла́сом Арха́нгельским зачала́ еси́ Сло́во О́тчее, и мо́лим Тя, свѣте наш, нам, отча́янным, благовести́ спасѣние.

Покланя́емся рождѣнию Твоему́, егда́ воплотила́ и родила́ еси́ Христа́, Спа́са ми́ру, и явила́ся еси́ Ма́терь Бо́гу, от всея́ тва́ри сла́вима и превозно́сима, и мо́лим Тя, свѣте наш, явля́й Себе́ Ма́терь милосѣ́рду ны́не и во век бу́дущий.

Покланя́емся очищѣнию Твоему́, несквѣ́рная, небла́зная, не-тле́нная, Пречи́стая, и мо́лим Тя, свѣте наш, очисти́ нас от вся́кия сквѣ́рны плóти и дýха моли́твами Твои́ми.

Покланяемся и почитаем болѣзни Твоя, яже претерпѣла еси во время вольныя страсти Сына Твоего, егда сбыется Симеоново проречѣние: Тебѣ же Самой душу оружье пройдет, и молим Тя, свете наш, болѣзни душевныя и телесныя избави нас.

Покланяемся Тебѣ, Госпожѣ, воспоминающе радость Твою, юже имѣла еси во время воскресѣния Сына Твоего, и молим Тя, свете наш, радости духовныя не лишѣ нас.

Покланяемся честному и славному успѣнию Твоему, и молим Тя, свете наш, успѣи страсти наша плотскія помощию Твоею.

О Пресвятая Владычице Богородице! Приими сие малое моление и принеси е Сыну Твоему и Богу нашему, да спасет и просветит Тебе ради души наша.

На Твой пресвятый образ взирая, яко истинную самую Тя зрим сущую Богородицу, верою сердечною и любовью от души припадаем и покланяемся с предвечным и на руку Твоею держимым Младенцем, Господом нашим Иисусом Христом.

О Пресвятая Госпоже наша, Царице Небесная, преславная Владычице, Дево Богородице, печальных всех праведное

утешѣние и всем уповаѣющим на  
Тя живѳт и воскресѣние! При-  
клонѣ, о Госпожѣ, пречѣстая  
Своѣ ушесѣ к молитве нѣшей,  
приносѣмой Тебѣ от нас,  
непотрѣбных и недостѳйных  
рабѳв Твоѣх.

О Мѣти нѣша милосѣрдая!  
Явѣ на нас мѣлость Своѳю, в  
печѣли сѳщих и во гресѣх всег-  
дѣ пребывѣющих, и не прѣзри  
нас, многогрѣшных рабѳв  
Твоѣх.

О Мѣти нѣша прекрасная!  
Всех благѣх Ты есѣ вина,  
смѣртных человек оживлѣние  
и погѣбших избавлѣние, при-  
имѣ недостѳйное нѣше сѣ  
молѣние, пѣдших и много-

грѣшных рабѣв Твои́х, в час сей го́рькаго и плачѣвнаго, и болѣзненнаго на́шего проше́ния, я́ко дерза́ем ны́не глаго́лати к Тебе́, Пресвяте́й Госпоже́ Цари́це Богоро́дице, сие́ моле́ние и ра́достное со А́нгелом приглаше́ние сице-во́: Богоро́дице Де́во, ра́дуйся, благодáтная Мари́е, я́ко зача-ла́ еси́ плóтию Сы́на Бóжия. Ра́дуйся, я́ко Его́ во чре́ве Твоём носила́ еси́. Ра́дуйся, я́ко Его́ родила́ еси́. Ра́дуйся, я́ко Его́ сосцы́ пита́ла еси́. Ра́дуйся, я́ко Ему́ волсви́ покланя́лися. Ра́дуйся, я́ко Христа́ в це́ркви по трѣих днях обрела́ еси́. Ра́дуйся, я́ко Христо́с воскресе́

из мёртвых и взыде на небеса́. Ра́дуйся, я́ко Ты Сама́ на не́бо взята еси́. Ра́дуйся, я́ко Ты дѣвством А́нгелов и сла́вою святы́х превосходи́ши. Ра́дуйся, я́ко Ты на земли́ мир твори́ши. Ра́дуйся, я́ко Тебе́ жи́тели небѣснии вси послу́шны суть. Ра́дуйся, я́ко Ты е́же хощеши, у Сы́на Твоего́, Христа́ Бо́га на́шего, испроси́ти мо́жеши. Ра́дуйся, я́ко сподо́билася еси́ бы́ти близ Пресвяты́я Тро́ицы. Ра́дуйся, я́ко Ты Ма́ти люде́й озло́бленных, и́же к Тебе́ прибега́ют. Ра́дуйся, я́ко Твоя́ ра́дость во век не сконча́ется. Ра́дуйся, Благода́тная, Госпо́дь с Тобо́ю!

О Пресвятáя Госпожé Владычице, Дéво Богорóдице! Приими́ недостóйную моли́тву на́шу и сохрани́ нас от на́глыя смёрти, и да́руй нам прéжде конца́ покая́ние.

## Молитва

Достóйно сла́вимая и пра́ведно от всех гóрних чинóв ублажа́емая, я́ко без сравне́ния их превосходя́щая, Бо́га и Творца́ всяческих ро́ждшая, па́че всех возвели́ченная, Ёйже, я́ко Цари́це, предсто́ят ли́цы А́нгельстии, Гаври́лову песнь возглаша́юще: ра́дуйся, Благодáтная! На́ши же грéшныя и брénныя уста́ кую

досто́йную похва́лу принести́  
возмо́гут вели́чию Твоему́, то́-  
чию да зове́м Ти: о пречу́дная  
Влады́чице, моли́ся из Тебе́  
воплоще́нному Христу́ Бо́гу  
на́шему, да при́зрит на ны,  
люди́ безотве́тныя, да сохра-  
ни́т нас невреди́мых от всех  
наве́т вра́жиих и злых клевет,  
мно́го бо мо́жет Тво́я ма́тер-  
няя моли́тва, по рече́нному:  
проси́ Ма́ти Мо́я, не отвращу́ся,  
но вся проше́ния Тво́я  
испо́лню. Ра́достию о сем ис-  
полня́емии, взыва́ем Ти: спа-  
си́, Влады́чице, погиба́ющия  
рабы́ Тво́я, просвети́ омра-  
че́нныя суемудрствовани́ями  
ве́ка сего́ и приведи́ ны к

Сладчайшему Иисусу, да, вечно радуящися, взываем: слава Отцу, слава Сыну, слава и Святому Духу, слава и Тебе, Преславней и Пренепорочней Деве Богоматери, ублажаемой и благословляемой в безконечные веки веков. Аминь.

Достойно есть, яко воистинну блажити Тя, Богородицу, Присноблаженную и Пренепорочную, и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.



## КАФИСМА 1

### Псалом 1

Блажён муж, иже любит имя Твоё, Приснодёво Мати Маріе: благодатию Твоёю душа егó утвердётся, и яко древо, при исходящих вод насаждёное, множайшия плоды правды изнесёт. Благословенна Ты в женах ради смирения и веры сердца Твоего; всех бо жен побеждаеши красотой Твоёю, превосходиши Ангелов и Архангелов святынею, милости и щедроты Твоя вездé проповедуются; Бог делá рук Твоих благословилъ есть.

## Псалом 2

Госпоже́, чесо́ ра́ди шата́шася  
язы́цы, стужа́ющие ми? Бу́рею  
у́жаса и стра́ха посрами́ и низло-  
жи́ их; да покрýет нас десни́ца  
Твоя́: расточи́ тучи́ беззакóний  
на́ших, возьми́ брѐмя грехóв  
на́ших. Приидите́ к Ней вси  
тружда́ющиися и обременѐннии  
и упоко́ит вас; приступите́ к  
Ней в напáстех ва́ших, и освети́т  
вас просвещѐние лица́ Ея́;  
благослови́те Ю́ всем сѣрдцем  
ва́шим: мило́сти бо Ея́ полна́  
земля́.

## Псалом 3

Госпоже́, что умно́жишася  
ви́димыя и неви́димыя вра-

зи́, стужа́ющие ми? Бу́рею  
пра́веднаго гне́ва Твоего́ да  
развееши их. Помилуй мя, Го-  
спожé, и исцели́ нéмощи моя́,  
согрéй оледенéлое сёрдце мое  
и не преда́ждь менé в рúки  
душéвных врагов мо́их; в  
день смёрти моея́ предстáни в  
пóмощь души́ моéй, приведи́  
меня ко пристáнищу спасéния.  
Сла́ва Тебе́, беспóмощных  
Засту́пнице.

### **Песнь вместо славы**

Тя, Ма́терь Бо́жию, хва́лим,  
Тя, Мари́ю Присноде́ву и  
Богоро́дицу, испове́дуем, Тя, от  
Превéчнаго Отца́ избра́нную,  
вся земля́ велича́ет; Тебе́ вси

А́нгели и Арха́нгели, Тебе́ вси  
Нача́ла смире́нно служат; Тебе́  
вси Вла́сти и превы́шняя Сі́лы  
небе́сныя, и вся Господствія  
повинуются; Тебе́ вси Пре-  
сто́ли, Тебе́ Херуві́ми и Се-  
рафі́ми радующе́ся предсто́ят,  
Тебе́ вси А́нгельскія ли́ки  
непреста́нным гла́сом вопи́ют:  
Пресвята́я Богоро́дице Марі́е,  
Ма́ти Присноде́во! Полны́  
суть небеса́ и земля́ вели́чества  
сла́вы чре́ва Твоего́; Тебе́  
пресла́вный апо́стольскій лик  
своего́ Творца́ и Спасі́теля  
Ма́терь восхваля́ют; Те-  
бе́ мучеников мно́жество  
Богоро́дицу велича́ют; Те-  
бе́ пресла́вный испове́дников

лик Святыя Троицы храм нарицают; Тебе девственнии полцы своего девства образ проповедуют; Тебе вси святых души преславную Царицу небес нарицают; Тебе по всей вселенней Святая Церковь всех верных христиан исповедует Матерь Божию и почитает истиннаго Царя Небеснаго Богоизбранную Отроковицу; Ты Ангелов Госпоже и всех святых слава; Ты райская отверстая дверь; Ты лестнице Царствия Небеснаго; Ты Царя славы прекрасный чертоже; Ты неистлennyй ковчеже благодати; Ты бездна щедрот; Ты прибежище грешных; Ты

благословѣнная Мати Спасителя Христа; Ты, ради освобождения плененнаго человека, Бога восприяла еси во чрево от Духа Святаго и Невместимаго вместила еси; Тобою попран бысть адский враг и отверзюшася верным двѣри Царствия Небеснаго; Ты одесную Бога стоиши; Ты Его умоляеши за нас, Приснодево Маріе, Иже будет судити живых и мертвых; Тя убо желаем всегда быти нашу Заступницу к возлюбленному Сыну Твоему и Богу, Иже честною кровию нас искупил есть, да восприимем вечныя славы обетованіе. Спаси люди Твоя,

о Владычице, и благослові  
достояніе Твоё, яко да будем  
причастницы блаженнаго на-  
слѣдія Сына Твоего, и упаси  
нас, и возьми нас даже до века,  
на всяк день. О Прещедрая!  
хвалити и блажити Тя желаем  
сердцем и устнами. Сподоби,  
Премилосердная Мати, ныне  
и всегда без греха сохранитися  
нам. Помилуй нас, Заступ-  
нице, помилуй нас, да будет  
милость Твоя с нами, яко упо-  
ваем на Тя, соблюди нас, Пре-  
милосердная, во веки веков.

Тебе подобает хвала, Тебе  
подобает слава, Тебе подобает  
пение ныне и присно, и во  
веки веков, аминь.

## Псалом 4

Егда́ призва́х Тя, Госпоже́, с ве́рою и наде́ждою на Тя, услы́шала мя еси́ и от ры́кающей поднебе́сной зло́бы, приугото́вившейся снёсти мя, и от хи́щных рук, и́щущих души́ моея́, ми́лостью Твое́ю защити́ла и изба́вила мя еси́, поне́же блага́ ми́лость Твоя́ на всех, призы́вающих и́мя Твое́ свято́е. Благословенна Ты в жена́х, Госпоже́, во ве́ки и влады́чество Твое́ вознесётся во век ве́ка.

## Псалом 5

Глаго́лы моя́ внуши́, Госпоже́, и не отврати́ от мене́ ма́тернее лице́ Твое́, обрати́

плач мой в радость и сетование мое в веселие, да падут пред ногами моими вразимой, многомощными молитвами Твоими гордая главы их сокруши, да благословит Тя всяк язык и имя Твое исповесть всяка плоть. Благословенна еси, о великаго Царя Небеснаго Дщи: Ты еси венец всей святыни, Ты еси слава горнему и дольному Иерусалиму; благословящи Тя избыточествуют в трудех своих, благословящи Тя будут благословенны, клянущи Тя проклянутся; да не умалится от дому рабов Твоих вина и еляя изобилие. Благо-

словляем Бóга, созда́вшаго  
Тя, благословéнни родите́ли  
Твои́, ро́ждшии Тя; благосло-  
вéнна еси́, Госпоже́, на небе-  
си́ и на земли́, хва́льна и пре-  
просла́вленна во ве́ки веко́в.

## Псалом 6

Госпоже́, да не я́ростию Сво-  
е́ю обличи́т нас, грéшных,  
правосúдный Госпо́дь, ниже́  
гне́вом Его́ нака́жемся; Ты,  
Засту́пнице на́ша, да попече́-  
шия о нас и ра́ди свята́го  
и́мени Твоего́ от врат а́довых  
и от чре́ва мра́чныя бездны  
Твои́ми моли́твами изба́ви  
нас, да пове́даем во ве́ки чу-  
деса́ Твоя́, понéже не ме́ртвии,

ниже сущии во аде восхвалят  
Тя, но мы, живии, благодатию  
Твоею благословим Тя.

## Песнь

### ВМЕСТО СЛАВЫ

Слава Тебе, Мати Божия,  
верных прибежище, избавле-  
ние в лютых содержимых, ду-  
ше моей Божественное уте-  
шение! Всеокайнную душу  
мою, Благодатная, уязвленную  
стрелянии злобнаго ратника,  
вручаю всесильному предста-  
тельству Твоему, юже соблю-  
дай, и покрывай, и спасай от  
бесовских козней невредиму,  
да зову Ти: радуйся, Невесто  
Неневестная!

## Псалом 7

Госпожé моя, на Тя упováх;  
от враговъ изба́ви ду́шу мою́,  
яко да во смире́нии моёмъ  
благоугождú Тебé; свéтлость  
лица́ Твоегó да облистáет ду́-  
шу мою́ и воззре́ние Твое на  
мя мѣлостивное да освятѣт  
сóвeсть мою́, и принесú То-  
бóю моли́твы и моле́ния к  
Вы́шнему.

## Псалом 8

Госпожé, Господь наш бысть  
Тобóю Спаси́тель и брат наш;  
яко огонь в купинé и росá на  
руно́, на Тя снѣде предвéч-  
ное Бóжие Сло́во, Ду́ху Свя-  
то́му нашédшу, осени́ Тя сѣла

Вы́шняго; благословѣн зачá-  
тый в Тебѣ плод чрѣва Твое-  
гó, благословѣнно рождество  
Твое дѣвственное, благосло-  
вѣнна чистотá плóти Твоея,  
благословѣнны щедрóты сѣрд-  
ца Твоегó: сла́ва Тебѣ, всех вѣр-  
ных усѣрдная Застúпнице.

### **Песнь вместо славы**

Рáдуйся, Прещѣдрая мѣло-  
сти Мáти, спаси́ благодáтию  
Твоею всех, призывáющих Тя  
во ѣистине, в уединѣнии сúщим  
бúди утешѣнием, во искушѣ-  
ниях — прибѣжищем: пóмощи  
Твоей вручáю дúшу и тѣло мое,  
упрáви, научи́, что ми подобá-  
ет творѣти, да спасúся.

## По 1-й кафисме тропари, гл. 1:

Просвети́, Благая́, омраче́н-  
ную ду́шу мою́, и нечу́вствие  
проже́ни́, и научи́ мя твори́-  
ти во́лю Сы́на Твоего́, я́ко да  
оставле́ние мно́гих мои́х гре-  
хо́в получу́ моли́твами Твои́-  
ми.

Пода́ждь ми, Де́во, умиле́-  
ние, слез излия́ние оби́льное,  
источи́вшая нам бе́здну ще-  
дро́т, изсуша́ющую зол наво-  
дне́ние и страсте́й то́ки, еди́на  
Пречи́стая.

Приближа́ется Судия́, при  
дверéх конéц, бо́дрствуй, ду-  
ше́, и из глубины́ се́рдца возо-  
пий Мате́ри Бо́га на́шего:

избáви мя стра́шных мук, и в  
мéсте свéтлeм всели́ Твои́м,  
Влады́чице, предста́тельством.

## Молитва

Влады́чице Богоро́дице,  
Человеколюби́вая Госпоже́  
моя, Ты ве́си помышлéния  
и дела́ моя́ и нéмощь мое-  
го́ естества́. Тебé ду́шу мою́,  
ю́же оскверни́х грехми́ и  
непотре́бными по́мыслы,  
представляю́. Ты бо, Влады́-  
чице, ве́си гной мои́х язв,  
телéсных и душе́вных, Ты же  
и исцелéние от них да́руй,  
возлива́ющи ка́плю Твоего́  
человеколю́бия и ми́лости.  
При́зри у́бо, Влады́чице моя́

Богорóдице, милосéрдным  
Твои́м о́ком на окая́нную  
мою́ ду́шу, одержи́мую тя-  
гостию грехóвною и гото-  
ву сущу́ огню́ пре́дану бы-  
ти от Пра́веднаго Судии́. Но  
моли́твами Твои́ми, Чело-  
веколю́бице, благоприя́тна  
сотвори́ Своего́ Сы́на и всех  
Бо́га, хотя́щаго мя обличи́-  
ти пред А́нгелы и челове́ки  
за мои́ худы́я помышле́ния и  
делá. Послу́шает бо Тебе́,  
я́ко Благ и Человеколю́бец,  
о душе́ моёй окая́нней  
моля́щуюся. О прибе́жище  
ве́рных, помилуй мя, валяю-  
щагося в бездне грехóвней,  
но принося́щаго Тя воздыха́-

ние от сокрушённаго сёрдца, да Твоего́ ра́ди заступле́ния сподо́блюся прощё́ния мно́гих моих грехо́в. Тебе́ бо нам прибе́жище положи́л е́сть Сын Твой Бог. Ей, Го́споди, Го́споди, изво́ливый мило-сёрдия ра́ди Твоего́ родити́ся от Чи́стыя Ма́тере и Присно-де́вы Мари́и, спасе́ния ра́ди челове́ческаго, приими́ Сию́ Хода́таицу о моём недосто́инстве. То́я ра́ди по́мощи и заступле́ния припа́даю к Тво-е́й безме́рной бла́гости и че-ловеколю́бию, да получу́ прощё́ние грехо́в моих, и́миже во́лею согреши́х пред Тобо́ю, Го́споди. Я́ко Тебе́ подоба́ет

всякая сла́ва, честь, со Отце́м и Святы́м Ду́хом, ны́не и прѣсно, и во ве́ки веко́в. Ами́нь.

## КАФИСМА 2

### Псалом 9

Испове́мся Тебе́, Госпоже́, всем се́рдцем мои́м и пове́м в лю́дях вся чуде́са Твоя́, хвалу́ и сла́ву Твою́; по Го́споде Бо́же Тебе́ подоба́ет сла́ва и Тебе́ да вознесе́тся серде́чный глас хвалы́; ка́ющиися бо грѣшницы у Бо́га и в Бо́ге обрета́ют спасе́ние Тобо́ю; воздохну́т они́ смире́нне, и Ты, сердобо́льная Ма́ти,

исцеляеши сокрушение сердец их, в мире и тишине по трудех странствия своего, при Твоем утешительном представительстве, почиют они о Господе.

## Псалом 10

На Госпожy Пречистую Деву Марию уповаю ради щедрот и милости Ея: очи Ея на нищих призирают и рyце Ея к сиротам и вдовицам простерты; взыщите Ю от юности ваша и прославит вас пред лицем Бога ходатайство Ея к престолу Его, отымет множество наших грехов, милость и утешение небесное всегда Она

нам прино́сит. О Присноде́во  
Преблагословéнная, простри́  
к нам крѣпкую десни́цу Твою́,  
со благоговéнием ю́ лобыза́-  
ем, и не отврати́ от нас лице́  
Твое́.

### **Песнь вместо славы**

Пресвятáя Дéво, Мáти Хрис-  
тá Бóга нáшего, смире́нно мо-  
лю́ся Ти: души́ моея́ стра́сти  
лю́тыя исцели́ и прощéние да́-  
руй мо́им мно́гим прегрешé-  
ниям, íже безúмие соде́ях аз.  
Ду́шу и тéло оскверни́х ока-  
я́нный, увы́ мне, что сотво-  
рю́ в час онь, внегда́ грóзнии  
А́нгели ду́шу мою́ разлучáт от  
стра́стнаго моего́ телесé? Тогда́

Помо́щница ми бѹди и пред-  
ста́тельница теплѣйшая, Тя бо  
ймам твѣрдую и необори́мую  
сте́ну, раб Твой.

## Псалом 11

Спаси́ мя, Ма́ти Преми́-  
лостивая, исто́чнице благо-  
сты́ни и бѣздна щедро́т; коль  
красны́ суть пути́е Твоя́ и коль  
ми́рны стези́ Твоя́! В Тебе́  
сия́ет небѣсная добро́та чис-  
тоты́, свет пра́вды, и свѣтло-  
сти, и и́стины; па́че со́лнеч-  
наго свѣта оде́яна еси́ ри́зами  
позлаще́нными, преиспещ-  
ре́нными, преукра́шенными  
красото́ю чистѣйших Твои́х  
добродѣтелей; двана́десять

пресвѣтлых небѣсных звезд  
составляютъ венѣцъ, иже на  
главѣ Твоѣй: слава Тебѣ, всех  
вѣрныхъ христианъ усѣрдная  
Застѣпнице.

## Псалом 12

Доколе, Госпожѣ, забудеши  
меня и не избавиши меня в день  
скѣрби моея? Доколе возне-  
сѣтся душѣвный врагъ мой на  
меня? Силою и властью Твоєю  
сокруши егѣ, буди мне,  
немощнѣйшему, Госпожѣ,  
столп крѣпости и оружье, со-  
крушающее врага, возвеличу  
Тя, Благодатную, сѣрдцем  
и устами прославлю, яко  
непобѣдимую воеводу.

## Псалом 13

Рече́ безу́мный, а́дский про-  
ти́вник в се́рдце сво́ем: поже́ну  
и пости́гну ве́рных Христо́вых  
и уби́ет их рука́ моя́. Воста́ни,  
Госпоже́, предвари́ его́, за́пни  
ему́ и низложи́ вся злы́я со-  
ве́ты его́. Твоему́ могу́ществу  
кто проти́ву ста́нет? Твое́й  
вла́сти кто воспротиворе́чит?  
Твою́ ма́тернюю любóвь к ве́р-  
ным кто пресече́т? Ад трепе́-  
щет святе́йшаго и́мени Твоего́,  
ме́ртвые востаю́т от си́лы Тво-  
ея́; от еди́наго манове́ния  
Твоего́ безчи́сленныя крово-  
жа́дныя во́инства погиба́ют; о  
Присноде́во Богоро́дице! не-  
вместима́го всемо́ущаго Бо́га

во утрóбе Твоёй вмести́ла и  
носи́ла еси́.

## **Песнь вместо славы**

Ра́дуйся, простра́ннейший  
дво́ре и пресветле́йшая пала́то,  
Ма́рие, Ма́ти Христа́ Бо́га на-  
шего: спаси́ певцы́ Тво́я, я́ко  
да в бу́рном оке́ане жи́зни се́я  
всегда́ к Тебе́ прибега́ем.

## **Псалом 14**

Госпоже́, кто обита́ет в жили́-  
щи Бо́жии, или кто вселі́тся в  
святу́ю го́рнюю Сио́нскую го́-  
ру, иде́же присеща́ет свет лица́  
Бо́жия? Той боголю́бец, и́же  
по Бо́зе все упова́ние своё на  
Тя еди́ну возлага́ет; той бого-

любец, иже во умѣ своемъ об-  
носитъ всегда сладчайшее имя  
Твое; той боголюбецъ, иже вос-  
певаѣтъ чудеса и милости Твоя;  
той боголюбецъ, иже подражаѣтъ  
смирѣнию, кротости и цело-  
мудрию Твоему; той вселится в  
преблаженное жилище Божие,  
иже, о Препоблагословенная  
Приснодево Маріе, величитъ  
душѣю Господа и радуется ду-  
хом о единомъ Божѣ Спасѣ своемъ.  
Потечѣмъ, грѣшницы, потечѣмъ  
по стезямъ Матери Божией,  
держимся за стопы Ея крѣпко  
и не отступимъ молитвами от  
Нея, коленопреклоняяся предъ  
святымъ изображеніемъ лица  
Ея, возводя умъ на первообраз-

ное, дондеже обрящем милости Ея во благовременну помощь к наследию небеснаго обетованія.

## Псалом 15

Сохрани мя, Госпоже, яко излися на Тя неисчерпаемый ток Божией благодати, излей и на мя каплю ея; чрево бо Твое девственное, утроба Твоя чистейшая Всевышняго Бога, возлюбленнаго Сына, от Духа Святаго роди; благословенни пречистии сосцы Твоя, имиже Спасителя Иисуса Христа питала еси. Исповедайте Ей хвалы, девы целомудренныя, аще токмо обре-

ли естé благодáть и мѣлость  
Ея, дадите великолѣпие ѣмени  
Ея и хвалите в век вѣка зачатіе  
и рождество Ея.

## Псалом 16

Услыши, Госпожé, прáвду  
мою и отжени от менé скорбь  
мою. Исповѣмся Тебé во гла-  
се рáдования и воскликновé-  
ния, егда излиѣтся на мя мѣ-  
лость Твоя; уподобитесь Ей в  
боголюбии и вы, святїи дѣвы  
Божии, прославите Ю во гла-  
се уст и сѣрдца вáшего; сѣ-  
ще бо Ея благодáть восприя-  
ша дѣвы мученицы и прѣчи,  
пленинии любовію сладчай-  
шаго Иисуса, восприяша от

Него́ нетлѣнные райскіе венцы́. Сла́ва Тебе́, Влады́чице, любя́щим Тя де́вам неотъѣмлемое сокровище.

## Песнь вместо славы

Ра́дуйся, Ма́ти Мари́е, звездó присносія́ющая, от Нея́же со́лнце пра́вды, Хри́сто́с Бог наш возсія́, Егóже свѣтлостію слепіи прозрѣша. Моли́ за нас, грѣшных рабо́в Твои́х, и многомо́щными Твои́ми моли́твами помози́ видети Тя, возвели́ченную Госпожу́ А́нгелов, и сподо́битися с ними сла́вити Тя в го́рном Сио́не во ве́ки веко́в, ами́нь.

## По 2-й кафисме тропари, гл. 2:

Тебѣ, Богородице, с вѣрою  
прѡсим, бед многих и пре-  
грешѣний да избавимся, ибо  
инаго, Пречистая, скорого  
не имамы утешѣния, разве Те-  
бѣ благоутрѣбныя, подающія  
всем спасѣние.

Едина Бѡга без ислѣния  
рѡждшая, Тебѣ припадаем,  
Приснодѣво, со страхом и лю-  
бовию взывающе: страстѣй и  
недѣгов лютых избави ны.

Егда душа имать разлучитися  
от телесѣ, тогда предстани  
ми, Богорядованная, и врагов  
совѣты разруши, ищущих по-  
глотити мя, яко да свободив-

ся Тобо́ю князе́й тьмы, ча́сти  
избра́нных сподо́блюся мо-  
ли́твами Твои́ми.

## Молитва

Пречи́стая Влады́чице Бого-  
ро́дице! Вем, я́ко аз скверна́в  
и нечи́ст, и недосто́ин есмь, и  
всякаго греха́ испо́лнен есмь.  
Сего́ ра́ди, я́ко повинный,  
со мно́гим стыдо́м и со сле-  
за́ми вопию́ Ти, Влады́чице  
моя́ Богоро́дице: поми́луй мя  
и помози́ ми, и утэ́ши мя, не-  
досто́йнаго раба́ Твоего́ (*имя*).  
Ма́ти всякия утэ́хи, Сы́на  
Твоего́ и Бо́га на́шего моли́-  
ти не преста́й, я́ко грéшная  
и ока́янная моя́ душа́ снiде

во глубинѹ зол. Аз же, грѣш-  
ный и нечѣстый, помышляя  
о прѣжних и нынѣшних своих  
гресѣх, рех: несть злѣбы ни-  
коея, еяже аз, окаянный, не  
сотворих. Того ради ужасаю-  
ся и боюся Сына Твоего и Бо-  
га моего и праведнаго Его су-  
дища. Тем же с сокрушенным  
сердцем и со слезами вопию  
Ти: умилосердися, Владычи-  
це моя Богородице, помилуй  
меня, самовластным умом  
преступившаго оправдания  
и повеления Сына Твоего и  
Бога моего. Не остави меня по-  
гибнути в моих греховных  
сквернах и обычаях, но послѣ  
на меня милости Твоя богатыя.

Ты бо еси́ милосѣрдия и мѣ-  
лости Мати, не прѣзри мя  
гѣбнущаго, но обрати́ мя и  
истѣргни мя из тѣны грехѣв-  
ныя, якоже дрѣвле Сын Твой  
истѣрг блудницу, блуднаго  
сына и мытаря́. Даруй ми ис-  
точник слез и омый скверну  
грехѣв моих. Не отри́ни мене́,  
не гнушайся мене́, сквернаго,  
но водами щедрѣт Твоих уга-  
си́ изгорѣвшую напасты́ми ду-  
шу мою́, изба́ви мя пла́мени  
бесѣвскаго обдержанія и от  
ла́янія их исхити мя, да ви́ж-  
ду Тя, отгоняющую от мене́  
во время́ отшѣствия моего́  
темноличных бесѣв, преда́в-  
ши мя благим и светлолич-

ным ли́ком святы́х А́нгелов. Ты бо еси́, Богоро́дице, грѣшником спасѣние, отча́янным заступлѣние и обраще́ние, печальным утѣхо. Тебѣ бо Сын Твой, Бог наш, дарова́ Ходатаицу нам, призыва́ющим Тя от всего́ се́рдца. Спаси́ мя, Пресвятая́ Богоро́дице, недостойнаго раба́, ра́ди ми́лости Сы́на Твоего́ и Бо́га на́шего, ами́нь.

### КАФИСМА 3

## Псалом 17

Возлюблю́ Тя, Госпоже́ и Цари́це небесе́ и земли́, и во язы́цах пресла́вное и́мя Твое́

просла́влю; испове́дайтесь  
Ей сокруше́ннии се́рдцем и  
укрепи́т вы проти́ву всех вра-  
го́в ва́ших; свет нам, Госпо-  
же́, благода́ть чре́ва Твоего́ и  
от Тебе́ пита́емся мле́ком ду-  
хо́вныя сла́дости Твоея́, и па́-  
ки а́лчем и жа́ждем ея́. Ве́р-  
нии, взыщи́те и просла́вите  
Влады́чицу, я́ко Она́ есть  
ско́рая помóщница и ва́ша  
к Бо́гу предста́тельница;  
бу́ди, бу́ди прибе́жищем  
на́шим, Преблагослове́нная  
Ма́ти Христа́ Бо́га на́шего,  
поне́же Ты еси́ ве́рным див-  
ное утвержде́ние; сла́ва Те-  
бе́, всех ве́рных усер́дная За-  
сту́пнице.

## Песнь вместо славы

Пресвятая Владычице моя Богородице, прошу и молю Тя усердно: избави мя от внезапных и лютых смерти, наипаче же в час кончины моея милостива предстани ми и руки бесовския исхити, суда, прения и страшнаго истязания, и мытарств горьких, и князя лютаго, и вечнаго осуждения всесильною Твоею помощию свободи мя.

## Псалом 18

Небеса поведают славу Божию, поведают и Твою славу, Приснодево Марие; мастями благодатнаго благовоения Тво-

его́ вси концы́ земли́ облагоухáни суть; воздыхáйте к Ней, обуреваемыя беззаконіями; грѣшницы, ищите Ея́ помощи и приведетъ вас к тихому пристáнищу Божія милосѣрдія; пѣсньми псаломскими толцы́те утробы щедротъ Ея́ и одождитъ вам благодать милости Своея́; прославите Ю́, праведнии, предъ престоломъ Божиимъ; хвалите Ю́, небеса́ небесъ, и святѣйшее имя Ея́ да ублажаетъ вся земля́.

## Псалом 19

Услыши нас, Госпоже́, в печáли и на молітвы на́ши обраті́ матернее лице́ Твое́; не

отвѣржи нас в страшный час смѣрти, но предстани душѣ нашей, ввсегда разлучатися ей от тѣла; послѣ Ангела мирна в срѣтение ея, ѡмже от злыхъ духовъ безопадно да соблюдется, покажи ей милостива и благоувѣтлива правосуднаго Судию вековъ, Иже предстательствомъ Твоимъ прощѣние ей подаст и удостоитъ вѣчнаго покоя с избранными Божиими.

## Псалом 20

Госпоже, силою Твоею возвеселится сердце наше и сладостию имени Твоего утешится душа наша; от престола Царя славы послѣ нам пре-

мудрость, еюже во всякой истине просветимся, от плотских страстей сподоби благодатию Твоею воздержатися, яко да свет благодати Твоея в сердцах наших возсияет. Коль сладки любящим словеса Твоя, Деве Пресвятая, и коль благовонны капли благодати Твоея; славу и честь воспеваем Тебе и о преславном имени Твоем славимся и мы во веки; слава Тебе, верных скорая Заступнице.

### **Песнь вместо славы**

Радуйся, Марие Приснодево, преукрашенный раю, паче солнца светлейшая, па-

че звезд блиста́ющая, па́че всех арома́т благово́ннейшая, па́че всякаго се́льнаго цве́та красне́йшая, Ю́же Бог по смире́нию Ея́ избра́ в возлю́бленную Неве́сту Себе́. О Влады́чице! Не отврати́ся от мене́, недосто́йнаго греше́тника, но от гну́сной скверны́ сотвори́ чи́ста, беззакони́ю — пра́ведна, лени́ваго — усер́дна, я́ко да Тебе́, Госпоже́, рабо́тати и Тя хвали́ти возмогу́ во ве́ки веко́в, ами́нь.

## Псалом 21

Бо́же, Бо́же мой, да при́зрит на мя щедро́тами Свои́ми Преблагослове́нная Прис-

ноде́ва Мари́я. Небе́сным Ея́ благосло́вением спасе́ние ве́чное обрето́х. Сего́ ра́ди и взыва́ю к Тебе́, Госпоже́ моя́, во дни и в но́щи, да вни́дет пред Тя моли́тва моя́ и Ты, Влады́чице, приклони́ у́хо Твое́ к моле́нию моему́. Мене́ иска́ша душе́внии врази́ мойи́ вездé, но крѣпкою десни́цею Твое́ю защи́щенъ есмь и под сѣни́ю ми́лости Твоея́ обрето́х пресла́дкий поко́й; сла́ва Тебе́, недрѣмлющая моя́ Храни́тельница.

## Псалом 22

Госпо́дь пасѣт мя и Ты, Богороди́це Присноде́во, умоляеши Его́, да обрати́т Он

божественное лице Своё на  
мя. Слава Его благоутро-  
бию! Слава Твоему матерне-  
му представительству! Да будут  
благословенни очи Твои,  
ихже милостивно обращаеши  
на кающихся грешников; бла-  
гословенно да будет сияние  
лица Твоего, благословенна  
да будет благодать святаго  
образа Твоего, благословен-  
на буди скорая милость  
рук Твоих; благословен да  
будет Питаемый девствен-  
ным млéком Твоим; да бла-  
гословят Тя апостоли и про-  
рочы Божии, мученицы,  
исповедницы, и девственнии  
лицы да поют Тя.

## Псалом 23

Господня есть земля и исполнение ея; Ты же, Владычице, соцарствуеши с Ним на небесі и Ангел Хранитель нам еси Ты и на земли. Лучше есть угаснути солнцу, неже нам лишится Твоего за нас к Богу ходатайства. Славою и красотою облеклася еси, всякой драгоценности предражайшее есть одеяние риз Твоих, сияние солнца на главе Твоей и светлость луны под ногами Твоими; звездами украшен престол Твой и ненасытимо взирают на Тя вси праведнии души. О пресветлая звездó утренняя, помяни нас,

Госпожé, во благоволенíи  
Твоём и сотвори́ нас достóй-  
ны бы́ти, ёже сла́вити свя-  
то́е и́мя Твоё; сла́ва Тебé, всех  
вёрных ско́рая Помóщнице  
и Засту́пнице.

### **Песнь вместо славы**

Ра́дуйся, отча́янных наде́ж-  
до благонадéжная и по́мощь  
безпо́мощных ско́рая; а́ще  
что про́сиши у возлю́бленнаго  
Сы́на Твоего́, ско́ро приёмле-  
ши; а́ще чего́ от Него́ хо́щеши,  
бывáет Тебé: прошу́ и молю́  
Тя, всеми́лостивая Госпожé,  
спаси́ мя, и спасу́ся, и Тя бла-  
гословлю́ во вся вéки векóв,  
амíнь.

## По 3-й кафисме тропари, гл. 3:

Стѣну нерушиму, твёрдое основаніе, пристанище небурное, стяжавше Тя, Всепѣтая, в пучинѣ страстей обуреваемии в благоотішное заступленіе Твоѣ прибегаем: ниспосли нам мир и велию мѣлость.

Престолъ всезлатый Царя и рай процветшій показалася еси, Пречистая: Бога бо во чреве Твоём носивши, благовонствуеши нас божественными благодатьми, отонудуже вси Божію воистину Матерь Тя проповѣдуем прѣсно, подающую нам велию мѣлость.

Утешѣние скорбѣщих, очи-  
щѣние согрешающих Ты еси,  
Мати Дѣво Владычице; чело-  
вѣков бо спасѣние рождши,  
столп крѣпости вѣрным соде-  
лалася еси, тѣмже зовѣм: Хри-  
ста Бѣга моли, даровати нам  
вѣлию мѣлость.

## Молитва

В Твое заступлѣние и крѣп-  
кую поможь нынѣ прибегох,  
Пречистая Госпожѣ Богороди-  
це! Весь есмь сквернен: не  
сохраних заповедей Сына Тво-  
его и Бѣга моего, да яко ни на  
небо очима возрѣти не смѣю,  
ибо тѣло злобою уязвих; ни ру-  
це воздѣти на высоту: полне

бо еста́ лихо́ймства; ни устне́  
отве́рсти на моли́тву: я́ко зло-  
гласова́нием слепи́стася. Воз-  
дыха́ния во мне несть от не-  
чу́вствия; се́рдце отягчи́х  
велича́нием; ду́шу омрачи́х  
немилосе́рдием; те́ло осла́-  
бих ле́ностию; но́зе преткну́х  
о ка́мень сластолю́бия; у́ши  
отверзо́х на слы́шание мало-  
вре́менные похвалы́; лице́ моё  
безсту́дием повлеко́х; смрад  
дел мо́их обоня́ста но́здри мо́и;  
и весь бых, я́ко дре́во непло́д-  
но или́ я́ко храм пуст, е́му же  
на разоре́ние вси поуча́ются.  
Тать же ду́ши моея́, диа́вол,  
кры́ется в гнезде́ се́рдца мое-  
го́, ви́дит бо мя неогражде́на

и тщи́тся ма́лое импе́ние ве́ры  
моея́ восхи́тити и, а́ки плён-  
ника грехо́вными у́зами свя-  
за́в, к своему́ хоте́нию мя ну́-  
дит. Что у́бо содею́ — не вем:  
самовла́стен Бо́гом сотворён  
бых, оба́че во́лею поработи́хся  
по́хотному бе́су и умно́жишася  
греси́ мои́ па́че песка́ морска́-  
го. Ка́ко могу́ умоли́ти Творца́  
моего́ и Го́спода, или́ ка́ко на-  
дею́ся поми́лован бы́ти? Во́-  
лею вда́вся на оскверне́ние  
плóти и по вся часы́ прибли-  
жа́юся к грехо́вным сласте́м;  
плоть у́бо моя́ оскверни́ся блу-  
до́м, язы́к срамосло́вием рас-  
простре́ся; вну́тренняя же моя́  
испо́лних смра́дных по́мысл

и отнюдь весь мой разум попустих в сопротивная Божію закону. И того ради тужу, и скорблю, и печалуюся, во вся часы припадаю к щедротам Твоим, Госпоже Богородице! Не прогневайся на мя, грешнаго, да не все жизнь моя сократится; но призри, Владычице, на мя унылаго, умоли Рождшагося от Тебе, да не предан буду в жребий грешных. Ты бо еси Божия Мати и аз, раб Твой, всегда на Тя надеюся; за мене, Своего раба, умоли Сына Твоего и Бога моего, Ему же слава со Отцем и Святым Духом ныне и присно, и во веки веков. Аминь.

## КАФИСМА 4

## Псалом 24

К Тебѣ, Госпожѣ, воздвиго́х ду́шу мою́, я́ко да на Стра́шнем Судѣ́ Бо́жием Твои́ми моли́твами не постыжу́ся, ниже́ да посмею́тся о мне врази́ мой и поднебѣ́сной зло́бы лука́внующи полки́ да не преткну́т стопы́ моя́, ниже́ да не превзы́дут мене́ се́ти сме́ртныя; с крото́стию притецы́ к душе́ мое́й, путево́дительница бу́ди ко оте́честву небѣ́сному и к блаже́нному собору́ избра́нных Бо́жих сопричти́ мя.

## Псалом 25

Суди́ мя, Госпоже́, ꙗко аз не-  
злѡбою моѣю ходи́х, упова́я на  
Тя не изнемогу́. Воспламени́  
се́рдце моѣ огне́м любви́ Тво-  
ея́ и по́ясом чистоты́ Твоея́  
востя́гни утробу́ мою, ми́лость  
и щедро́ты Твоя́ пред очима́  
моима́ суть; наслажду́ся во гла́се  
хвалы́ Твоея́, Госпоже́; возлюбих́  
святоле́пное лице́ Твоѣ, покла-  
няюся ему́ и почитаю́ свято́е  
влады́чество Твоѣ. Испове́дай-  
теся и́мени Ея́, ꙗко свято́ есть,  
и пове́дите в век чудеса́ Ея́.

## Псалом 26

Госпоже́, небѣсное сия́ние  
лица́ Твоего́ да бу́дет просве-

щѣние моѣ и свѣтлость благо-  
дѣти Твоея да возблистаѣтъ во  
умѣ моѣм; вознеси главу мою  
на враги моя, яко аз преслав-  
ное имя Твое воспую, и не от-  
врати лица Твоего от мене;  
красоту и доброту Твою возжелѣ  
душа моя и Тя во дни и в нощи  
ищет сердце моѣ, Царице Не-  
бѣсная, не остави благодѣти и  
милости Твоея от мене и про-  
славлю во языцех славу Твою,  
еюже прослави Тя Отец, Сын  
и Святыи Дух.

## **Песнь вместо славы**

Преукрашенная и во веки  
благословенная всеми Прис-  
нодево Богородице Марие,

невместимаго Бѳга храме,  
Духа Святаго прїателище,  
двѳре Небѳснаго Царствїя,  
всея вселѳнныя Мати, при-  
клонї ухо Твое к недостѳй-  
ному моему молѳнию и буди  
мне, грѳшному, мїлостивая  
попечїтельница и во всем  
помѳщица.

## Псалом 27

К Тебѳ, Госпожѳ, воззову и  
услыши мя, и во гласе хва-  
лы Твоея возвеселїши мя.  
Помїлуй мя в день тесноты  
моея и свѳтом їстины Тво-  
ея озарї мя; Сам Господь во  
утешѳние наше Тя дал есть  
и Ты крѳпость моя и хвала о

Господе; почерпну́ убо во́ду  
благодáти Твоея́ с весéлием и  
испию́ от истóчника мѝло-  
сти, и не вжáжду во вéки.

## Псалом 28

Принесѝте Господжé нáшей,  
сынове́ Бóжиеи, принесѝте  
Господжé нáшей слáву и хва-  
лú. Дажь сѝлу рабóм Твоѝм,  
Мáти Пресвятáя, и благо-  
словéние слáвлящим и хваля́-  
щим Тя. Услы́ши сердéчное  
воздыхáние взирáющих к Те-  
бé и не прézри молѝтвы при-  
зывáющих Тя; да бúдет рука́  
Твоя́ распростёрта и готóва  
к вспоможенѝю нам и úхо  
Твоé слы́шащее гóрестный и

утомлённый глас наш, Ты бо еси еди́на на́ша Ма́терь сер-добо́льная.

## Псалом 29

Вознесу́ Тя, Госпоже́, я́ко Ты еси́ прекра́сное жили́ще Свята́го Бо́га; вознесу́ Тя, Госпоже́, я́ко восприя́ла еси́ мя в ми́лость Твою́ и от душе́внаго врага́, проти́вника моего́, изба́вила мя еси́: не отврати́ся и до конца́ мно́жества ра́ди грехо́в мои́х, оживотвори́ дух мой и окамене́лое се́рдце моё умягчи́ в покая́ние, я́ко да и аз принесу́ Тебе́ же́ртву славы и хвалы́. Ра́дуйтесь, небеса́, и весели́ся, земля́, поне́же

утешáет Мáти Марíя вѣрных рабѡв Свои́х и ни́щих дѹхом мѣлует и благоволи́т о них.

### **Песнь вместо славы**

Ра́дуйся, небѣс ра́досте! Ра́дуйся и земли́ и́стинное весѣлие, Марíе, Мáти Христа́ Бо́га на́шего! Ты умы́ любящих Тя любѣзно просвещáеши и вѣрныя Твоя́ певцы́ со тща́нием приво́диши к сла́дости райских оби́телей; к Тебѣ, к Тебѣ, Госпоже́, обраща́ю лице́ моѣ, на Тя взира́ют о́чи се́рдца моего́, на Тя упова́ет душа́ моя́; помѣлуй мя, Влады́чице, приведи́ к отѣчеству любви́ вѣчныя.

## Псалом 30

На Тя, Госпоже́, упова́х, и не постыжу́ся во век: благода́тию Твоею́ приими́ мя и воззре́нием ма́терним утэши́ мя; Ты еси́ кре́пость моя́, и прибэ́жище моё, и утешэ́ние моё, и покрóв мой, и наде́ждо моя́ непосты́дная; в рúце Твоего́ ма́терняго заступле́ния вруча́ю убо́гую мою́ ду́шу, весь живóт мой, послéдний день, конéчную мину́ту дыха́ния моего́ и ужáсное прехожде́ние возду́шных мыта́рств.

## Псалом 31

Блаже́ни, ихже сердца́ любя́т Тя, преблагослове́нная Присноде́во; Вопло́щшим бо ся из

Тебѣ грехи их милостивно очисти-  
стятся и беззакония их покрываются,  
от плода бо святыя и пречистыя  
утробы Твоея излиятся на всех  
кающихся грешников благоутробие  
Божие; и Ты, Владычице, прямая еси  
стезя к Царству Небесному, блудящих  
в мрачной нощи греховной  
просвещаеши и уклоняющихся  
в законопреступныя дѣбри  
милосердно на путь истинный  
наставляеши: слава Тебѣ, всех  
верующих скорая помощнице  
и заступнице.

### **Песнь вместо славы**

Радуйся, Приснодево Бого-  
родице Маріе, нетлѣнный

ковчѣже, от пото́па грехо́в-  
наго весь род челове́ческий  
спасши́й. Ра́дуйся, всех к Тебѣ  
притека́ющих наде́жное и без-  
опа́сное прибе́жище.

О всеблагодáтная, всепре-  
красная, всесладча́йшая, все-  
благословѣнная, помяни́ нас,  
грѣшных, у престо́ла влады́че-  
ства Господня, Емуже Ты во  
сла́ве предстои́ши и нас при-  
зира́еши, ами́нь.

### **По 4-й кафизме тропари, гл. 4:**

В мо́ри мя пла́вающа, на пу-  
ти шѣствующа, в но́щи спяща  
соблюди́, бдящу просвети́ ум  
мой, Госпоже́, и наста́ви тво-

рѣти волю Господню: яко да  
обрѣщу в день судный в житиѣ  
содѣянных ми разрешѣние,  
прибегая в кров Твой, Благо-  
словенная.

Не вниди со мною в суд,  
Христѣ, аз бо вем моя осуж-  
дающыя мя грехи, и Тебѣ взы-  
ваю: молитвами Роддшия Тя  
помилуй мене смиреннаго и  
недостойнаго, яко разбойника  
и блудницу, мытаря и блудна-  
го, Человеколюбче, не бо пра-  
ведных пришел еси спасти, но  
паче грешныя.

Даров Твоих честных на-  
слаждающесе, не умолчим  
пети, Богородице, милости  
Твоя всегда раби Твои, зову-

ще и глаголюще: Пресвятая Дѣво, всех нас изми от козней вражиих и нужд и всякаго прещенія: Ты бо еси наше заступленіе.

### Молитва

О Владычице, преблагословенная Защитнице рода человеческого, прибежище и спасеніе притекающих к Тебѣ! Вем, воистину вем, яко зело согреших и прогневах, премилостивая Госпоже, рожденнаго по плоти от Тебѣ Сына Божія; но имаю многіе образы прежде мене прогневавших Его благоутробіе: мытарі, блудницы и про-

чие грѣшники, ѡмже дадѣся  
прощѣние грехѡв покаянія  
их ради и исповѣданія. Тыя  
убо образы помѡлованных  
очесам грѣшныя моея души  
представляя и на толикое  
Божіе милосѣрдіе, ѡных  
пріѣмшее, взирая, дерз-  
нѡх и аз, грѣшный, прібѣг-  
нуть с покаяніем к Твоемѡ  
благоутрѡбному, сѣльному и  
непрестанному ходатайству.  
О Семѣлостивая Владычице!  
Да подаси ми рѡку помѡщи  
и испросиши у Сына Твое-  
го и Бога матерними и свя-  
тѣйшими Твоѣми молѣтвами  
тяжким моѣм грехѡм прощѣ-  
ние. Вѣрую и исповѣдую, яко

Той, Егóже родила́ еси́, Сын  
Твой, есть вои́стину Христóс,  
Сын Бóга жива́го, Судия жи-  
вы́х и мёртвых, воздай́ ко-  
му́ждо по делóм егó; вéрую же  
па́ки и исповéдую Тебé бы́ти  
и́стинную Богорóдицу, мило-  
сёрдия исто́чник, утешéние  
пла́чущих, взыскáние погíб-  
ших, сй́льную и непреста́н-  
ную к Немú ходáтаицу, зело́  
лю́бящую род христиáнский,  
и спорúчницу покая́ния. Во-  
и́стину бо несть челове́ком  
и́ныя по́мощи и покрóва, раз-  
ве Тебé, о Госпоже́ премило-  
стивая! И никто́же, упováя на  
Тя, постыдéся когда́, и Тобо́ю  
умоля́я Тогó, никто́же оста́в-

лен бысть. Того ради молю  
Твою́ неисчѣтную блага́сть:  
отвѣрзи двѣри милосѣрдия Тво-  
его́ мне, заблужда́ющему и  
па́дшему в тимѣния глубины́;  
не возгнуша́йся мене́, сквѣр-  
наго, не прѣзри грѣшнаго мо-  
лѣния моего́, не оста́ви мене́,  
окая́ннаго, е́гоже во погѣбель  
злѣбный враг похѣти; но умо-  
ли́ всемо́щными и святѣйши-  
ми Тво́ими моли́твами, о ми-  
лосѣрдая, рождѣннаго от Тебѣ́  
милосѣрдаго Бо́га, да прости́т  
вели́кия моя́ грехи́ и изба́-  
вит мя от па́губы моея́, я́ко да  
и аз со все́ми получи́вшими  
прощѣние воспѣю́ и просла́в-  
лю́ безме́рное милосѣрдие

Бо́жие и Твое́ непосты́дное  
о мне заступле́ние в жи́зни  
сей и в неконча́емом ве́це.  
Ами́нь.

## КАФИСМА 5

### Псалом 32

Ра́дуйтесь, пра́веднии, о Го́с-  
поде, ра́дуйтесь и о Присно-  
де́ве Мари́и, воспойте Ему́  
песнь но́ву, до́бре пойте и  
Влады́чице со восклицáнием;  
пийте от небéсных сла́дости  
Ея́, услажда́ет бо Она́ сердца́  
и уста́ премудрых; да вознесе-  
лится у́бо душа́ на́ша о Ней,  
Она́, яко сладча́йшая ма́нна,  
препита́ет нас в пусты́не ми́ра

сего́, и изба́вит от сме́рти ду́-  
ши на́ша.

### Псалом 33

Благословлю́ Госпожу́ Ма-  
ри́ю во всякое вре́мя, вы́ну  
хвала́ Ея́ не оскуде́ет во уст-  
на́х мои́х; возвели́чите Ю́ со  
мно́ю вси, насы́щенные ме́дом  
и млéком утешéния Ея́, в беда́х  
и скорбéх призови́те Ю́, и в  
ну́ждах ва́ших обря́щете по́-  
мощь и поко́й; сла́достне при-  
ими́те святы́й о́браз жити́я  
Ея́ и поревну́йте любви́ и сми-  
ре́нию Ея́, поне́же кротка́ и  
смирéнна Дéва Пресвята́я:  
Несозда́нное Сло́во Ду́хом  
Святы́м плоть от Нея́ восприя́.

## Песнь вместо славы

Ра́дуйся, Присноде́во Пре-  
свята́я Мари́е, честне́йшая Хе-  
руви́мов, славне́йшая Сера-  
фи́мов, превысоча́йшая всех  
святы́х! Соблюди́, молю́, се́рд-  
це моё от грехо́вных прет-  
кнове́ний, яже де́вственным  
очесём Твои́м неуго́дна суть,  
отвлече́ны ум мой от при́хотей  
земны́х и к небе́сней любви́  
обрати́, яко да душа́ моя́ поу-  
чи́тся пра́вде Твоёй, и се́рдце  
преиспо́лнится весь день хва-  
лы́ Твоея́.

## Псалом 34

Суди́, Госпоже́, оби́дящия мя  
и проти́ву их воста́ни и охра-

ни́ невѣнность мою́. Душа́ моя́ о Тебѣ веселѣтся и Твоѣми моли́твами возра́дуюся: мѣлости Твоея́ полны́ суть небеса́ и земля́. Бы́ша простѣрты ми всю́ду а́дскія се́ти, но Ты, Влады́чице, благосты́нею Твоею́ защитѣла мя от них; сла́ва Тебѣ, помо́щнице мое́й; вся ко́сти моя́ реку́т: Госпоже́, Госпоже́ Мари́е, кто по Бо́зе подобен Тебѣ!

### Псалом 35

Глаго́лет пребеззаконный на и́мя Твое́ хулу́, о Святѣ́йшая Всецари́це, и дѣ́вная чудеса́ мнит бы́ти измышле́ны; глаго́лы скверных уст его́ беззаконіе

и лeсть, но мы вѣруем и исповѣдуем, что Ты с плѳотію прeстѳавилася есѳ к небесѳ и прeдстоѳиши прeстѳолу Бѳжію; чудесѳ Твоѳ и мѳлости Твоѳ суть бѳздна мнѳга и вси чтѳущии Тя под крѳвом крилѳ Твоѳю надѳжно укрьѳются. О Мѳти Бѳжія, прeдстѳательством Твоѳм приклонѳ святѳйшее лицѳ возлюбленнаго Сѳна Твоего и Спасѳтеля нѳшего к нам, сотвори Его молѳтвами Своѳми к нам, грѳшным, мѳлостива: пробѳви мѳлость Твою вѳдущим Тя; благодѳть Твоѳ излияся по всей землѳ, власть и сѳла в мѳщце Твоѳй, крѳпость и утверждѳние в деснѳце Твоѳй;

благословѣнна хвалá Твоя́ на небесѣ́, благословѣ́нно великолѣ́пие Твоѣ́ и на землѣ́.

## **Песнь вместо славы**

Ра́дуйся, ра́ю словѣ́сный и Богопросвещѣ́нный, чѣ́стая Дѣ́во Богоро́дице, всяк, притека́яй любóвию к Тебѣ́, всяких скорбѣ́й и печáлей свобожда́ется; тѣ́мже мо́лим Тя: всех, по вѣ́ре престáвльшихся рабо́в Твоѣ́х, благочѣ́стно Тя Бого-ро́дицу исповѣ́давших, всякаго злострада́ния и вѣ́чнаго осужде́ния изба́ви и ча́емый рай присносу́щнаго наслажде́ния Тобо́ю уллучи́ти сподо́би, еди́на Пречѣ́стая.

## Псалом 36

Не ревнуй лукавнующим,  
ниже завиди беззаконие творящим,  
о истинный чтителю святыни Матери Божией!  
Творящи бо беззаконие, яко злак,  
скоро отпадут; уповай на всемогущую Царицу Небесную  
и твори благостыню, и упасешия в богатстве Ея;  
лучше есть малое со благодатию Ея,  
нежели сокровища многа и каменья многоценна;  
уповай на Господа, уповай и на возлюбленную Матерь Его,  
и исполнятся вся благая прошения сердца твоего.

## Песнь вместо славы

Ра́дуйся, пресветле́йшая и прекротча́йшая небесная Голуби́це, красото́ю благоле́пия Твоего́ просвети́ внутреннюю тьму мою́; вонми́, Госпоже́, вонми́ воздыха́нию моему́ сердечному, от исполне́ния благода́ти Твоея́ ниспусти́ ро́су, оживля́ющую уны́лый дух мой.

### По 5-й кафисме тропари, гл. 5:

Многообра́зно, Де́во, Христа́ преогорчи́х, помышле́ниями и сло́вом и де́лы, и бою́ся стра́шнаго Его́ суди́ща, но, предваривши, изба́ви мя от

лю́тых Твои́м молéнием, Бого-  
родительнице.

Менé, мно́го согрeши́вша-  
го, Влады́ко, поми́луй и спа-  
си́ Ро́ждшия Тя мольба́ми, да  
Твоé мно́гое прославля́ю и  
безме́рное милосéрдие.

Сла́вою божéственнойю блис-  
та́ющая еди́на, я́ко Ма́терь  
Тя просла́вльшаго, сла́ву вы́ш-  
нюю улучи́ти ми, Дéво, умо-  
ли́ еди́наго Препросла́влен-  
наго.

## Молитва

О Пресвята́я Дéво Бого-  
ро́дице, Преблагословéнная  
Ма́ти Бо́га Спа́са моего́, скор-  
бя́щим ра́досте, ненаде́жным

надéждо, и безпóмошным пó-  
мощь! Ты вéси вся стру́пы моя  
грехóвныя, от нѣхже аз же-  
ла́я очѣстится, со скóрбным  
сёрдцем прибегаю к Тебé и  
молю́ся Ти со слезáми: прѣз-  
ри на нéмощи моя и не даждь  
ми во гресéх погѣбнути. Ты  
вéси наготу́ души́ моея, помо-  
зи́ ми оде́яться рѣзою возлю-  
бленнаго Сы́на Твоегó. Ты вé-  
си, я́ко нищ есмь аз, потщи́ся  
отвѣрсти ми сокрóвищницу  
благодáтных дарóв, да сохра-  
ню́ данные мною́ при святóм  
крещéнии обéты; ты вéси вра-  
гѣ́ моя́ плотскѣя и безплóт-  
ныя, избáви мя от них. Ты  
вéси, Преблагáя Засту́пнице

наша, время исхода души моея из окайннаго телесе моего, наипаче милостивно предста́ни ми тогда́, да во свято́м прису́тствии Твоём бу́дет исход души́ моея́ ти́хий и отра́дный и да не ополча́тся на ню ду́хи зло́бы поднебе́снии, но, покрыва́ема непристу́пным для них Твои́м покрóвом, да возврати́тся без зла к своему́ нача́лу и исто́чнику.

О любоблагоутро́бная Ма́ти, яви́ мне, страна́ну, си́ру и убо́гу, я́ко Ты еси́ вои́стину ми Ма́ти милосе́рдия и щедро́т и не пре́ста́ни покрыва́ти мя и неусы́пно ходата́йствовати о мне, до́ндеже приведе́ны в небес-

ные чертоги Божественнаго Сына Твоего, Ему же со безначальным Его Отцем и Пресвятым Духом да будет честь, слава и поклонение во веки веков. Аминь.

## КАФИСМА 6

### Псалом 37

Госпоже, да не яростию и правосудием Своим обличит нас Господь в беззакониях наших. Ты, всемилостивая Предстательнице, исходатайствуй у Него прощение нам, безответным в оных. Ты бо еси непостыдная надежда наша и упование неложное;

нестъ міра в костѣх на́ших от  
лицá грех на́ших, но Пребла-  
гословѣнным пло́дом чрэва  
Твоегó примири́хомся с Бó-  
гом, благодáть Егó и Твоя́ мѣ-  
лости одесну́ю нас.

## Псалом 38

Рех, сохраню́ спасительныя  
пути́ возлюбленнаго Сы́на  
Твоегó, Цари́це Небѣсная,  
и благодáть Христо́ва б́дет  
мне п́дана, но дух мой бодр,  
плоть же немощна́; помѣлуй  
мя от небесѣ и от высоты́ сла-  
вы Твоея́, Помощнице моя́,  
и внемда́ подви́жатися ногáм  
моѣм от пути́ прáваго, не по-  
пусти́ и сохрани́ их, да не по-

ползнутъся и не преткнутъся  
о камень злыхъ страстей, и да  
не порадуются о мне душев-  
нии врази мой! Услыши мо-  
литву мою, Госпоже, и не  
презри убогаго молѣния моего.

## Псалом 39

Терпя потерпѣхъ благодать  
Твою, Госпоже, и сотворила  
еси мне по множеству мило-  
сти Твоея: услышала еси мо-  
литвы моя и извела еси мя от  
рова грехолюбивыхъ страстей и  
от ямы адскаго врага. Дивны  
и неизследимы суть Твоя ще-  
дроты; да возрадуются и воз-  
веселятся о Тебѣ вси любящи  
тя, ненавидящия же имя Твое

снѣдут во ад; благословѣнна и препрослѣвленна Ты, Владычице, во вѣки векѡв.

### **Песнь вместо славы**

Рáдуйся, предражáйший небѣсный Маргарите, егѡже духѡвныя красоты и свѣтлости никака́я тьма грехѡвная обступити возмѡже; аз же, грѣшник, знáю моя́ беззакѡнiя и, повергáясь смирѣнно предсто́пы Твоя́, молѣнием молю́, да не прѣзриши мя, о Надѣждо моя́ преблагáя, но вели́кое окаянство моѣ́ воздвѣгни из глубины́ грехѡвныя, да не погѣбну, я́ко неключи́мый раб в б́удущем вѣце.

## Псалом 40

Блаже́нна и преблаже́нна Ты, Богоро́дице Мари́е, разумева́еши бо на ни́щих ду́хом и убо́гих се́рдцем. Во испове́дуемых пред Бо́гом и пред Тобо́ю немо́щих их де́йствует Бо́жия всемогу́щая си́ла и Твое́ ма́тернее ходата́йство. Сла́ва Тебе́, Влады́чице, безпо́мощных по́моще, ни́щих и убо́гих бога́тство неотъе́м-лемое.

## Псалом 41

И́мже о́бразом жела́ет елeнь на исто́чники водны́я, си́це к свято́й любви́ Твое́й, Цари́це Небе́сная, прибе-

гаёт жа́ждущая душа́ моя́;  
Ты еси́ жизнь жи́зни моея́ и  
пита́тельница бе́дныхя плóти  
моея́; Ты млéком пита́ла еси́  
Спаси́теля души́ моея́, Самá  
же пита́лася еси́ нетлénною  
пи́щею божéственнаго учé-  
ния Егó. О Свéте, небéсным  
свéтом осия́нный! Просвети́,  
молю́ Тя, внúтреннюю мою́  
тьму, да ум мой и желáние  
моё воскры́лятся при свéте  
Твоём к гóрнему Сиóну.

## Псалом 42

Суди́ мя, Госпоже́, и рассу-  
ди́ прю мою́ с плóтию моею́,  
прю с мiром прелéстным, прю  
с диáволом — зми́ем лука́вым,

с аспидом смертоносным, да избавит мя от сих трёх ужасных врагов единая помощь Твоя; сокруши, Владычице, гóрдья главы их, истоши силы их, и укрепи мя противустати им; десница Твоя в крепости, держиши бо ею Содержащаго вся. Да воскреснет Господь во мне благодатию Своею, за Твоя матерния молитвы, и расточатся врази моя.

### **Песнь вместо славы**

Ра́дуйся, яко дар прияла еси́, яко Мати́ Бóжия, всех христиа́н недúги исцеля́ти, и от бед избавля́ти, и грехи́ отпуща́ти, и от пленения спа-

са́ти, и от вся́кя нѹжды; не прѣзри и нас, Госпоже́, ве́си бо, ѡ́хже тре́буем, — здра́вля телесѣм и душáм спасѣния.

### Псалом 43

Влады́чице! Отцы́ на́ши возвести́ша нам и са́ми ны́не ушы́ма на́шима слы́шим и очы́ма ви́дим, коль неизсле́довани суть щедрóты Тво́я, и коль предивны чудеса́ Тво́я, и коль неисчѣтны мѡлости Тво́я: востóк и за́пад, юг и се́вер озаре́ни суть ѡ́ми; повсю́ду небѣсныя благосты́ни Ея́ угото́ваны хваля́щим Ю́, хваля́щи бо святѣ́йшее ѡ́мя Ея́ возвели́чатся от Бо́га.

## Псалом 44

Отрыгну сердце мое слово  
благо Господе Приснодеве  
Марии: яко из уст Ея слад-  
кодышущих исходит небес-  
ная сладость, яко святейшим  
плодом чрева Ея грехи мои  
очищены суть, яко непороч-  
ным девством Ея блаженное  
безсмертие душе моей пода-  
деса, яко рождеством Ея из-  
бавлен есмь от адскаго плена  
и в вечное небесное отече-  
ство возведен.

## Псалом 45

Владычице! Ты еси прибе-  
жище наше во всяких нуж-  
дах наших, Ты крепость и си-

ла, сокрушающая всех врагов моих; благостыни Твоея преисполнена земля, проходит даже до преисподних, от исполнения благодати Твоея бывшии во аде, веселящеся, свободишася от него чрез преславное девственное Твое рождество и человецы смертнии сообщницы соделашася безплотным Ангелом.

### **Песнь вместо славы**

Радуйся, преблагословенная Приснодево Марие, Мати Христа Бога нашего; Ты превыше сил небесных возвеличена и одесную Бога в ризах позлащенных и преиспещ-

рѣнныхъ стоиши; к Тебѣ вопию изъ плачевной юдоли мѣра сего: покрѣй мя кровомъ крилу Твоею, даждь мнѣ благодать скончатися во благочестивой вѣре и по преселѣнии изъ сея жи́зни сподоби узрѣти благословенный плодъ чре́ва Твоего — сладчайшаго Иисуса Христа, Спасителя моего.

**По 6-й кафисме тропари,  
гл. 6:**

Изнемога́ет мой ны́не умъ, впадъ во глубины протѣвнихъ помышлѣний, и несть ми ослаблѣния: услыши мя искуша́ема и да́руй ми умирѣние, яко

благая, да не буду снѣдь лукаваго, Маріе благословѣнная.

Судию міра мѣлостива сотвори ми, Дѣво; никтоже бо якоже Ты можеша ходатайствовати, Матерь сущи Владыки всех Бѣга. Того убо прилѣжно моли о мене, единая чистая.

Видимо пред иконою Твоею предстою, невидимо Тебѣ, живущей на небесѣхъ, мню предстоюти, Мати живота, и со благоговѣніемъ молюся: враговъ видимыхъ и невидимыхъ мя избави, Владычице.

## Молитва

Нескверная, неблазная, нетленая, пречистая, неневѣст-

ная Богоневѣсто, Богородице Маріе, Приснодѣво, Госпожѣ міра и надѣждо моя! Призри на мя, грѣшнаго, в час сей и Егѡже из чістых кровѣй Твоих неискусомужно родила еси, Гѡспода Иисуса Христа, мѡлостива мне содѣлай матерними Твоими молитвами; Тогѡ зрѣвшая осуждѣнна и оружием печали в сѣрдце уязвѣвшися, уязви дѡшу мою Божѣственнойю любѡвію; Тогѡ во ўзах и поруганіях гѡрце оплакавшая, слѣзы сокрушенія мне даруй; при вѡльном Тогѡ вѣденіи на смерть душѡю тяжце поболѣвшая, болѣзней мя свободи, да Тя

сла́влю, досто́йно сла́вимую  
во вся ве́ки. Амѣнь.

## КАФИСМА 7

### Псалом 46

Вси язы́цы восплещѣте ру-  
ка́ми, и в воскликновѣнии  
воспо́йте Приснодѣве Маріи  
пресла́вней, я́ко Та есть врата́  
вѣчныя жи́зни, дверь спасѣния  
и примирѣния с Бóгом, я́ко Та  
есть надѣжда ка́ющихся, уте-  
ше́ние пла́чущих, благоговѣ-  
ние, мир и спасѣние душ всех  
вѣрующих избранных Бóжи-  
их; по́йте ўбо Ей вси любящии  
ѣмя Ея́, по́йте, я́ко Она́ есть  
Царѣца небесѣ и земли́.

## Псалом 47

Велика́ еси́ и хва́льна зело́,  
Госпоже́, во гра́де Бо́га не-  
бе́снаго и во всей це́ркви из-  
бра́нных Бо́жиих; честне́йша  
и славне́йша еси́ А́нгельских  
и Арха́нгельских чино́в, ра́й-  
скими цвето́ми увенчана.  
Воскли́кните Ей сладча́й-  
шими пёсньми Нача́ла и  
Вла́сти, усре́тайте Ю́ Си́лы  
и Госпо́дствия, Херувими,  
Престо́ли и Серафи́ми воз-  
вели́чите Ю́, предстои́т бо  
одесну́ю возлю́бленнаго Сы́-  
на Своего́. О, коль пресве́т-  
лым лице́м восприя́л Ю́ есть  
А́нгелов и всех святы́х Го-  
спо́дь, и дал есть Ей превы́-

ше всех сил небесных вечно  
блаженное место!

## Псалом 48

Услышите сия вси языцы,  
внушите желающие внити в  
Царствие Небесное, молитесь  
усердно Приснодеве Марии,  
обносите всегда в сердце свя-  
тейшее имя Ея и обрящете  
живот и радость безконечную.  
Та бо приносит молитвы на-  
ши к возлюбленному Сыну  
Своему и Богу и Самá выну у  
престола Его молятся о всех  
нас; Она́ есть заступница, ро-  
ду христианскому дарованная,  
Она́ есть единая истинная  
Мать всех нас, и во всем

помогающая. Сла́ва Тебе́, все-  
ми́лостивейшая Ма́ти Бо́жия,  
от всех христиа́нских родо́в  
почита́емая и поклоня́емая.

### **Песнь вместо славы**

Ра́дуйся, чистей́шая Свя-  
та́го Ду́ха приятелище и не-  
порóчное Сло́ва Бо́жия свя-  
ти́лище; ра́дуйся Пресвята́я  
Ма́ти и Присноде́во Мари́е,  
я́ко ра́дость А́нгелов и чело-  
ве́ков, сладча́йшаго Иису́са  
Христа́, от Ду́ха Свята́го ро-  
дила́ еси́ плóтию и младенца  
Его́ пелена́ми пови́ла еси́, в  
ложесна́х носи́ла еси́, я́ко воз-  
лю́бленнаго Сы́на млéком пи-  
та́ла еси́, объима́я лобза́ла еси́

Того́. Молю́ Тя, вели́кая Вла-  
ды́чице, исходáтайствуй мне,  
грéшному, у Сы́на Твоего́ и  
Бо́га прощéние грехо́в, да не  
лишу́ся Цáрствия Небéснаго.

## Псалом 49

Бог бого́в Мари́и глаго́ла  
через Гаври́ила, возвещáя: ра-  
дуйся Благодáтная, с Тобо́ю  
Го́сподь! Тобо́ю, обра́дованная,  
спасéние ми́ру возвещáется и  
па́дший челове́к возставля́-  
ется; красоту́ Твою́ и добрóту  
Вы́шний возжелá, украшén бо  
вну́тренний черто́г Твой, Дщи  
Сио́нова, и сподóбилася еси́  
предуготóвати Себé в сретé-  
ние Бо́га Твоего́, цáрствуеши

бо с Ним преславно на небеси; помози́ и нам дости́гнути вѣчнаго обетова́ния.

## Псалом 50

Помілуй мя, Госпоже́, яко́ Ма́ти мілостей зове́шися и по мно́жеству щедро́т Твои́х помози́ очи́ститися мне пока́нием от беззако́ний мои́х, изле́й благода́ть Твою́ на мя и благосты́ню Твою́ не отри́ни от мене́, яко́ беззако́ния моя́ испове́даю Тебе́ и пред Тобо́ю ви́нна себе́ творю́. О Влады́чице! Благосло́венному пло́ду чре́ва Твоего́ мя прими́ри и возда́ждь души́ мое́й ра́дость спасе́ния ея́.

## Песнь вместо славы

Ра́дуйся, я́ко все естество́  
А́нгельское похва́льная при-  
но́сит Тебе́, и́стинней Бо́-  
жией Ма́тери и засту́пнице  
всех, притека́ющих к Тебе́,  
веду́ще, я́ко несокруши́мым  
покро́вом Твои́м пра́ведных  
возвеселя́еши, грёшных за-  
ступа́еши, бе́дствующих из-  
бавля́еши и мо́лишися о всех  
ве́рных.

## Псалом 51

Что хва́лишися во зло́бе,  
о прелука́вый зми́е, а́спиде  
а́дский? подклони́ши го́рдую  
главу́ твою́ благослове́нней  
и кро́тцей Женé, Ея́ си́лою

погрязнеши во глубинѣ, яко мысленный фараон, ногою Ея сокрушится власть твоя, десницею Ея расточится злоба твоя, святынею Ея весь яд твой обратится в ничто; и мы, верующии, радуемся о имени Ея и воспеваем вся преславная деяния Ея и величия Божия.

## Псалом 52

Рече безумный враг в сердце своем: человека изжену от едемскаго селения, взыду и буду дух лживый во устах змия, и женою изжену мужа ея; но якоже отстоит небо от земли, тако отстоят судьбы

Бóжии от твои́х, окая́нный  
льстец, мы́слей; не возно́си-  
ся о паде́нии жены́, Жена́ со-  
круши́т твою́ главу́, ты зло-  
кова́рством твои́м изры́л ей  
па́губную я́му, но сам со всем  
те́мным во́инством твои́м  
впал еси́ в сеть смире́ния Ея́.

## Псалом 53

Влады́чице, во и́мя Твое́  
спаси́ мя и от беззако́ний мо-  
и́х моли́твами Твои́ми изба́ви  
мя. Ты помога́еши мне и за-  
ступа́еши ду́шу мою́, во́лею  
приношу́ Тебе́ же́ртву хвалы́ и  
испове́мся и́мени Твоему́, я́ко  
бла́го есть: предста́тельством  
Твои́м к Бо́гу, ма́тернею лю-

бóвию к христи́анскому рóду  
от вся́кия печа́ли Ты избав-  
ляеши мя.

## Псалом 54

Услы́ши, Госпоже́, моли́тву  
мою́ и не прэзри моле́ния мо-  
его́, в ско́рби есмь в помыш-  
ле́нии моём, я́ко десни́ца  
Бо́жия за грехи́ мои́ отяготé  
на мне, тьма вéчной смёр-  
ти при́иде на мя и у́жас áдов  
нападé на мя. Ты, Влады́чи-  
це, наде́жное утешéние всем  
скорбя́щим, вонми́ уны́лой  
душе́ мое́й, утэши и изба́ви  
ю́, мно́го бо мо́жет ма́терняя  
моли́тва Твоя́ ко благосéрдию  
Влады́ки.

## Песнь вместо славы

Ра́дуйся, прекра́снейшая  
Присноде́во Мари́е, яви́ моёй  
душе́ крóткий зрак Твой и глас  
Твой пресла́дкий да услы́шат  
у́ши се́рдца моего́, егó слы́ша-  
нием оживотвори́тся и воста́-  
нет упáдший дух мой. Помяни́  
мя, Влады́чице, во Ца́рствии  
возлю́бленнаго Сы́на Твоего́,  
Христа́ Бо́га моего́, воспоми-  
на́ю и помяну́ аз святёйшее  
и́мя Твоё во вся́ком ро́де и ро́де.

### По 7-й кафисме тропари, гл. 7:

Предста́тельница Ты еси́  
христиа́н и от искуше́ний Из-  
ба́вительница притека́ющих к

Тебѣ, Маріе! Сего́ ради вопію́  
Ти: не прѣзри раба́ Твоего́,  
прося́ща Твоея́ по́мощи.

Доко́ле, о душе́, всѹе ижди-  
ва́еши вре́мя, доко́ле попечѣн-  
ми житѣ́йскими оплетáешися?  
Возвѣрзи печáль свою́ на Го́с-  
пода, и стеньáщи возопій: Вла-  
ды́ко Человеколю́бче, моли́т-  
вами Богоро́дицы спаси́ мя.

Нигдѣ́же упова́ем спасѣ́ние  
обрести́, то́чию от Тебѣ́, Пре-  
чѣ́стая, по Бо́зе ско́рую по́-  
мощь получи́ти. Тѣмже Тя при́-  
сно велича́ем.

## Молитва

О Семѣ́лостивая Госпо-  
жѣ́ Дѣ́во Богоро́дице! Вонми́

смирѣнному молѣнію моему и сокрушенно ныне предстоящаго пречистому образу Твоему услыши глас. Вем бо, о Содѣтеля моего Мати! Яко Ты предстаѣтельство христіан непостыдное и ходатайство ко Творцу непреложное. Вем и сіе, яко беззаконія моя превзыдоша главу мою и яко бремя тяжкое отяготѣша на мне, и уже не смь достоин видети высоту небесную, ниже возрѣти ко престолу славы Сына Твоего и Бога нашего, но достоин мук и вѣчнаго осужденія. Сего ради к Тебѣ припадаю, Тя прошу умиленно,

к Тебѣ со слезами взываю: сотвори к Немѹ матернее Своѹ молѣние, да не отвѣржет нас грѣшных от лица Своего, но, яко мѣлостив, да простѣт нам согрѣшенѣя наша, вольная и невольная, на путь спасѣния наставляя нас и свѣше сѣлою укрепляя к творѣнѣю заповедей Своѣх святѣх. Да сохранѣт нас от соблазнов мѣра, от вожделѣнѣй грѣховных, от кѣзней дявольских и от нападѣнѣя вѣдимых врагов. Да благословѣт делѣ рук наших: подавая всякому граду и странѣ обѣлие благ земных и храня здравѣе, и да сотворѣт нам дни благи и безмятежны,

да оградѣтъ мѣромъ Цѣрковь  
Свою святую и разстоящая  
да соединѣтъ той, яко благий  
Господь, долготерпеливый и  
многомилостивый, от всея  
твари, со Отцемъ и Святымъ  
Духомъ слаvimый во веки  
вѣковъ. Аминь.

## КАФИСМА 8

### Псалом 55

Помилуй мя, Госпоже, яко  
попраша мя адстии врази  
мой, весь день помышление  
их о мне на зло, противу их  
возстави ярость и гнев Твой,  
да разумевая разумю по-  
мощь мышцы Твоея, возве-

лѣчу мѣлость Твою на мене и благоугожду предъ Господемъ, благоугожду и предъ Тобою во свѣте живыхъ.

## Псалом 56

Помѣлуй мя, Госпоже, помѣлуй мя, яко готово сердце мое взыскати Твою волю и под сѣнию крил Твоихъ опочити; рѣце Твоѣ составиша первую смиренную благодати и персты Твоѣ сотрѣша масти благовонныя, дыханія уст Твоихъ паче всякаго фимиама; вся еси, Мати Божия, сладость небесная и ненасытимое желаніе, к Тебѣ привѣржен есмь от чрева матери моея.

## Псалом 57

Аще воистину правду глаголете, правдою и истиною блажите Небесную Царицу. Аще что прилежит к славе и хвалѣ Спасителя Христа, аще что благоугодно Ему от нас, то довлѣти будут пѣсни и пѣнія духовныя, возсылаемыя от нас возлюбленной Его Матери; Ею пророцы услаждахуся, Ею апостоли восхвалишася, Ею святители украсишася, Ею мученицы укрепишася, Ею иноцы наставлени быша, Ею постницы ангелоподобное житие прохождаху, Ею дѣвствующии лаврами чистоты облагахуся; дивен Бог во всех святых, но

пáче предíвен в Пресвятéйшей Царíце царíц, в несквёрней Невéсте, Преблагословéнной Приснодéве Марíи.

### **Песнь вместо славы**

К Тебé прибегаю, Пресвятáя Богорóдице, мно́гое мно́жество сознаю́ мо́их прегрешéний и молю́ся Ти: посети́ немощствую́щую мою́ дýшу и испроси́ у возлю́бленнаго Сы́на Твоего́ и Бо́га нашего́ дáти ми прощéние, еди́на Пречи́стая и Благословéнная; все упováние моё на Тя возлагаю́, премилосёрдная Ма́ти Бо́жия, сохрани́ мя под кро́вом Твои́м.

## Псалом 58

Изми́ мя от враго́в мои́х, Госпоже́ Богоро́дице, воста́ни в по́мощь мою́, о Цари́це ми́лости; да исче́знет пред очáми во́ли моея́ тёмный мрак греха́ и Ты, Благода́тная, просвети́ и озари́ вну́треннее моё о́ко; Ты, я́ко со́лнце, ри́зами позлащёнными и преиспещрёнными оде́яна, са́рдис и топа́зион в венце́ Твоём, сла́ва и бога́тство в десни́це Твоёй, сми́рна, и лива́н, и бальза́м в ру́це Твоёй, сапфи́р и измара́гд на пе́рстех Твои́х.

## Псалом 59

Бо́же, отрёнул еси́ нас грех ра́ди на́ших, ущёдрил же еси́

нас ра́ди Присноде́вы Мари́и Богоро́дицы; ходата́йствуй о нас, Ма́ти Бо́жия, я́же А́нгелом и челове́ком спасе́ние родила́ еси́; Ты печа́льным утеше́ние излива́еши и приско́рбным ра́дость и весе́лие: услади́ и нас сладкотеку́щим гла́сом уст Твои́х, сладкотеку́щую благода́ть Твою́ вли́й в сердца́ на́ша; возгреми́те небеса́ от высо́ты и дади́те Ей хвалу́, просла́ви Ю́ земля со все́ми живу́щими.

## Псалом 60

Услы́ши, Госпоже́, моли́тву мою́, и на тве́рдом ка́мени за́кона Бо́жия поста́ви помышле́ния моя́, бу́ди мне столп

крепчайший, защищающий мя от безстыднаго лица адскаго врага; Ты едина прекраснейшая и яко красота облачная сияеши, яко заря багряновидная востаеши, яко луна полная светиши в нощи и яко солнце блистает пресвятѣйший зрак Твой; слава Тебѣ, царствующей на небеси, приими в Царствие Небесное и нас, земных.

### **Песнь вместо славы**

Пренепорочная Приснодево, Дщи Авраамова и Давидова, приклони ухо Твое к убогой и смиренней молитве моей и не забуди людей Твоих, к Тебѣ вопиѣм, помяни нас, Пресвятая

Дéво, Тебé вручаем спасéние душ на́ших, б́уди ходáтаица на́ша пред святéйшим лицéм возлю́бленнаго Сы́на Твоегó, Гóспода на́шего Иисúса Христá.

## Псалом 61

Не Бóгу ли повинéтся душа́ моя́? От Тогó бо спасéние моé; не Тебé ли, Влады́чице, возлю́бити должénствует сéрдце моé? Чрез Тебé бо спасéние моé, благословéнный бо плóд чрэва Твоегó есть Спаситель мой; ча́шу úбо спасéния прииму́ и íмя Госпóдне призову́, призывáя призову́ и Твоé, Влады́чице, преслáвное íмя, íбо Той Спас мой, Ты же Застúпница моя́.

## Псалом 62

Бóже, Бóже мой, с возлюбленною Ти Материю сла́влю Тя, дѣвственно бо Тя от Духа Свята́го зачат и дѣвственно Ты роди́. О Госпоже́! Преблагословѣнна еси́, предстои́ши бо престóлу Святы́я Трóицы и о нас грѣшных мо́лишися, и мы в кро́ве крилу́ Твоёю возра́дуемся и благословимъ Тя в животѣ́ нашем, и о имени́ Твоёмъ возслѣ́м к Бóгу моли́твы наши.

## Псалом 63

Услы́ши, Влады́чице, глас мой, в негда́ моли́ти ми ся к Тебе́, изба́ви ду́шу мою́, егда́ изы́ти ей от телесе́, от у́жаса

жестокаго адскаго врага. Кóим дерзновéнием воззрю́ на пра́веднаго Судию́ и Бо́га моего́? Ты, помóщнице, стáни одесnúю менé и испроси́ грехóм моймъ прощéние, и прéжде, нéже б́удут стра́шная сия́ испыта́ния о мне, просвети́ óчи души́ моея́ и прожени́ слепоту́ грехóвную; даждь мне на Тя наде́жду имéти в жи́зни мое́й и во исхо́де моёмъ.

### **Песнь вместо славы**

К Тебé прибега́ю, пресла́вная Богоро́дице, Ю́же Ма́терь мило́сти и Цари́цу щедро́т вся Правосла́вная Це́рковь святы́х познаёт, не отри́ни

мя, многогрѣшнаго, наста́ви  
на путь и́стинный, покрый  
мя от со́нма лука́внующих;  
Ты никогда́ никому́, толку́-  
щему в двѣри милосѣрдия  
Твоего́, не возбранила еси́:  
Твоя́ мѣлости и́щущим их То-  
бо́ю, всеми́лостивая Ма́ти, не  
отречѣни суть, рай утешѣния  
Твоего́ всем отвѣрст есть.

**По 8-й кафисме тропари,  
гл. 8:**

Богоро́дице Присноде́-  
во, А́нгелов сла́во и  
земноро́дных украше́ние,  
испроси́ Тебе́ пою́щим гре-  
хо́в всех проше́ние, бу́ди ми́-  
лостива рабо́м Твои́м, я́ко

еси́ непосты́дное прибе́жище  
челове́к и избавле́ние отча́ян-  
ных, Преблагослове́нная.

Низложи́ Сильный, я́коже  
рекла́ еси́ Влады́чице, си́ль-  
ная со престол — смерть и ад,  
и вознесе́ смире́нная — чело-  
ве́ков естество́ воплотивый-  
ся из Тебе́ Изба́витель душ  
на́ших.

Ра́дуйся престолу́ огнезра́ч-  
ный Всецаря́ Христа́: ра́дуйся  
еди́на Госпоже́ всея́ тва́ри, Ма-  
ри́е Богопросла́вленная.

## Молитва

Приими́, о Всеблагослове́н-  
ная и Всемо́щная Пречи́стая  
Госпоже́, Влады́чице, Бого-

ро́дице Дéво, сиа́ моли́твы, со  
слеза́ми Тебе́ ны́не приноси́-  
мая от нас, недостóйных ра-  
бо́в Твои́х, к цельбоно́сному  
о́бразу Твоему́ с умилéнием  
притека́ющих, я́ко Тебе́ Са-  
мо́й ту су́щей и слы́шащей  
молéния на́ша, и пода́ющей с  
вéрою прося́щим по коему́ж-  
до проше́нию исполнéние.  
Скорбя́щим бо скóрби облег-  
ча́еши, немощны́м здра́вие  
да́руеши, разсла́бленных и не-  
ду́жных исцеля́еши, от бéсных  
бéсы прогоня́еши, оби́димыя  
от оби́д избавля́еши, и наси́-  
луемыя спаса́еши, грéшных  
ка́ющихся проща́еши, прока-  
же́нных очища́еши, и ма́лыя

дѣти мѣлуеши, от уз и темницъ  
свобождаеши, и всякія мно-  
горазличныя страсти врачуе-  
ши Ты, Госпожѣ Владычице  
Богородице; вся бо суть воз-  
можна ходатайством Твоимъ  
къ Сыну Твоему, Христу Бо-  
гу нашему. О Всепетая Мати,  
Пресвятая Богородице Дѣво  
Маріе! Не престаи моли-  
ся о нас, недостойныхъ рабѣхъ  
Твоихъ, славящихъ Тя и почи-  
тающихъ, и поклоняющихся  
пречистому образу Твоему, и  
надѣжду имущихъ невозврат-  
ну и веру несумненну къ Тебѣ,  
Приснодѣве преславней и  
непорочней, ныне и присно и  
во вѣки вѣковъ. Аминь.

## КАФИСМА 9

## Псалом 64

Тебѣ подобаетъ пѣснь, Бѣже, въ вы́шнемъ Сиѳне и Тебѣ, Гос-  
пожѣ, хвалá и воскликновѣние  
въ гѳрнемъ Иерусали́ме: да-  
дѣ Тебѣ Господь хвалу́ и сла́ву  
предъ всѣми людьми́, сла́ва Твоя́  
вы́ше славы чинѳвъ А́нгельскихъ  
и Архáнгельскихъ, благодáть  
и слáдость вложй́ Богъ во уста́  
Твоя́, одѣждою сла́вы обле-  
чѣ пречы́стое тѣло Твоѣ, венѣцъ  
цветонеувядáемый положи́ на  
главѣ Твоѣй и всѣми добродѣ-  
телями украсй́ Тя в мй́лости  
Своѣй, о Преблагословѣнная  
Мáти Бѣжия.

## Псалом 65

Воскли́кните Госпоже́ на́шей, Присноде́ве Мари́и, воскли́кните вся земля́; воспо́йте пресла́дкую песнь пресла́вному и́мени Ея́, да́дите сла́ву хвалé Ея́; вни́дем в дом, Ея́ и́мени посвяще́нный, с серде́чным всесожже́нием и воздади́м пред свято́ю ико́ною Ея́ тёплыя на́ши моли́твы: Она́ при́зрит на нищету́ на́шу и всякую го́ресть усладит; благослове́н Бог, благослови́вший нас благослове́нною Ма́терию по плóти Сладча́йшаго Иису́са Христа́.

## Псалом 66

Бо́же, уще́дри ны и благо-  
сло́ви ны и Ты, всеми́лости-  
вейшая Госпоже́, моли́ Его́  
за нас, обрати́ многосу́етную  
печа́ль на́шу во святу́ю ра́-  
дость, просвети́, о звездó  
у́тренняя, грехóвную темно-  
ту́, утоли́ жа́жду миролюби́-  
ваго се́рдца, десни́ца Твоя́  
да воздви́гает мя па́дшаго и  
заступле́ние Твое́ да освятит  
христиа́нскую кончи́ну мою́;  
сла́ва Тебе́, непосты́дная на-  
де́ждо моя; Ты ца́рствуеши  
на небесе́х: помяни́ мя, Вла-  
ды́чице, во Ца́рствии возлю́-  
бленнаго Сы́на Твоего́, Свя-  
те́йшаго моего́ Спаси́теля.

## Песнь вместо славы

Ра́дуйся, небéсная Царíце, благоукрашénный дóме непостижíмага Царя́; ра́дуйся, церкóвное незаходíмое и лучезáрное светíло; ра́дуйся, небéсный свет благочестíвых; ра́дуйся, тíхое пристáнище обурева́емых; ра́дуйся, пла́чущих и всех скорбя́щих ра́йское утешéние. Помíлуй мя, окая́ннаго грéшника, и у Семíлостиваго Гóспода на́шего Иисúса Христá испросí, да Егó благода́тию вся вéтхая в душé моéй мíмо идет и во обновлénии жízни ходíти пред лицéм Бóга бóду.

## Псалом 67

Да воскреснет благодать Пресвятыя Богородицы в душах наших, в глубоком греховном сне погруженных, и расточатся врази наши, и все козни их исчезнут. О всемилостивая Госпоже! Низложи всю адскую злобу их, отврати волю мою от их лести, воскрили ю к святейшей воле возлюбленного Сына Твоего и Бога нашего, просвети усыпленную совесть мою, да не оскудеет хвала Твоя от устен моих, ниже любовь моя к Тебе внутрь мене; мир мног любящим Тя, Госпоже, души их не узрят вечной смерти во веки.

## Песнь вместо славы

Ма́ти Бо́жия, молю́ Тя усердно, не оста́ви мене́ без Твоея́ всеси́льныхя по́мощи, наипа́че во вре́мя искуше́ния, егда́ аз, в суете́ мяту́щися, забыва́ю о Бо́ге и спасе́нии своём. Цари́це Небе́сная, не оста́ви мене́ Свои́м ми́лостивым покрóвом и в жи́зни сей, и при кончи́не мое́й.

## Псалом 68

Спаси́ мя, Влады́чице, я́ко внидо́ша во́ды грехо́вных страсте́й мои́х до души́ моея́, углебо́х в тиме́нии глубины́ о́ных, пла́чуши рыда́х во дни и в но́щи, я́ко про-

гнёвах Гóспода Бóга моего́ и  
несмь досто́ин возрѣти на  
высоту́ небѣсную. К кому́ убо  
прибѣгну, ока́янный аз, а́ще  
не к Тебѣ, Всеми́лостивая За-  
стѹпнице? Спаси́ ду́шу мою́,  
я́ко Тобо́ю и́стинное спасѣние  
всему́ ми́ру дарова́ся, егда́,  
возвеща́юще Арха́нгелу, си́ла  
Вы́шняго осени́ Тя и благо-  
воле́ние О́тчее посети́ Тя.

## Псалом 69

Госпоже́, в по́мощь мою́ вон-  
ми́, ми́лостью Твое́ю просвети́  
омраче́нный ум мой, да разу-  
мею́ бла́гость Твою́ и предѣ-  
вная чудеса́ Твоя́, явля́емая к  
ка́ющимся грѣшникам, запе-

чатлѣю я в сѣрдце моѣм; помилуй всех верующих, в них же нарицается святѣйшее имя возлюбленнаго Сына Твоего, Спасителя Христа, и преславное имя Твое. Помилуй и не попусти нам утесняться вражиими искушениями, да не когда рекут о нас: благоже, благоже, но Ты едина, Владычице, да освятись в нас, вѣси бо сущия Своя.

### **Песнь вместо славы**

Радуйся, Мати Маріе, милости источнице, мірови прибежище, красото небесная, Ангелов Царіце и святых всех радости; предстани мне

во всех напáстех, в скóрбех,  
в теснóтах и в нéмощех мо-  
и́х и испроси́ у Бóга всем со-  
грешéнием мо́им прощéние,  
я́ко да не лишúся Цáрствия  
Небéснаго.

**По 9-й кафисме тропари,  
гл. 1:**

Уповáние христиáн извéст-  
ное, мѝлости подáтельница,  
истóчнице сострадáния,  
ключú, отверзáющий Бóжию  
благосты́ню, отвéрзи нам  
милосéрдия двéри, всеблагáя  
Влады́чице.

У́тро та́инственное явѝлася  
еси́, Дéво, из Тебé бо Сóлнце  
возсия́ Христóс во мра́ке от-

чаяннiя сeдiащим. Тeмже прoсвeщшиися ублaжaем Тя по дoлгу, якo винy чeлoвeчecкaгo oбнoвлeнiя.

Рай на землi словeсный Тя насадив Госпoдь, насадитeль рaя пeрвaгo, пoсрeдe Тeбe, Бoгoнeвeстo, якo жiзнi дрeвo прoцвeтe. Егoжe мoли пiщи рaйскiя спoдoбити нас.

## Молитва

Пресвятaя Владычице мoя Богорoдице, гoрце слышавшaя биeниe млaтa, eгдa пригвoждaху кo кресту Сынa Твoегo и Бoгa нaшeгo, спаси мя, eжe нe слышaти скрeжeтa зyбнaгo вo aдe. Рыдaниeм Твoим у крe-

ста Спасителя моего, вѣчнаго плача исхити мя. Тебѣ Самой дѹшу прѹйде оружье у креста, сотвори, да мимо идут мене будущія угрызѣния совести. Купино неопалимая, Юже провиде Моисей, пламени геѣнскаго избави мя. Несть ми по Бѹзе инья помоци и инаго заступлѣния рѹзве Тебѣ, Мати Бѹжия, Царѣца небесѣ и земли. Вѣрую Твоей всемошней благодѣтней силе и исповѣдую милосѣрдие Твое к грѣшникам. Ибо кто, притекаяй к Тебѣ, без помоци от Тебѣ исходит? Сего ради и аз грѣшный, по вся дни прибегаю к Тебѣ во всех нѹждах и печалех моих.

Но несть ми во всякое время бóльше сея нúжды, рáзве вéчнаго жрéбиа моего, егда бúду аз в десных или шуиих, наслéдую рай или низвёржен бúду в преиспóдную. Услыши же, Владычице, сию моли́тву мою, да не пости́гнет мя вéчное осуждéние, да не по́йду с суди́лища в протíвную страну от Тебé, Владычице, но потекú за Тобóю вкúпе с прóчими, достóйными вéчнаго весéлия на нéбе. О Премилосéрдая Мáти Бóжия! К Тебé припадаю, я́коже зриши, с сокрушёнными слезáми и душéю: спасающи, спаси́ дúшу мою. Умоли́ о мне Гóспода, да приму́

хотѣ крупѣцы, падающія от трапѣзы святыхъ в Царствіи Небесномъ и тако гееннскаго огня избавлюся и обрящу рай Тобою, Благословенная. Аминь.

## КАФИСМА 10

### Псалом 70

На Тя, Госпоже, уповахъ и не постыжуся во векъ: милостию Твоею изми мя. Ради греховъ моихъ озлобленъ есмь зело, врази мои превзыдоша главую мою, подражниша мя и поругаша ми ся весь день; вонми, всемилостивая Госпоже, яко скорблю: простри десницу

Твою́ и помози́ погиба́ющему;  
не зако́сни, не зако́сни моли́т-  
вами Твои́ми, в Тебе́ утверди́х-  
ся от утробы́, от чрева́ ма́тере  
моея́ Ты еси́ еди́на неложная  
моя́ покрови́тельница.

## Псалом 71

Бо́же, пра́ведный суд Твой  
возлю́бленному Сы́ну Твое-  
му́, Царю́ царей, дал еси́, во  
е́же суди́ти лю́дем Твои́м в  
пра́вде; ниспосыла́еши ми́-  
лости Твоя́ на нас и чрез Не-  
бе́сную Цари́цу, возлю́блен-  
ную Ма́терь Его́, на ру́цех Ея́  
зрим Сы́на Бо́жия, спасе́ние  
и вѣчный живо́т наш, небе-  
са́ и земля́ исполнены сла́-

вы Ея. О препросла́вленная  
Влады́чице! Тобо́ю усажда́-  
ются на́ши сердца́; сотвори́  
забы́та нам грехолюб́ивыя  
стра́сти суетныя жи́зни сея́,  
влецы́ нас у́зами благосты́ни  
Твоея́ и возбуди́ в душа́х на́-  
ших жа́жду вѣчных благ, упо́й  
сла́достью ра́йскою сердца́ и  
мы́сли на́ша.

### **Песнь вместо славы**

Влады́чице, не отри́ни ра-  
ба́ Твоего́, иже всю наде́жду  
свою́ по Бо́зе возлага́ет на Тя;  
не возгнуша́йся мно́ю, невоз-  
де́ржным, и не прѣзри бѣд-  
ствующаго и жесточа́йшими  
болѣзнями му́чимаго; но, я́ко

сострадательная Мать милосердаго Бога, помилуй раба Твоего, избави мя от осуждения в моей совести, утиши бурю злых помыслов, угаси пещь вожделений и пламень плоти укроти, и возжги во мне любовь к Сыну Твоему и Богу, и все чувства мои охраняй, не попускай давать входа в сердце мое ни единому безумному пожеланию. Умоли Господа, да подаст мне время покаяния, да не сразит мя бесплодным секира смерти и да не буду ввержен во огонь. Возжги угасший светильник души моей, разсей мрак беззаконий моих и мглу похотей моих разго-

ни Твоим ходатайством, ибо много может молитва Матери пред Сыном, удобопреклонным к примирению. Дай мне свет покаяния и приведи мя ко дню сердечнаго сокрушения.

## Псалом 72

Коль благ Господь правым сердцем, любящим и почитающим Пречистую Матерь Его: Ея молитвами благоугождаем Ему, Ея заступлением отворачается от нас, грешных, гнев Божий, Ея помощию труды наши благословляются, Она за любящих и почитающих Ю предстанет ходатаицею на Страшном Суде Божиим,

удаляющи же себѣ от Нея погѣбнут.

## Псалом 73

Госпожѣ, не отрини нас до конца в день печали, да исправится молитва наша пред Тобою и гласы въздыхающих не презри; напряжѣ лук свой противу нас душевный враг, но Ты, всемошная Царице, воздвигни рѹце Твоѣ на гордыню егѡ в конец и прожені егѡ на мѣсто вѣчнаго осужденія.

## Песнь вместо славы

Радуйся, Преблагословенная Приснодѣво Маріе, прибѣжище кающихся грѣшников, пи-

тáтельница убо́гих, спасéние немощных, утешéние озлобленных, даждь мне благодáть сию́, да душá моя́ любóвию внúтреннею возлю́бит Тя и язык мой днем и нóщию возглагóлет хвалы́ Твоея́.

## Псалом 74

Исповéмся Тебé, Госпожé, всем сёрдцем моим и о хвалé Твоéй веселю́ся: пойте Ей живúщи на земли́ и хвалу́ Ея́ в лю́дех возвещáйте, поклоня́йтесь Ей в небéсной красотé Ея́, сла́вите Ю́ в неисповедимой доброте́ Ея́, помяните во вéки векóв мило́сти Ея́, содержи́те во умé силы́ и чудеса́ Ея́.

## Псалом 75

Ведом бысть во Иудеи Бог и в новоблагодатном Израиле велие имя Его; преславно и усладительно паче меда и со́та и имя Препоблагословенныя Приснодевы Марии; щедроты Ея паче аромат; спасение и живот, мир и слава девственным Плодом Ея нам ту́не даруются: прославите Ю́ небеса́ и земля́, дадите Ей вся тварь хвалу́, и милость Ея́ вознесите благодарно.

## Псалом 76

Гласом моим к Госпоже́ Марии возвах и внят ми милостию Своёю, отъят от сердца моего́ уныние и скорбь, кро́то-

стию Своёю дух оживотвори, сла́бость во́ли моея́ преме́ни в наде́жду благу́ю и Свои́м смире́нным голу́биным воззре́нием вся вну́тренняя моя́ играти сотвори́, по́мощию Своёю изведе́ мя от бе́ды сме́ртныя и от руки́ врага́ и ме́стника злаго́ изба́ви. Благодарю́ Тя, Бо́га и Спаси́теля моего́, и возлю́бленную Ма́терь Твою́, мою́ ско́рую помо́щницу.

### **Песнь вместо славы**

Ра́дуйся, ходатаице к Бо́гу и челове́ком, Ма́ти ми́лости, неисто́щимо бо излива́еши на нас, грёшных, дары́ благода́ти Твоея́; Твои́ми моли́твами, все-

ми́лостивая Влады́чице, Твоёю по́мощию, Твои́м предста́тельством к возлю́бленному Сы́ну Твоему́ и Бо́гу на́шему я́звы на́ши грехо́вныя врачуются. Ко́лико грёшников, из само́й бёздны падёния к Тебе́ со слеза́ми воззва́вших, Ты, Помо́щнице, премилосёрдно исхитила еси́ и в ра́дость вечно́ блаже́нную внíti сподо́била. Сла́ва Тебе́, Премилосёрдная Ма́ти!

**По 10-й кафисме тропари,  
гл. 2:**

К покрóву Твоему́, Богоро́дице, притека́ю, прося́ Твоего́ заступле́ния, не отри́ни мене́, Пречи́стая, но благоутро́бно

приими́ зову́щаго: Врача́ чело-  
вѣком рѡждшая, недугующую  
ду́шу мою́ исцели́.

Божѣственнымъ свѣтомъ тьму  
моего́ сѣрдца далѣче, Благая,  
отжени́, даю́щи ми то́ки слез на  
отмы́тие скверн моихъ, и́миже  
опечалихъ Преблага́го Го́спода:  
в Тебѣ́ бо ми еди́ней утешѣ́ние.

Жити́е мое́, Влады́чице, мно́-  
гихъ искуше́ний испо́лнено от  
мно́гихъ зол моихъ, но Ты сихъ  
всехъ мя изба́ви, и соде́лай не-  
преткновѣ́нно, да вѣрою сла́в-  
лю Твое́ божѣственное и́мя.

## Молитва

О Пресвятая́ Госпоже́, Де́во  
Богоро́дице, вы́сшая Херувии́-

мов и Серафимов и Святѣйшая всех святых. К Тебѣ припадаю и усердно молюся, Препоблагословенная рода нашего Заступница, в странствии сем земном, многоскорбном и многомятежном, не лишѣ мене Твоего заступления и покрова державнаго. Спаси и защити мя, Владычице, от разжженных стрел лукаваго врага спасения нашего. Укрепи немощную волю мою в делании заповедей Христовых, умягчи окаменелое сердце мое любовью к Богу и ближним моим, даруй ми сокрушение сердечное и покаяние истинное, да, очисти от скверны гре-

хóвныя, возмогу́ принести́  
Творцу́ благоугóдные Ему́ пло-  
ды́ дóбрых дел и сподóбитися  
ми́рныя христиáнския кончи́-  
ны и отвéта пра́ваго на Стра́ш-  
нем и нелицеприятнем Судé  
Его́. Ей, Госпоже́ всеми́лости-  
вая, в час грóзный смéртный  
наипáче яви́ мне Твое́ много-  
мóщное заступлéние, ускори́  
тогда́ на пóмощь мне, беспó-  
мощному, и держáвною руко́ю  
Твое́ю исхити́ мя из вла́сти люта-  
го миродéржца: воистину́ бо  
мнóго мóжет молítва Твоя́  
пред лицéм Гóспода и ничтóже  
невозмóжно ходáтайству Тво-  
ему́, áще тóкмо восхóщеши.  
Тéмже, на святы́й óбраз Твой

умилѣнно взирая и пред Ним,  
яко живей Ти с нами сущей,  
покланяся с упованіем бла-  
гим, сам себѣ и весь живот мой  
Тебѣ по Бозе молитвенно пре-  
даю и Тя величаю с рождшим-  
ся от Тебѣ Спасителем нашим,  
Господом Иисусом Христом,  
Емуже со безначальным Его  
Отцем и Пресвятым Духом  
подобает всякая слава, честь и  
поклонение, ныне и присно, и  
во веки веков. Аминь.

## КАФИСМА 11

### Псалом 77

Внемлите, людие Божии, за-  
кону Бога живаго, приклоните

ухо ваше во глаголы Спасителя Христа, не забудьте милости и щедрот и возлюбленные Его Матери, Препоблагословенныя Приснодевы Марии, отверзите уста и сердца к словословию Ея, возвещайте от рода в род хвалы, силы и чудеса Ея, положите преславное имя Ея яко знамение или печать на сердцах ваших: якоже бо кокош, покрывает Она всех нас воскрилием риз Своих.

### **Песнь вместо славы**

Радуйся, Пресвятая Богородице Приснодево Марие, от Тебе Царь царствующих и Господь господствующих

плоть воспріяти изво́ли, Ты ходатаица ме́жду Бо́гом и челове́ки, не́бо и земля́ Твои́м благослове́нным пло́дом примирёны; исходатайствуй у человеколю́бца Бо́га и мои́м согреше́нием прощё́ние, я́ко да всем се́рдцем возлюблю́ и просла́влю Сы́на Твоего́, Го́спода на́шего Иису́са Христа́, и Тя, многомíлостивую Ма́терь, ны́не и во ве́ки веко́в.

## Псалом 78

Госпоже́! Во́льныя моя́ грехи́ и ду́си нечи́стыя приидо́ша во святы́й храм души́ моея́ и опустоши́ша его́ де́рзностне; увы́! пла́ча пла́чу со Иереміею

и слéзы мой на ланíteх мо-  
их: Кáко потемнé зláто вéры  
моея? Кáко изменíся сребрó  
любви к сладчайшему Иису-  
су? Кáко разсы́пашася стяжа́-  
ния святы́ни христиáнския?  
Увы! Согреши́х на нéбо и пред  
Тобо́ю, Влады́чице, заступи́  
за мя, грéшнаго, пред Бóгом,  
присовокупи́ мя па́ки к ли́ку  
избрáнных Его́, одожди́ огор-  
чённому сёрдцу моему́ ка́пли  
сла́дости небéсныя благодáти  
Твоея́.

## Псалом 79

Пасы́й Изра́иля дрéвняго,  
облагодáтствовавый но́ваго  
в возлю́бленном Твоём Сы́не

Спасителе Христэ, преми-  
лосердный Отче Небесный!  
Сподоби нас, грешных, до-  
стойно ублажити пренепор-  
очную Приснодеву Марию,  
яко родившую божествен-  
наго нашего Избавителя и  
Спасителя рода человческа-  
го, яко во всю жизнь стран-  
ствия сынóвня на земли быв-  
шую от Него неотлучною и  
всем Его страданиям и поно-  
шениям мужественною спод-  
вижницею. О возлюбленная  
и святэйшая Мати Божия,  
сподоби нас имети во устнах  
и в сердце пророческую Твою  
песнь сию: се бо от ныне  
ублажат Мя вси роди.

## Псалом 80

Ра́дуйтесь Госпоже́, помо́щнице на́шей, воскли́кните Ей в весе́лии се́рдца ва́шего: не оста́вит тщётно смире́нное моле́ние ва́ше, испо́лнит во благи́х вся проше́ния ва́ша, то́кмо да подража́им смире́нию, послуша́нию и кро́тости Ея́: лю́бит бо Она́ богобоя́зливая се́рдца, благода́ть Ея́ всегда́ пребыва́ет с таковы́ми: притецы́те у́бо к Ней вси со обеща́ниями святы́ми и неизрече́нных благи́х Ея́ причастите́ся. Сла́ва Тебе́, Влады́чице, неотъёмлемое сокрови́ще душ на́ших!

## Песнь вместо славы

Ра́дуйся, Пресвята́я, па́че  
всех жен благослове́нная  
Богоро́дице Мари́е, по Еди-  
норо́дном Твоём и́стинное  
всех ве́рных спасе́ние; со-  
твори́, Влады́чице, да ни-  
како́ю любóвию ми́ра сегó  
пристра́стно обдержу́ся, но,  
презрэв вся собла́зны и по́-  
хоти плотскія, в Триеди́ном  
Бо́ге и в ма́тернем благопо-  
крови́тельстве Твоём и́стин-  
ный поко́й душе́ и тѣлу мое-  
му́ имѣти всегда́ буду.

## Псалом 81

Бог ста в со́нме бого́в: от вы-  
сочайшего благоволе́ния Его́

яко райский цвет, произыде  
Мáтерь Бóжия. Приидíte и  
припадíte к стопáм Ея вси  
любящи и почитающии Ю:  
Она́ бо есть истóчник вéчныя  
жízни, туне напáет жáжду-  
щих, и пиющии от сего́ не  
вжáждутся во вéки.

## Псалом 82

Владычице, кто по Бóзе по-  
дóбен Тебé на небесí и на  
земли́, яко чéстию и слáвою  
превосходиши небожителей и  
земнорóдных? Якоже отстоят  
небеса́ от земли́, сýще превоз-  
неслáся еси́ над все́ми творé-  
ниями. Прильпé душа́ моя́ по  
Тебé, Царíце Небéсная, со-

твори́ мя вѣну мы́сленно взирати́ на сла́ву и вели́чество Твое́, я́ко да насы́щуся ненасы́тимою благодáтию Твое́ю.

### Псалом 83

Коль возлю́бленна гóрняя селѣния Твоя́, препросла́вленная Госпоже́ Мари́е, и коль любите́льна ски́ния вѣчнаго поко́я Твоего́! Обрати́ся, обрати́ся, гóрестная душѣ́ моя́, всем твои́м желáнием к вѣчному о́ному тво́ему поко́ю, вѣчная нерукотворѣ́нная хра́мина и тебѣ́ гото́ва есть: Цари́ца Небѣ́сная и́щет твоего́ спасѣ́ния, предсто́я престóлу Бóжию, вѣну мо́лится о нем и

моли́твы Ея́ па́че лива́на и кади́ла благово́ннаго пред возлю́бленнаго Сы́на Ея́, Спаси́теля на́шего, восхо́дят. Сла́ва Тебе́, Влады́чице, в моли́твах о нас, грéшных, неусыпа́ющей и в предста́тельствах непрелóжное на́ше упова́ние.

## Псалом 84

Благоволи́л еси́, Го́споди, освяти́ти утробу пренепоро́чныя Присноде́вы Мари́и Твои́м спаси́тельным вочелове́чением; сия́ бо есть пре́краснейшая во дщéreх Иеру́сали́мовых и и́мя Ея́ во благослове́нии. Преблагосло́венную Присноде́ву Мари́ю

пóйте, святíи А́нгели и Ар-  
ха́нгели, сла́вите Ю́ Сíлы и  
Госпо́дствия; вёрнии, взыщí-  
те мýдрость Ея́; убóзии, бога-  
тíтся сокрóвищами щедрóт  
Ея́; желáюЩИи вéчно спасти́-  
ся, призыва́йте Ю́ в по́мощь в  
простотé сёрдца ва́шего.

## **Песнь вместо славы**

Ра́дуйся, Цари́це Небе́сная,  
Ты я́ко багряновíдная заря́ си-  
яеши, я́ко луна́ по́лна и свéт-  
ла, я́ко лучезáрное со́лнце вся  
освещáеши; даждь мне, грéш-  
ному, молю́ся Ти, благодарныя  
Тебé моли́твы возсыла́ти всег-  
да́ и ничто́же íно желáти, то́к-  
мо е́же бы о́чи Твои́ ма́тернии

от менé не отвращéни бы́ли,  
тíи о́чи, íже А́нгельских очéс  
чистéйшии суть, о святéйшая  
Приснодéво Мариé!

**По 11-й кафисме тропари,  
гл. 3:**

Чúдо вéлие, кáко на рука́х  
Ты носíла еси́, Дéво Мáти,  
длáнию Своéю вся содержá-  
щаго, и от сосцú Твоéю пита́-  
ла еси́ млéком Пищедáтеля,  
Егóже прилéжно моли́, Пре-  
свята́я, даровáти нам вéлию  
мíлость.

Покая́ния стезю́ сокрушён-  
ную проходíти мя укрепí,  
всесíльне Спа́се, дея́нии же  
благíми обогатí убóгую дúшу

мою и от страстей тесноты в широту безстрастия возведи ю, молитвами Богородицы, еди́не Человеколю́бче.

Приста́нище спаси́тельное Ты и́мамы, Богоро́дице, в пучи́не житейстей обурева́емии. Ты у́бо спаси́ от всякия беды́ притека́ющих к Твое́й бла́гости.

## Молитва

О Всепета́я Госпоже́, Влады́чице, Де́во Богоро́дице Мари́е! А́нгельских чино́в веселие и правосла́вных христиа́н непреста́нное ра́дование! Смирённо припа́дая пред Твои́м неисповеди́мым вели́-

чием, умѣльно молю Тя, грѣшный и недостойный раб Твой: приими от всея души возсылаемое Тебѣ от мене благодарственное сие хвалѣние и Своєю любовью, яко любвеобильнейшая Мати, согрей хладное сердце мое, умоли Своим теплым предстательством рождагося от Тебѣ Господа Бога и Спаса нашего Иисуса Христа, да простит ми вся согрѣшения моя и препояшет мя силою Своєю свѣше ко исполненію Божественных заповедей Своих. Озари душу мою немерцающим Твоим свѣтом, иже да будет мне, странствующему в сей земной жизни, путево-

дѣтелемъ къ горнему отечеству,  
Иерусалиму небесному. Да тако,  
по Бозе имѣя въ Тебѣ единой  
твёрдую надежду и упованіе  
спасенія моего, прославлю  
всесвятое и великолѣпное имя  
Отца, и Сына, и Святаго Духа  
всегда, нынѣ и въ безконечныя  
вѣки. Аминь.

## КАФИСМА 12

### Псалом 85

Приклони, Господи, ухо Твое  
и услыши мя; обрати матернее  
лице Твое и помилуй мя; сияніе  
святыя красоты Твоея  
веселитъ душу мою, милости  
Твоя паче мѣда и сѣта, даваніе

благодати Твоея просвещает разум, источник благостыни Твоея напаяет жаждущих, Ангельский зрак лица Твоего отвлекает от греха; видети, знати Тя и поклонятися Тебе есть корень блаженнаго безсмертия и прославляти силы Твоя есть путь спасения.

## Псалом 86

Основание духовной жизни есть любить Иисуса Христа всем сердцем и всею душою и рождшей Его по плоти возлюбленной Его Матери, Пречистой Приснодеве Марии, поклонятися благоговейно и чтити Ю, яко препрославлен-

ную Царіцу Небѣсную, честнѣйшую Херувім и слѣвнейшую Серафім. Преслѣвная глаголашася о Тебѣ, о священнейший храмѣ и раю словесный; истинно уповающе на Тя обрѣщут вся сокровища небесныя, а не призывающе Тя в жизни сей, жизни вечноблаженныя лишѣтся. О милосердная Владычице, сотвори, да живѣм благодатию Святаго Духа и сладчайшее имя Твое вѣну да бѣдет в сердцах наших.

## Псалом 87

Госпожѣ Мариѣ, Ты единая скорая помощница во спасѣ-

ние моё; во дни и в но́щи взы-  
ва́ю к Тебе́: при́зри на скорбь  
вну́треннюю мою́ и утёши не-  
бе́сным Твои́м посеще́нием  
уны́лый дух мой; умно́жиша-  
ся бо беззако́ния в душе́ моёй  
и несть ми́ра в костёх мо́их от  
лица́ грехо́в мо́их, но молю́-  
ся Ти, всемо́щная Влады́чице,  
помози́ мне к сопроти́влению  
злей во́ле моёй и утверди́ се́рд-  
це моё на брань с плотски́ми  
похотьми́.

### **Песнь вместо славы**

Ра́дуйся, Пренепоро́чная,  
Пресвяте́й Трои́це предсто́я-  
щая; ра́дуйся, благослове́нная  
в жена́х, душе́ю и тѣлом Пре-

чи́стая Мари́е; молю́ся Ти, осия́й свѣтлостію лица́ Твоего́ внúтренняя души́ моея́, ꙗко о Тебѣ возра́дуется сѣрдце моѣ, утѣшится дух мой, ꙗко да приле́жно рабо́таю Тебѣ и всею́ душо́ю и всем сѣрдцем возлюблю́ Тя во ве́ки веко́в.

## Псалом 88

Ми́лости Твоя́, Госпоже́, во ве́ки воспою́, ма́стию щедро́т Твои́х умягчи́ ожесточе́нное моѣ сѣрдце и елеем ми́лости Твоея́ уврачу́й грехо́вныя ра́ны; молю́ся Ти, Влады́чице, яви́ся мне весе́лым лицѣм при кончи́не моѣй, и небе́сный зрак Твой возвеселі́т ис-

хóд души́ моея́, избáви мя  
от внеза́пныя смёрти, да не  
пора́дуется о мне душéвный  
враг мой.

### **Песнь вместо славы**

Пресвятáя и преблагáя Вла-  
ды́чице Богорóдице, прибé-  
жище моё, жизнь, засту-  
плéние, ору́жие, похвалó,  
надéждо, крéпосте моя́, дáруй  
ми наслаждáтися непостиж́и-  
мыми, неизречéнными и не-  
исповед́имыми дарáми Сы́на  
Твоегó в пренебéсной ж́изни.  
Ты бо вся мóжеши, елика хó-  
щещи, я́ко Мáтерь Вы́шняго,  
и сéго рáди й́маши дерзновé-  
ние к Немú. Да не лишён úбо

бúду, Пречíстая Влады́чице, исполнénия уповáния моего́, но да сподóблюся получи́ти о́ное, Богоневéсто, уповáние всех, несказáнно рóждающая Го́спода на́шего Иису́са Христа́, и́стиннаго Бо́га и Влады́ку. Сподóби мя в насто́ящем вéце неосуждénно причащáтися Пресвята́го и Пречíстаго Тéла и Кро́ви Сы́на и Бо́га Твоего́, в бúдущем же сладча́йшия вéчери небéсныя и весéлия ра́йскаго в обите́лях святы́х, иде́же всех весе́лящихся жили́ще. Сих благ сподóбившеся, аз, раб недо́стойный, бúду во вéки веко́в прославля́ти всечестно́е и ве-

ликолéпое íмя Сы́на и Бо́га Твоего́, Ё́же всех, от глуби́ны ду́ш ка́ющихся, приéмлет ра́ди Твоего́ ходáтайства и предста́тельства за всех грéшников. Тобо́ю бо, всепéтая и преблагáя Влады́чице, спаса́ется все челове́ческое естество́.

## Псалом 89

Влады́чице! Прибе́жище бы́ла еси́ нам во всех ну́ждах на́ших, и ны́не излива́еши с небéс благода́ть Твою́ на вся благáя проше́ния на́ша; а́ще Ты ми́лости Твоя́ удéржиши грех ра́ди на́ших, обы́дут нас вся зláя; не íмамы ины́я

предстáтельница к Бóгу, то́к-  
мо Тебé еди́ну. Спаси́ нас,  
Влады́чице, спаси́, упова́ем бо  
на Тя и несумнѣнно вѣруем,  
я́ко упова́ние на́ше не посты-  
дѣ́тся никогдá.

## Псалом 90

Живы́й в по́мощи Ма́тери  
Бóжией под крѣпким крóвом  
Ея́ водворѣ́тся; а́дский про-  
тѣ́вник враг не повредѣ́тъ егó  
и стрелá егó летя́щая не кос-  
не́тся ему́, я́ко многомóщная  
Влады́чица избáвит егó от сѣти  
ловя́щаго и крила́ми Своѣ́ми  
покры́ет егó. Возопѣ́йте к Ней  
все в бедáх ва́ших и зловрѣд-  
ная рáна не прибли́жится ду-

шам и телесем вашим: явит бо вам всюду спасение Свое.

### **Песнь вместо славы**

Радуйся, Пресвятая Богородице Марие: предстани беспомощным, помози малодушным, утеси плачущих, моли за люди, заступи за клир и всех православных христиан прими в Свое заступление, да веселятся и торжествуют вси о преславном имени Твоем.

### **По 12-й кафисме тропари, гл. 4:**

Матерь Бога нашего воспойм, яко Твою радость миру даровася, Твою разрешение

кля́твы обре́те челове́чество и  
избавля́емся от вся́ких лю́тых.

Го́споди, ро́ждшия Тя пред-  
ста́тельством храни́ ста́до  
Твое́, е́же Кро́вию Твое́ю чест-  
но́ю искупил еси́, и от наве́т  
вра́жиих невре́дно соблюди́, да  
славосло́вим, Ще́дре, Твое́ бо-  
же́ственное снисхожде́ние.

Оскверни́вшуюся страстьми́  
ду́шу мою́, Пречи́стая Бого-  
роди́тельнице, Твои́ми моли́т-  
вами очисти́: Ты бо еси́ спа-  
си́тельное очище́ние с ве́рою  
моля́щимся Тебе́.

## Молитва

О Всеми́лостивая Влады́чи-  
це, Цари́це Небе́сная, Пресвя-

тáя Богорóдице! Вем вся грехи́ моя и нечéстия сéрдца моего́, и кáко дерзнú к Тебé прибегáти недостóйный аз и прошéния моя приносíти; но вем и вели́кия мíлости, и щедрóты Твоя́, яже на христиáнский род вы́ну изливáеши: Ты бо еси́ грешнико́в спорúчница и пóмошь. Ты вéси, Пречíстая Мáти, Дéво Богорóдице, скорбь сéрдца моего́ и печáль души́ моея́. Молю́ся úбо Тебé усéрдно: вся скóрбная, яже по благо́й и свято́й во́ле Го́спода нáшего Иисúса Христá наидóша на мя, и́миже вéси судьба́ми, устрóй о мне во благо́е; áще ли же от врагá души́ моея́ уязвлéния сия́

содѣяшася, всесильною Твоею по́мощию сокруши́ егó кова́рства и от нечесті́вых прило́г егó изба́ви душú мою. Тебѣ бо вся возмóжна суть, преиспóлненной всякія мѣлости и бла́госты́ни, я́ко Ты еси́ препросла́влена во вѣки. Амѣнь.

## КАФИСМА 13

### Псалом 91

Бла́го есть исповѣдаться Го́сподеви, бла́го есть воспева́ти сла́ву и чудеса́ возлю́бленныхя Егó Ма́тери, Присноде́вы Маріи: возвеща́йте, возвеща́йте бо́дрым умомъ щедро́ты Ея́ и все мѣлости Ея́, со-

восклица́йте в гúслех сёрдца  
ва́шего, я́ко возвели́чишася  
над нами пречу́дныя дела́ Ея́,  
и муж безúмен не разумéет  
сих, взыска́ющих же Ю́ при-  
ёмлются, я́ко райстии гра́ж-  
дане, и обнося́щи во умé и  
сёрдце сладча́йшее и́мя Ея́ на-  
пи́шутся в кни́ге вéчнаго жи-  
вота́, насаждéни бúдут в дому́  
Госпóдни, во двóрех Бóга на-  
шего процвету́т.

## Псалом 92

Госпóдь воцарíся, в лёпоту  
облечéся; облечé и благосло-  
вénную Мáтерь Свою́ пре-  
испещрénною одéждою всех  
прекрасных добродéтелей,

освящённому бо Духом Святым дому Его подобает таковая святыня. Научи и нас, Владычице, всякую творити правду, облецы души наша в ризу спасения, да не вне чертога Христова пребудем, помози оскудевающим в чистой совести, преобрази ю и представи ны в жребий небесныя истины.

## Псалом 93

Бог отмщений Господь, ибо праведному суду Его подлежат нераскаянные грехи наша, но Ты, всемилостивая Владычице, к долготерпению Его преклоняеши и умоляе-

ши; аще бо не Ты помогáла нам предста́тельством Твои́м к Немú, в ма́ле всели́лася бы во ад ожесто́ченная на́ша душа́; блаже́н, и́же разумéет се́рдцем ма́тернее Твоé ходáтайство; не тщéтна есть моли́тва, е́юже мо́лится к Тебе́ вся́кая ка́юща-я грéшная душа́, по мно́жеству грехóв в со́вести ея́ небéсныя Твоя́ утешéния обо́дрят ю́, и мра́чный дух отча́яния исче́знет. Сла́ва Тебе́, Цари́це Небéсная, спасéние грéшников, и́щущих спасéния.

### **Песнь вместо славы**

Ра́дуйся, Пресвята́я Присноде́во Мари́е, Пречи́стая и бо́ль-

шая всех лик Ангельских и Архангельских, Дева прежде рождества, Дева в рождестве, Дева по рождестве; молюся Ти, даждь мне благодать сию, да возлюблю душевную и телесную чистоту, да не лишуся благодати Святаго Духа.

## Псалом 94

Приидите, возрадуемся Господе нашей Приснодеве Марии, предварим лице Ея во псалмех и песньми духовными восхвалим Ю; приидите, поклонимся и припадём к стопам Ея, исповедующе с благопризнательным плачем пред Нею грехи наша: Она у возлю-

бленнаго Сына Своего, Христа Бога нашего, испросит нам милости, Она предстанет пред судищем Божиим, заступит при кончине души наша и удостоит предстательством Своим вечно блаженного покоя.

## Псалом 95

Воспойте новыя благодарныя пѣсни, воспойте Матери Божией вси концы земли, возвестите во языцех славу Ея и во всех людех чудеса Ея; слава небесная в святѣйшем лицѣ Ея, кротость и смиреніе во очесѣх Ея: да веселятся небеса, внутрь имѣя в себѣ Царицу всемошную, да раду-

ется земля, торжествующая о пресла́вном и́мени Ея́.

## Псалом 96

Госпо́дь воца́ри́ся, ра́дуются небеса́ и земля, ра́дуется па́че всех небожи́телей и земно-ро́дных возлю́бленная Ма́терь Его́, Пречи́стая Присноде́ва Мари́я во всей держа́ве влады́чества Его́; покланя́йтесь Ей вси жи́тели райсти́и, А́нгели, Арха́нгели и вся си́лы небесны́я возвели́чите вели́кую ва́шу Цари́цу; патриа́рси и про́рочы, соплетите́ Ей вѣчныя хвалы́; апо́столи, святи́тели, му́ченицы, испове́дницы, де́вственницы, воспойте́ Ей от

пéсней Сио́нских; веселі́тесь  
вси пра́веднии о препросла́в-  
ленной Влады́чице, испове́-  
дайте всегда́ и всю́ду се́рдцем  
и уста́ми па́мять святы́ни Ея́.

### **Песнь вместо славы**

Звездó присносія́ющая,  
Присноде́во Мари́е, просве-  
ти́, молю́ся Ти, грехо́вную  
слепоту́ мою́, вонми́ въздыха́-  
нию души́ моея́, во е́же при-  
ле́жно любі́ти Тя, испóлни  
се́рдце моё́ небéсныя благо-  
да́ти, я́ко да и аз, а́ще и недо-  
сто́йный, но бла́гостию и ми́-  
лостию возлю́бленнаго Сы́на  
Твоего́, моего́ же і́стиннаго  
Спасі́теля, досéле покрыва́е-

мый, причащуся неких малейших крупиц, падающих от трапезы вечного веселия.

## Псалом 97

Воспойте Госпоже нашей песнь новую, яко дивная чудеса сотвори в роде христианском, откры милости Своя в концах земли, слышно бысть преславное имя Ея по всей вселенней; мы же паче всех веруем и исповедуем, яко Она была, есть и будет навсегда премилосердая наша Матерь, бездна милости и щедрот, лествица к небеси, мысленный ковчег, имже от вечного огненного потопа безопасно спасемся.

## Псалом 98

Госпо́дь воцари́ся, сопросла́-  
вися с Ним и возлю́бленная  
Его́ Ма́терь, я́ко честне́йшая  
Херувімов и славне́йшая Се-  
рафи́мов стои́т одесну́ю Бо́га;  
вѣлія в Сио́не сла́ва Ея́ и в го́р-  
нем Иерусали́ме великолѣ-  
піе Ея́, вѣлія хвала́ Ея́ и на  
землі́, и Цѣрковь вѣрующих  
исповѣдуется пресла́вному іме-  
ни Ея́ в век и во век вѣка.

## Псалом 99

Воскли́кните Ма́тери Бо́-  
жией вси вѣрнии и благоче-  
сті́вии лю́дие, моли́тесь Ей  
со благоговѣ́нием и ра́дуйте-  
ся пред Не́ю с весѣ́лием ду́ха,

приступите к Ней с благопокорённым сёрдцем и в сердёчном умилёнии преклоните колёна пред святы́м изображён-  
нием лица́ Ея́, небёсною благо-  
да́тию осиява́емаго; бу́дем чи́-  
сти сёрдцем и я́вит нам Себе́  
в ми́ре и тишинё; от когó же  
Цари́це Небёсная за ожесто-  
чённое нераска́яние отврати́т  
лицё Своё, несть ему́ наде́жды  
ко спасёнию. О премилосёрд-  
ная Влады́чице, помяни́ нас  
во благоволёнии Твоём, и а́д-  
ская неприязнь исче́знет.

## Псалом 100

Ми́лость и суд воспою́ Тебе́,  
Цари́це Небёсней, воспою́

ми́лость, ея́же а́ще смире́н-  
но от Тебе́ ищú, не погиба́ю,  
а спаса́юся, воспóю суд, по  
нему́же за беззакóния моя́  
лиша́юся ма́терняго Твоего́  
благоволе́ния ко мне, но вос-  
хваля́ю, восхваля́ю с пёснию  
пресла́вное и́мя Твое́, Вла-  
ды́чице, и обря́щу и́стинный  
поко́й души́ моёй; воспéрих-  
ся ко благосты́ни и щедро́там  
Твои́м и не лишúся от упо-  
ва́ния и наде́жды моея́ на Тя;  
утверди́ сла́бую ду́шу мою́ в  
ве́ре, наде́жде и любви́ к воз-  
лю́бленному Твоему́ Сы́ну,  
Спаси́телю и Бо́гу моему́, да  
я́вит Тобо́ю согреше́нием мо-  
и́м прощё́ние.

## Песнь вместо славы

Ра́дуйся, уединёния любя́-  
тельница и вѣчнаго поко́я  
всем вѣрующим желáтельница,  
кротча́йшая Дѣво среди́  
дев Иерусали́мских, благо-  
ухáнный цвѣте, тѣхая и не-  
злѡбивая Голуби́це, Мати ча-  
долюбѣвая! Расточи́, молю́ся  
Ти, сѹетныя моя́ помышлѣния  
и дух разсѣянный собери́, яко  
к Тебѣ въздыха́ю и покланя́-  
юся Тебѣ всегда́, ами́нь.

### По 13-й кафисме тропари, гл. 5:

Неисчѣтную благодáть ми-  
лосѣрдия Твоегѡ и божѣствен-  
ную держáву сѣлы Твоея́ вѣ-

дый, Владычице, взываю Ти прилежно: от всякия лютыя скорби исхити Твоего раба, и исполни радости сердце мое, Богорадованная.

Врагом противоположись борющим нас: люте бо находят на достояние Твое, Всецарице, погуби тех наглости, да разумют крепость Твою: божественным Твоим манием вся потреби.

Христиан неложное спасение, грешников нерушимое предстательство, крепкая помощнице наша, покрый мя крылы державнаго Твоего покрова, и душе моей исходящей предстани.

## Молитва

О Пресвятая Госпоже, Владычице моя Богородице, Небесная Царице! Спаси и избави мя, грешнаго раба Твоего, от напрасных клевет, от всякия беды и напасти и внезапныя смерти. Помилуй мя в дневных часах, и во утренних и вечерних, и во всякое время сохрани мя; стояща, сидяща соблюди, и на всяком пути ходяща, и в ночных часах спяща снабди, покрый и заступи. Защити мя, Владычице Богородице, от всех враг моих, видимых и невидимых, и от всякаго злаго обстояния. На всяком месте и на всякое

врѣмя бѹди ми, Мати Преблагая, необоримая стена и крепкое заступлѣние всегда, нынѣ и прѣсно, и во вѣки веков. Аминь.

## КАФИСМА 14

### Псалом 101

Госпожѣ, услыши молитву мою и вопль мой сердечный к Тебѣ да приидет, да не отвратиши пресвятое лице Твое от мене, ниже возгнушаеши за нечистоту мою; не остави мя погибнути от злых на мя советов душевных врагов моих, и непусти им с лютым поношением посмея-

тися надо мною; уповаючи на Тя не убоятся томящих озлоблений их и восхваляючи Тя молитвами Твоими избавятся от всех вражиих наветов: носиши бо на руках Твоих Победителя ада и смерти.

## Псалом 102

Благослови, душе моя, возлюбленную Матерь Господа нашего Иисуса Христа и вся внутренняя моя имя святое Ея; не забудем благотворений Ея, ниже милостей и щедрот Ея, благодатию Ея грехи заглаждаются и болезни врачуются. Благословите Ю,

вся сілы небес, благословіте  
Ю, вси небожітели и земно-  
роднии.

## **Песнь вместо славы**

Ра́дуйся, благороднейшая  
Родітельнице Единорóднаго  
Сы́на Бóжия, Присноде́во  
Маріе, Я́же всем мѣлости  
не́дро отверза́еши, я́ко от  
святы́ни Твоея́ прие́млем вси  
благодáть. Приими́, Всебла-  
гословенная, моли́твы на́ша,  
от устѣн оскверненнѣх пред  
Тобо́ю пролива́емая, и моли́  
за нас возлю́бленнаго Твое-  
го́ Сы́на, да Его́ святѣйшим  
благоволеніем по жи́зни  
сей сподобимся узрети Тя во

Царствию Божии со Отцем,  
Сыном и Святым Духом во  
вся веки.

## Псалом 103

Благослови, душе моя, Господа, возвеличившагося зело, зело благослови и Приснодеву Марию, в небесную велепоту облещуюся; яко призре Господь на смирение Рабы Своея, и мы, христианстии роди, с умилением сердца да ублажаем Ю; паче меда и сота сладчайша душе нашей память Ея и благоусладительна беседа о велиих чудесех Ея; Она есть премилосердная Матерь, о нас, яко о чадах, веселящая-

ся, и мы, яко птенцы, распростёртыми крилами помощи Ея всегда защищаемыя, посреде самыя сени смертныя не убоимся зла, с нами Владычица наша, с нами милость и помощь Ея.

### **Песнь вместо славы**

Сподоби мя всегда, во все дни жизни моей, творить благоугодное человеколюбивому Богу и, доколе пребываю в сем многоболёзненном житии, соблюдай мя, покрывай, сохраняй: буди со мною в плавании моём, сопутствуй мне, егда путешествую; храни мя, егда бодрствую; покрывай

мя, егда сплю; и все пути мой направляй ко благу. Во время же исхода моего из тела, буди ми предстательницею, боголюбивая Владычице, и нестерпимую оную болезнь смягчи, труд облégчи, тоску мою утоли и бедную мою душу приведи к вéчным обителям, да не встрéтит мя тёмная сила и да не увлечёт во глубинú ада. Дажь ми узреть Судию милосérдаго, мило-ство на мя взирающа; даждь избáвиться, по Твоему ходáтайству, Богоневéстная Дéво, от вéчнаго пламени и наслаждáтися весéлием райским в Цáрстве Небéснем.

## Псалом 104

Исповѣдайтесь в тёплых мо-  
литвах Царице нашей Богоро-  
дице и призывайте с сердеч-  
ным чувствованием святое имя  
Ея, пойте Ей в пѣснях и пѣниих  
духовных, преславно повѣдаю-  
ще в род и род древняя и новья  
силы и чудеса Ея; хвалите и  
превозносите Ю, дѣвы, дщѣри  
Сионския, понѣже обручи вас  
прекрасному Небѣсному Же-  
ниху, Царю славы, поклоняй-  
тесь с благоговѣйным страхом  
святолёпному лицу Ея, спа-  
сение бо душам вашим вѣчное  
дѣржит на руках Своих и, иже  
достойно Ю почитает, восприи-  
мет от Господа праведную мзду.

## Песнь вместо славы

Ра́дуйся, неувядае́мый ра́й-  
ский цвѣте; молю́ся Ти, да  
облагоуха́ет мя аромáтная во-  
ня́ Твоя́, се́рдце моё Тя лю́бит,  
чу́ства веселя́тся, весь ум мой  
воспаря́ет.

### По 14-й кафисме тропари, гл. 6:

Де́монскими прило́ги коле́б-  
лему́ мне, Де́во, на ка́мени  
утверди́ мя боже́ственных  
повеле́ний Христо́вых, да не  
потопи́т мене́, Чи́стая, прегре-  
ше́ний бу́ря и помысло́в злых  
треволне́ние.

Страсте́й находя́ения в ров  
поги́бели низвлача́т изнемо-

гающую дѹшу мою, но уми-  
лосѣрдися на́до мно́ю, ро́жд-  
шая Спа́са всеми́лостиваго, и  
изба́ви раба́ Твоего́ бѹдущаго  
прещѣния.

Вои́стину па́че ума́ Твоя́,  
Чи́стая, дарова́ния, ихже спо-  
добля́еши рабы́ Твоя́, те́пле Тя  
сла́вящыя и Твоему́ о́бразу с  
ве́рою покланя́ющыяся, чту́-  
щыя же от душі́ и благоговѣ́й-  
но лобыза́ющыя, к нимже со-  
причті́ и менѣ́, а́ще и несмы́  
досто́ин Твоея́ ми́лости.

## Молитва

Богора́дованная Влады́чи-  
це, препросла́вленная Ма́ти  
щедро́т и человеколю́бья, все-

ми́лостивая о всем ми́ре Хо-  
да́таице, приле́жно раби́ Твои́,  
к Твоему́ Боже́ственному  
предста́тельству прибега́юще и  
пречу́дному образу́ Твоему́ со  
умиле́нием припа́дающе, мо́-  
лимся: моли́тву те́плую Сы́ну  
Твоему́ и Бо́гу нашему́ сотво-  
ри́, о Всепе́тая Цари́це и Вла-  
ды́чице, да всяких болéзней и  
печа́лей нас Тебе́ ра́ди изба́вит  
и от грехо́в всяких свободи́т,  
Ца́рствия Своего́ Небе́снаго  
насле́дники ны пока́жет; ве́лие  
бо и неизрече́нное, я́ко Ма́-  
ти, има́ши дерзнове́ние к Не-  
му́ и вся мо́жеши, ели́ка восхо́-  
щеши, еди́на во ве́ки Благая́ и  
Благослове́нная. Ами́нь.

## КАФИСМА 15

## Псалом 105

Исповѣдайтесь Владычице Богородице, яко благá есть в щедрóтах Свои́х; кто возглаго́лет си́лы Ея́, слы́шаны сотвори́т вся хвалы́ Ея́? Благопоспешí, о премилосѣрдная Мáти, обу-рева́емым нам в океáне сýетна-го ми́ра сегó спасéнием Твои́м: всем сѣрдцем мо́лим Тя и всею душéю велича́ем Тя, услы́ши гла́сы воздыха́ющих к Тебѣ, помози́ беспóмощным, утѣши пла́чущих, возвесели́ скорбя́щих; Ты бо еси живонóсный ми́лостей истóчник для всех, с вѣрою и моли́твами к Тебѣ

прибегáющих; сла́ва Тебе́, непосты́дная наде́ждо на́ша.

## **Песнь вместо славы**

О Пресвята́я Влады́чице моя́ Богоро́дице, милосе́рдия сýщи исто́чник, покрóве, упова́ние и прибёжище христиа́н, Тебе́, всеси́льней предста́тельнице и спорúчнице покая́ния и спасе́ния моего́, аз, грéшный раб Твой, вруча́ю ду́шу и те́ло моё, вход и исхо́д мой, ве́ру и жи́тельство моё, кончи́ну и число́ дней мои́х, глаго́лы и помышле́ния моя́, дела́ и начинáния моя́. Ты же, ми́лостивая Ма́ти Бо́жия, мно́ю руковóдствуй, покрывáй, соблюда́й и спа-

са́й мя от всех бесо́вских ко́зней невредима, да немолчно, до послéдняго издыхáния моего́ взыва́ю Ти: Ра́дуйся, Невéсто Неневéстная.

## Псалом 106

Исповéдайтесь Го́сподеви, яко́ благ; исповéдайтесь и возлюбленной Его́ Мáтери, яко́ вéлия мило́сть Ея́ на нас; наставля́ет бо нас на пу́ти́ и́стинныя мýдрости, показу́ет ми́рныя стези́ небéсной и́стины, научáет стра́ху Госпо́дню и излюбя́щаго Ю́ сéрдца изгоня́ет любóвь к ми́ру, я́же есть вражда́ на Бо́га; блаже́ни мы, а́ще моли́твы на́ши к Ней благоугóд-

ны Ей; кóсти нáши утучнѣтсѧ от тѹка благодáти Ея, насытѣтсѧ áлчушия дѹши и жáждушия напоѣтсѧ, из чрѣва бо Ея проистечѣ живѹй и вѣчный истóчник спасѣния нáшего.

### **Песнь вместо славы**

Рáдуйся, едѣмский цвѣте, испущáющий неизречѣнное благоухáние; рáдуйся, пренепорóчная чистóто, юже возлюбѣ Дух Святѹй; рáдуйся, слáво всех дѣвствующих о Гóсподе; помозѣ, Владычице, мóлимся Ти, и нам сохранѣти душѣвную и телѣсную чистотѹ: блажѣни бо чѣстии сѣрдцем, яко тѣи Бóга ўзрят.

## Псалом 107

Гото́во се́рдце моё́, Госпо́же, гото́во се́рдце моё́ хвалы́ Тебе́ пе́ти; иска́ти благода́ть Твою́ лу́чше есть па́че злата́ и ка́мене многоце́нна, ми́лости Господни́ на тех, и́же Тя во и́стине почита́ют; прославля́ющие Тя просла́вятся и далéче бу́дут от вéчной поги́бели, призыва́ющие Тя в напáстех и искуше́ниях охраня́тся простёртием крил ско́рыя по́мощи Твоея́.

## Псалом 108

Госпо́же, хвалы́ к Тебе́ моя́ да не премолчи́ши и сие́ изре́ченное Тебе́ псалмопе́ние при-

я́ти да изво́лиши: прѣзри на труд мой сей и сотвори́ его́ Тебѣ благоугóдным, соблюди́ мя невредѣ́ма под защище́нием десни́цы Твоея́ и утѣши сокруше́нную ду́шу бла́гостию и ми́лостию возлю́бленнаго Сы́на Твоего́, ѣ́стиннаго моего́ Спаси́теля, Го́спода и Бо́га.

## **Песнь вместо славы**

О преблагословѣ́нная Присноде́во Мари́е, возлю́бленная Дщерь Отца́ Небе́снаго, молю́ся Ти: бу́ди мне, грѣшному, ко́рмчая, до́ндеже в бу́рном мо́ре ве́ка сего́ пла́ваю, па́че же при кончи́не жи́зни моея́, благополучно да дости́гну приста́-

нища небéснаго Иерусали́-  
ма, идéже Тя б́уду хвалíti и  
блажíti во вся вéки векóв,  
амíнь.

## **По 15-й кафисме тропари, гл. 7:**

Всещéдраго Бóга о нас, Дé-  
во, умоли́, избáвитися душáм  
на́шым от всякаго вредá зми-  
и́на.

Воздыхáюща мя, Гóсподи,  
приими́ я́ко мýлостив, и по-  
мíлуй мя я́ко мытаря́, Мáте-  
ре Твоея́ ходáтайством.

Ко мнóжеству мýлости Твоея́  
ны́не прибега́ю, разреши́ ве-  
ри́ги, Богорóдице, согрешé-  
ний мо́их.

## Молитва

О Пресвятая Владычице Богородице, Небеснаго Царя Мати, наша же преблагая надежда, предызбранная Богоотроковице, ненадеющимся надеяние, грешным спасение, сирым приютительнице, нагим одеяние, скорбящим утешение и радость, обидимым покровительнице и всем сущим в бедах и напастех вспоможение и заступление. О всемилостивая Госпоже Деве Богородице, зриши мою беду, и скорбь, и напасть; помози ми, бедному и немощному, скверному и унылому, печальному, скорбному

и ненаде́жному, и отыми́ от  
меня́ печа́ль сию́, я́ко стра́н-  
ну; оби́ду мою́ Ты ве́си, раз-  
решí ту, Всенепоро́чная,  
я́ко во́лиши и мо́жеши; не  
даждь во отча́яние впа́сти,  
я́ко не има́мы ины́я по́мо-  
щи, ра́зве Сы́на Твоего́, Пре-  
вече́наго Младенца, и Тебе́,  
Бо́жия Ма́ти. О Влады́чице  
ми́ра, о Цари́це всея́ тва́-  
ри, о Голуби́це Пресвята́я,  
на Твой пречу́дный о́браз с  
Превече́нным Младенцем визи-  
раю, со воздыха́нием и со-  
круше́нием се́рдца прекло-  
няю коле́на и главу́ до земли́,  
при́зри благосе́рдым о́ком,  
Всепе́тая Богоро́дице, и услы́-

ши, Преблагая, и не отри́ни, но благоволи́ помилovati и не отвéржи моего́ въздыха́ния, никто́же бо, притека́яй к Тебе́, посрамле́н от Тебе́ исхо́дит, но про́сит благода́ти и прие́млет дар на по́льзу проше́ния. Ами́нь.

## КАФИСМА 16

### Псалом 109

Рече́ Господь Госпоже́ нашей: ста́ни, возлю́бленная Ма́ти Моя́, одесну́ю Мене́, святы́ня и благосты́ня Твоя́ благоуго́дна Мне, те́мже ца́рствуй со Мно́ю во ве́ки, венéц безсме́ртия на главé святе́й Твое́й да бу́дет,

его́же блиста́ние и свѣтлость  
не помрачи́тся. О Ма́ти свѣта,  
освети́ нас во мра́ке грехо́внем  
святы́нею Твоёю и изле́й на  
нас му́дрость и ум уче́ния Хри-  
сто́ва.

## Псалом 110

Испове́мся Тебе́, Госпоже́,  
всем се́рдцем мо́им и просла́в-  
лю Тя усты́ мо́ими, па́мять чу-  
дѣс Твои́х сотвори́ла еси́ во  
вся́ком ро́де и ро́де, и ми́ло-  
сти Тво́я во и́стине и право-  
те́; Оте́ц Небе́сный посла́ нам  
вѣчно ми́рный заветъ Свой чрез  
возлю́бленнаго Сы́на Свое-  
го́ и Ты, Влады́чице, послу-  
жи́ла еси́ вели́кому святѣ́й-

шему о́ному та́инству. Коль  
у́бо блаже́н жре́бий наш, коль  
восхити́тельна наде́жда на́ша  
на Тя! Сла́вно и дѣ́вно и́мя  
Твое́ в нас: содержа́щи егó  
в се́рдце не ужасну́тся в час  
сме́рти.

## Псалом 111

Блаже́н муж, благоговѣ́й-  
но почита́ющий Присноде́ву  
Мари́ю; блаже́нно се́рдце егó,  
и́же пла́менно лю́бит Ю́; бла-  
же́нна душа́ егó, я́же не на-  
сы́тится хвалы́ Ея́; моли́твами  
Ея́ возсия́ет в душе́ егó свет  
Бо́жий и Дух Святы́й освя-  
тит ра́зум егó; в па́мять вѣч-  
ную бу́дет таковы́й, от слѹ-

ха зла не убоится сердце его;  
утвердит Царица Небесная на  
нем благодать Свою и заступ-  
ление Ея пребудет с ним во  
век века.

### **Песнь вместо славы**

Радуйся, небесный кивоте,  
покоище живаго Бога, неиз-  
реченное составление плоти  
Христовы, чаше Царя Небес-  
наго, в нейже растворися от  
Духа Святаго вино неисчерпа-  
емая благодати; коим благо-  
дарением ублажим Тя, свето-  
носная Владычице? Радуемся  
и веселимся, яко преславныя  
судьбы Божии на Тебе совер-  
шишася.

## Псалом 112

Хваліте, о́троцы, Ма́терь  
Госпо́дню, хваліте, ста́рцы,  
и́мя свято́е Ея́; от восток  
со́лнца до за́пад хва́льно и́мя  
Ея́, кро́ток и сми́рен о́браз  
Ея́, на вся́ку пло́ть ми́лости  
Ея́ и щедро́ты Ея́ да́же до ко-  
не́ц земли́: сла́ва Тебе́, Вла-  
ды́чице, христиа́нская сла́-  
во и похвало́.

## Псалом 113

Во исхо́де душі́ моея́ от  
Египта ми́ра сего́ предста́ни  
ей, небесна́я Уте́шительнице,  
озари́ ю́ святы́м Твои́м лицём,  
и при́зраки бесо́в не устраша́т  
ю́; бу́ди ей ле́ствица к небеси́

и заступі ю, безотвѣтную, на Страшнем Судіщи Христовѣ.

## Псалом 114

Возлюбіх Матерь Гóспода Бóга моего и свет благодати Ея осветі мя, обыдоша мя болѣзни смѣртныя и бѣды адо-вы окружіша мя, но призвах імя Маріи и утѣшися душа моя; пámять Твоя, Владычице, да бѣдет посреде сѣрдца моего и не повредіт мя дѣйство лукаваго; обратіся, душе моя, на хвалу Ея и обрящеши блажен-ный покой в бѣдущей жízни, егда приидет Прáведный Судия воздати кому́ждо по делом егó.

## Песнь вместо славы

Ра́дуйся, всеми́лостивей-  
шая Ма́ти, преблагослове́н-  
ная Присноде́во Мари́е! Воз-  
зри́ свы́ше на недосто́йнаго  
gréшника и утоли́ стра́сти  
злы́я моея́ во́ли, ра́дуеши-  
ся бо о обращéнии моём на  
пути́ пра́вый; молю́ же Тя, да  
управля́еши мя, да соблюда́-  
еши, да покрыва́еши мя от  
всех вра́жиих наве́тов.

## Псалом 115

Ве́ровах, те́мже и возглаго́лах  
сла́ву и хвалу́ Твою́, Цари́це  
Небе́сная; Ты еси́ ча́ша спасе́-  
ния и от благода́тнаго раство-  
ре́ния в ней, я́ко от ту́ка небе́с-

наго, насыщáется душá моя;  
благословéнием чрэва Твоегó  
расторгни úзы грехóв мо́их и  
пода́ждь, Влады́чице, по́мощь  
и с́илу до послéдняго мое-  
гó издыхáния сохран́ити мне  
ц́елым и неруш́имым завет  
любв́и и м́ира с Бóгом.

## Псалом 116

Хвалíte Госпож́у на́шу  
Богорóдицу вси язы́ци,  
возвели́чите Ю́ вси лю́дие,  
я́ко утверд́ися м́лость Ея́ на  
нас и покрóвом Ея́ приосеня́-  
емся всегда́; почита́ющии Ю́  
благоговéйно не поѓибнут и  
моля́щиися Ей из глубины́  
душ́и не лишáтся мáтерняго Ея́

заступлѣнія, нерадѣющии же о святодостойном почитаніи Ея умрут во гресѣх своих.

## Псалом 117

Исповѣдайтесь Гóсподеви, яко блáг, исповѣдайтесь и возлюбленной Мáтери Егó, яко во век мѣлость Ея на нас; щедрóты Ея истóргнут от сѣрдца грех и благодáть Ея очѣстит осквернѣнную сóвесть; кáющаяся душá приближáется Ёю ко Христú, удаляющаяся же нераскáянием не обрýщет вѣчнаго мѣра с Бóгом. О всемѣлостивая Госпожé! Исповѣдаемся Тебѣ всем сѣрдцем нашим и вознесѣм Тя, яко Ты

была́ еси́ нам во спасéние и ны́не слы́шиши нас, призы-ва́ющих Тя.

### **Песнь вместо славы**

Ра́дуйся, Цари́це Небéсная, свято́е приятелище невме-стимаго Божества́: Ты еси́ небéсное украше́ние, Ты еси́ мы́сленное со́лнце, озаря́ющее зéмлю; озари́ и очисти́, молю́ся Ти, се́рдце моё грехо-любivéе и, а́ще что Тебе́ неуго́дно в жи́зни моёй, удали́ от мене́, к небéсному же обе-товáнию воспламени́ любóвь, во славу́ Бо́жию и в ра́дость Твою́ о спасéнии грéшныя души́ моея́.

## По 16-й кафисме тропари, гл. 8:

Приидіте, вѣрнии, Матѣрь  
всех Содѣтеля гласы возвели-  
чим, и поюще возопиим: яже  
радости вина, Дѣво всепѣтая,  
чтущих Тя спасай молитвами  
Твоими: имаши бо дерзнове-  
ние миловати, подавати же не-  
дугом врачевание.

В неможѣние тяжкое впад,  
и люте болѣзньми слячен, не  
терплю вара лютаго уныния  
моего, но вѣдый коегѣждо,  
Спасе, немощь, и яко отец на-  
казуяй нравом Тебѣ согрѣшив-  
шыя, Ты мя возстави, да всегда  
зываю Тебѣ: велия дела Твоя,  
Господи, страшна же воистину

чудеса́, и́бо ве́рныя спаса́еши  
моли́твами Ро́ждшия Тя.

Ду́шу мою́, Де́во, смире́нную  
от мла́дости оскверни́в ме́р-  
зостными́ словесы́ и дея́нми  
себе́ окаля́х, и не вем, что со-  
творю́ или́ где прибегну́? Но  
ниже́ и́ну наде́жду ра́зве Тебе́  
вем. Сего́ ра́ди непотре́бный  
раб к Тебе́ прибега́ю и молю́ся,  
испове́дуя Ти: согреші́х, моли́  
Твоего́ Сы́на и Бо́га, прегре-  
ше́ний оставле́ние дарова́ти  
ми, на Тя бо, всеблага́я, упова́-  
ние возложі́х.

## Молитва

Цари́це моя Преблага́я, на-  
де́ждо моя́ Пресвята́я, при-

ятелище сірым и странным  
заступнице, бѣдствующим по-  
моще и озлобляемым покрó-  
ве! Зрѣши мою напáсть, зрѣши  
мою скорбь, отвсюду искушѣ-  
нием одержимъ есть, а засту-  
пáющаго несть. Ты úбо Са-  
мá, Владычице, помози ми,  
яко немощнý; окорми мя,  
яко странна; настави, яко за-  
блúдша; уврачуй и спаси, яко  
безнадéжна. Не íмам бо инья  
пóмощи, ни инáго предстá-  
тельства, ни утешѣния, тóк-  
мо Тебѣ, о Боголюбívая Мáти  
всех скорбящих и обременѣн-  
ных! Призри úбо на мя, грѣш-  
наго и во озлоблѣнии сýща-  
го, и покрый мя пресвятымъ

омофóром Твои́м, да избáвлен  
бúду от всех зол, мя обышéd-  
ших, и восхвалю́ вы́ну препé-  
тое и́мя Твоё. Ами́нь.

## КАФИСМА 17

### Псалом 118

Блаже́нни непоро́чнии в  
пути, ходя́щи в зако́не Гос-  
по́дни, блаже́нни и послед-  
ствующи́и святы́м добродéте-  
лем Ма́тери Бо́жией; блаже́нни  
подража́ющие смире́нию Ея́;  
блаже́нни причáстницы бла-  
госты́ни Ея́; блаже́нни люби́-  
тели крóтости се́рдца Ея́; бла-  
же́нни, и́же обе́тами святы́ми  
служат Ей; блаже́нни, имéю-

шии на Ню твёрдое упование и благую надежду; блаженни, ихже восприимет в Своё предстательство Царица Небесная. О всемилостивая Владычице! Да излиются на нас оныя благодатныя милости Твоя и насладимся оных, яко о всяком богатстве. Воздаждь нам, рабѣм Твоим, Госпоже, сию Твою великую благодать, во еже с любовью творити святую волю возлюбленнаго Сына Твоего; не скрый от нас щедроты Твоя и уразумеем чудеса Твоя на нас; возжелá душá наша присно воспевати хвалу Твою, чрез Тебѣ бо спасение наше о Господе. Что воз-

дадѣм Тебѣ о всехъ, яже воздала еси намъ? Законъ матерняя воли Твоея, о святыхъ святѣйшая, положила и утвердила еси в сердцахъ нашихъ; приклони души наша къ вышней любви и отвори очи наши, еже не видети суеты; страхъ Божій да будетъ намъ в сыновній страхъ и смиренное благоговѣние къ Тебѣ да утѣшитъ насъ во смиреніи нашемъ. О всемилостивая Владычице! Молимся лицу Твоему и преклоняемъ колѣна сердецъ нашихъ предъ Тобою, помилуй насъ по милости Твоей.

Благодать сотворила еси во всякомъ родѣ и родѣ со всеми, во истинѣ призывающими Тя,

Госпоже́, в по́мощь; воспоми-  
на́ем и мы, грéшнии, дивныя  
чудеса́ Твоя́ и утвержда́емся во  
упова́нии небесныя наде́жды;  
обыше́дше обыдо́ша ны напáсти,  
но крѣпкая десни́ца Твоя́ изъят  
нас от них; блага́ душѣ на́шей,  
яко тягото́ю их смиря́емся.  
О всеми́лостивая Ма́ти!  
Даждь нам духо́вный ра́зум,  
во е́же поклоня́тися блага́сти  
жива́го Бо́га и смиря́тися пред  
о́тческим Его́ наказáнием.

### **Песнь вместо славы**

Ра́дуйся, всеблагословѣн-  
ная Присноде́во Мари́е, Ты  
еси́ свет во тме грехо́вней и  
непосты́дная наде́ждо всех,

на Тя упова́ющих; смире́нно мо́лимся Тебе́: утоли́ законопресту́пныя стра́сти се́рдца на́шего и искуше́ния плóти и ми́ра отврати́; пове́дают нам законопресту́пницы глумле́ния свои́, но Ты, Засту́пнице, даждь нам чу́ство пла́кати о гресéх на́ших, да сконча́емся христиáнскою кончи́ною и сподо́бимся Бо́жию ми́лость получи́ти.

### **Псалом тойже**

Исчеза́ют душа́ и се́рдце на́ше, и́щущия спасе́ния от Тебе́, Влады́чице; яви́ нам благодáтный зрак Твой, оживи́ нас ми́лостию Твое́ю, во век

не забудем благостыни Твоея; яко аще бы не Ты предстояла, о нас умоляючи возлюбленнаго Сына Твоего и Бога нашего, погѣбли бы в многосуетной жизни нашей; Ты немерцающий свѣтильник нам во тме греховней: паче всех учащих нас уразумеем закон Божий и от заповедей Спасителя нашего не уклонимся, аще Ты, Царице Небесная, поможеш нам.

Дивны милости и щедроты Твоя, о святѣйшая Мати Божия, дивны чудеса Твоя на нас, близ еси Ты всех верных и избранных Божиих и вси путие Твои истина, далече

же спасёние и по́мощь Твоя́ от нерадѣвших о благоговѣйном служёнии и поклонёнии Тебѣ́, яко неправедно есть помышлѣние их; да прийдут же, смирённо мо́лим Тя, щедрóты Твоя́ на нас и жи́ви о Го́споде бѹдем. Коль сладка́ гортáни нáшей хвалá Твоя́, пáче мѣда устóм нáшим всеблагословѣнное и́мя Твоё! Восприими́ нас, странствующих, во блáго и сохрани́ от áдския неприязни.

### **Песнь вместо славы**

Рáдуйся, Пресвятáя Богорóдице Маріе, под Твою́ ма́тернюю мѣлость и покрóв с

вѣрою и любóвию прибега́ем; днесь, и на всякий день и ночь, и в час смѣрти нáшея Тебѣ дúшу и тѣло нáше вруча́ем, всю надѣжду во всей жízни на Тя возлага́ем, я́ко да Твои́м заступлѣнием и по́мощию вся нáша дела́ испрáвятся и премѣнятся по святѣйшей во́ле возлюбленнаго Сы́на Твоего́, Спаси́теля нáшего.

### **Псалом тойже**

При́зри на нас, всеми́лостивая Госпоже́, и помíлуй нас, любящих святóе и́мя Твое́; всем сѣрдцем нáшим взывáем и мо́лимся Тебѣ, Влады́чице, напра́ви стопы́ нáша на путь

спасения и да не обладает волею нашею всякое беззаконие. Услышите, небеса, и внуши, земле: якоже младенец без питательницы не может жить, тако без Госпожи нашей Приснодевы Марии не можем получитьи вечное спасение. Мир мног любящим, почитающим и поклоняющимся Царнице Небесней, под защищением бо Ея пребывающим далече будут от вечной погибели. Князи адстии, обышедше, обыдоша нас, повсюду сети злобы поднебесныя положени суть во уловление сердца нашего и души, но от призывания святого имени Твоего, о возлюбленная

Ма́ти Бо́жия, я́ко дым исче-  
за́ют ко́зни враго́в. Мир мног  
лю́бящим и́мя Твое́ и несть  
им собла́зна, жива́ бу́дет душа́  
на́ша и восхва́лит Тя, преми-  
лосе́рдную свою́ Влады́чицу;  
ми́лости Твоя́ всегда́ помо́гут  
нам; седмери́цею днем вос-  
пева́ем Тебе́ хвалы́ Господни и  
не оста́вим Тя призыва́ти, по-  
мо́щницу на́шу, во всех днях  
жизни на́шея, не заблуди́м бо  
чрез си́е, я́ко овча́ поги́бшее,  
поне́же пути́е Твои́ небесный  
свет и и́стина.

### **Песнь вместо славы**

Ра́дуйся, благодáтная Прис-  
ноде́во Мари́е; кто Тя досто́й-

но мо́жет возблагодарíti и восхвалíti, испóлнены небеса́ сла́вы Твоея́ и испóлнена земл́я ми́лости Твоея́, безсе́менным бо пречи́стым рождество́м Твои́м от тли вéчныя смéрти ду́ши на́ша свободи́ла и в рай безсмéртия водвори́ла еси́.

**По 17-й кафисме тропари,  
гл. 1:**

Весели́тся христиа́н мно́жество, и́мя Твое́, Богоро́дице, на всяк день призыва́ющих и с любóвию высóты Твоя́ велича́ющих. Ты бо похвала́ и помóщница и предста́тельница непосты́дная еси́ всех véроу чту́щих Тя.

Сра́дуйтесь, земноро́днии,  
Ма́тери Госпо́дней, восхва́лите  
Ю́, Небе́сныя Си́лы, просла́-  
вите, ца́рствующии на земли́,  
прииди́те вси, ра́дуйся, рцем  
Богоро́дице согла́сно, ве́рою  
веселя́щися.

Но́вое не́бо, вместив́шее не-  
изрече́нно су́щее на небесе́х  
невмести́мое Сло́во, одушев-  
ле́нная пала́то Влады́ки тва́ри,  
пресла́вный и преимені́тый  
гра́де Спа́са на́шего: небе́снаго  
оте́чества гражда́нина мя со-  
твори́.

## Молитва

Пресвята́я Госпоже́, Вла-  
ды́чице Богоро́дице! К Тебе́

прибега́ем, Чи́стая: Ты бо еси́  
стенá необори́мая, предста́-  
тельство и покрóв всем, при-  
бега́ющим к Тебе́ с ве́рою и  
упова́нием! Мо́лим Тя, Пре-  
благослове́нная, услы́ши мо-  
ли́тву недостóйных раб Твои́х  
и предста́ни прісно за усóп-  
ших рабо́в Твои́х. Ты вы́ну хо-  
да́тайствуеши о правосла́вно  
чту́щих Тя, прибега́ющих к  
покрóву Твоему́ и те́пле моля́-  
щихся Тебе́ в болéзнях, ско́р-  
бех и напáстех; но Твое́ хо-  
да́тайство, Твое́ заступле́ние  
наипáче благопотре́бно нам  
по сме́рти на́шей; Ты вы́ну яв-  
ляеши ско́рую по́мощь Твою́  
рабо́м Твои́м и не престае́ши

всем молящимся Тебѣ являти Своѣ благосѣрдие и изливати великія и богатыя мѣлости Сына Твоего и Бога нашего на всех верующих: на Тя единую по Бозе имамы твердую надежду и упование: никтоже, Тебѣ моляся, отходит от Тебѣ без помощи, радости, и утешения, и услаждения. Молим Тя, о Пресвятая Богородице, Владычице мира, надеждо ненадежных, буди убо днесь ходатаицею к Родшемуся от Тебѣ за усопших рабов Твоих, умоли Сына Твоего и Бога нашего дати им прощение и оставление прегрешений. Моли, Богородице, много бо

мо́жет моле́ние ма́тернее ко  
благосе́рдию Влады́ки; от Те-  
бе́ бо прие́млет Госпо́дь всяко  
сло́во проше́ния, приими́ убо  
и Ты на́ши моли́твы и моле́-  
ния, приноси́мая Тебе́, Пре-  
свята́я Де́во, от всего́ се́рдца  
на́шего и всея́ души́ на́шея за  
ду́ши усóпших рабо́в Твои́х.  
Мо́лим Тя, помози́ им, Вла-  
ды́чице, ма́терним Твои́м ко  
Го́споду дерзнове́нием до-  
сти́гнута ти́хаго пристáнища  
в небе́сном Иерусали́ме; по-  
мози́ им, Засту́пнице усерд-  
ная, непосты́дно предста́ти  
на Стра́шнем и Второ́м При-  
ше́ствии Сы́на Твоего́, иде́-  
же кийждо от свои́х дел или́

просла́вится, и́ли постыди́т-  
ся; помози́ им, Благода́тная,  
оправда́тися пред лице́м  
Седя́щаго на престо́ле сла́вы,  
да не постыда́тся пред А́нгелы  
и все́ми святы́ми, пред всем  
ми́ром, го́рним и до́льным.  
О Всепе́тая Ма́ти, Влады́чице  
Богоро́дице! Мо́лим Тя, засту-  
пи́, спаси́, сохрани́ и бу́дущия  
изми́ му́ки усóпших рабо́в  
Твои́х, да не поги́бнут во век,  
но да спасу́тся Твои́ми моли́т-  
вами и пре́йдут от сме́рти в  
живо́т. Мы же, грешнии и не-  
досто́йнии раби́ Твои́, не от-  
сту́пим от Тебе́, не престáнем  
во умилéнии взыва́ти к Тебе́:  
Пресвята́я Госпоже́, Цари́це

и Владычице! Моли Сына Твоего и Бога нашего об усопших рабех Твоих, да даст им Господь отпущение прегрешений; послй им, Благодатная, достигнути вожделеннаго отечества и узрети блага небесныя, ихже око не виде, ухо не слыша и на сердце человеку не взыдоша; моли о них, Богородице, да сподобятся, по Твоему представительству, вкушати блага сий во Царствии Сына Твоего, Христа Бога нашего, Ты бо еси единая благословенная в женах многомощная Заступница, надежда, покров и прибежище всем, притекающим к Тебе, —

Ты еси́ мост, преводя́й сущих  
от земли́ на небо́ и райских  
дверей́ отверзѣние. Аминь.

## КАФИСМА 18

### Псалом 119

К Тебѣ, Госпожѣ, ввсегда́ скор-  
бѣти ми, воззва́х и услы́ша мя;  
молю́ся же Ти: изба́ви ду́шу  
мою́ от всякаго зла во всех днѣх  
жизни моея́; стрѣлы искуси́-  
теля изошрѣнныя па́дают на  
главу́ мою́ и в опа́сности гре-  
ха́, увы́ мне, нахо́дится душа́  
моя́, но Ты, Влады́чице, си́лою  
Твоею́ сокруши́ главу́ а́дскаго  
змія, лютаго врага́ моего́, да  
не пора́дуется он о падѣнии

моём, возрадуюся же аз и возвеселюся о едином Бóзе Спасе моём, возвеличу и Тя, помощницу мою, в вéчном хвалéнии.

## Псалом 120

Воздвигóх мы́сленныя óчи мой горé, идéже Ты, Царíца Небéсная, пребываéши и прииде в сёрдце моé вéлие утешéние, я́ко Ты не воздрёмлeши, ни́же уснeши, сохраня́я мя от всех вра́жиих навéтов, вхождéние моé и исхождéние моé всегда́ мíлостивно назира́еши: сла́ва Тебé, преми́лосёрдая Ма́ти, пекúщейся и и́щущей вéчнаго спасéния грéшной моéй душé.

## Псалом 121

Возвеселихся дѹхом вѣры и надежды о Тебѣ, преслѣвней Царѣце Небесѣ и земли; под Твоимъ бо предстѣтельствомъ, аще благочестно проживу, на вѣчное жилище в дом Господень прейду, во Иерусалимъ небесный, великий град, егѣже слава Божия просвещает и светильникъ егѣ Агнецъ. О Владычице! Молюся Ти со слезами, подкрепи мою вѣру во обетованія небесныя, оживотвори надежду на милости возлюбленнаго Твоего Сына, Господа нашего Иисуса Христа, воспламени любовь, во еже творити мне благоугодно свя-

тѣйшую волю Его; слава Тебѣ,  
преблагая моя наставнице  
на пути истины и спасения.

## Псалом 122

К Тебѣ воздвигох очи мой,  
всещедрая Мати, Яже с возлюб-  
ленным Сыном Твоим цар-  
ствуеши на небесех; се, яко  
очи рабыни в руку госпожи  
своея, тако очи наши к Тебѣ,  
Владычице, дондеже получим  
от Тебѣ благовременную по-  
мощь; благословенно да будет  
заступление Твое, благосло-  
венна еси на небеси и на зем-  
ли, в мори и во всех безднах  
благословенно девство и чис-  
тота Твоя, благословенна да

бúдет святáя душá Твоя́ и препрослáвленное тéло Твоé.

## Псалом 123

А́ще не Госпожа́ наша Присноде́ва Мари́я заступит о нас у Бо́га, пости́гнут нас грех ра́ди на́ших мно́гая бéды; вневгда́ воста́ти а́дским врага́м на ны, живы́х у́бо пожéрли бы́ша нас, но Ты, премíлостивая Засту́пнице, с на́ми и мы изба́влены от них бы́хом; по́мощь на́ша во и́мя Го́спода и мíлостивое и́мя Твоé, Влады́чице.

## Песнь вместо славы

Ра́дуйся, обра́дованная от Бо́га Присноде́во Мари́е! От

призыванія святѣйшаго имени Твоего бѣсы трепещут, от облистанія славы Твоея власти тѣмныя исчезают, Твоимъ рождествомъ врата райскія отверзаются и избраннии Божии, с нимиже и вси грѣшницы, мытаріи и блудницы, покаившиися Богу, входятъ в нихъ невозбранно; молюся же Ти всеприлежно: посети и мою убогую душу, да во вся дни жизни моея вѣрно послужу Тебѣ и избавиши мя отъ власти тѣмныя.

## Псалом 124

Надеющіися на Тя, Матерь Божию, не убоятся лица вражія; веселитесь и радуйте-

ся вси, любящии Богородицу, и́бо помóжет вам в день печáли вáшея; помяни́ щедрóты Твоя́, Госпоже́, и охрани́ странствие нáше на землѣ, обрати́ пресвѣтлое лицé Твоё на нас и низложи́ враговъ нáших, и́щущих погѣбели нáшей, да в мѣре и тишинѣ поживѣм и во всяком благочестии и чистотѣ, прославля́я Тя, Влады́чицу нáшу и помóщницу.

## Псалом 125

Внегда́ обрати́ши пресвѣтлое ма́тернее лицé Твоё на нас, вѣдущих Тя и моля́щихся Тебѣ, сердца́ и ду́ши нáша веселя́тся Бóжиею благодáтию и Твоѣми

милостями; преблагословенна еси Ты от божественных сил Иисуса Христа паче всех жен на земли; не оскудеет хвала Твоя от уст наших, ниже вера и любовь к Тебе, Владычице, от сердец наших: благоговейно почитающие Тя благословятся от Бога и не лишатся всякаго блага.

## Псалом 126

Аще бы не Госпожа Владычица наша Царица Небесная предстательствовала о нас, грешных, к правосудному Богу, подвигли бы грехи наша праведный гнев Его к отмщению, и аще бы Она, яко

мы́сленное со́лнце, не озаря́-  
ла вся концы́ земли́ дѣвны-  
ми зна́меньми и пресла́вны-  
ми чудеса́ми, тма неvéрия и  
мгла неvéжествия объя́ли бы  
челове́ков. О премилосе́рд-  
ная Влады́чице, ве́руем несо-  
мне́нно, мо́лимся смире́нно и  
покланя́емся Тебе́ благонаде́ж-  
но, пред не́бом и земле́ю ис-  
пове́дуя, я́ко Ты еси́ небесный  
немерца́ющий свет, во тме  
земных суёт светя́щий, я́ко  
Ты еси́ всем ка́ющимся греш-  
ником споручница во спасе́-  
ние, я́ко Ты еси́ возлю́бленная  
Ма́терь Бо́жия, преблагосло-  
ве́нная в род и род; Госпо́дь  
с Тобо́ю и Тобо́ю с на́ми!

## Псалом 127

Блажённи вси, умилённо молящиися Тебё, Госпожё; блажённи вёдущии святую волю Твою и желáющии творíти Тебё угóдная: труды́ слáдких плодóв своíх снёдят и ўзрят вёчная благáя гóрняго Иерусали́ма; блажённи ўбо рóждшии Тя, Влады́чицу, пáмять их с похвалáми пребу́дет в век вёка; блажённо чрёво Твоё, носившее по плóти Иисúса Христа́, и сосца́, яже Той ссал. О преблажённая и преблагословённая в жена́х! Обрати́ ма́тернее лицё Твоё на нас и умоле́на бу́ди о всех, призывáющих Тя.

## Псалом 128

Мно́жицею бра́шася со мно́ю от ю́ности моея́ а́дстии врази́ мой, но Ты, Влады́чице, избáвила мя еси́ от них; мно́жицею бра́шася, но Ты, по́мощнице моя́, ду́шу мою́ не пре́дала в вéчно гíбельную власть их, Ты сохрани́ла еси́ вся вну́тренняя и вне́шняя моя́. О спорúчнике спасéния моего́, помози́ ми сотвори́ти плоды́, досто́йные пока́ния, да благонаде́жно прииду́ к христиáнской кончíне мое́й и сподо́блюся у́зрети святéйший плод чрэ́ва Твоего́, премилосéрднаго Спаси́теля моего́ и Искупи́теля.

## Песнь вместо славы

Ра́дуйся, преблагословенная  
Присноде́во Мари́е, го́рлице  
пустыннолю́бная, голу́бице чи-  
сте́йшая; яви́ зрак Твой и услы-  
шан сотвори́ глас Твой, я́ко глас  
Твой сла́док, и о́браз Твой кра́-  
сен. О Цари́це Небе́сная! Сот-  
искапа́ют устне́ Твои́, мед и мле́-  
ко под язы́ком Твои́м и благово́-  
ние риз Твои́х, я́ко благоухание  
ливана́. О Невесто́ Неневе́стная!  
О святе́йшая Присноде́во Ма-  
ри́е! Сёрдце на́ше привлекла́  
еси́ во благода́ть Твою́, в след  
Тебе́ течём, соде́лай же, Вла-  
ды́чице, да испо́лнится оно́ не-  
изрече́нными небе́сными воз-  
дыхания́ми о Христé Иисусе.

## Псалом 129

Из глубины́ сѣрдца моего́  
воззва́х к Тебѣ́, Госпоже́, услы́-  
ши глас моле́ния моего́, я́ко у  
Го́спода Бо́га мѣ́лость и мно́-  
гое у Тебѣ́ избавле́ние; изми́  
мя, Влады́чице, от руки́ враго́в  
мои́х, посрами́ и расточи́ на-  
вѣты́ и советы́ их на мя, по-  
ми́луй мя в день лют и в час  
сме́рти не оста́ви убо́гую ду́шу  
мою́, предста́ни ей со утеше́-  
нием ве́чнаго спасе́ния.

## Псалом 130

Госпоже́, не вознесѣ́ся сѣрд-  
це моѣ́ о вели́ких и дѣ́вных ми́-  
ра сегó, прехóдит бо мир сей и  
о́браз егó; но Ты, Влады́чице,

святы́нею, сла́вою и че́стию  
превознесла́ся еси́ над все́-  
ми, Тя́ у́бо еди́ну возлюбí ду-  
ша́ моя́; ми́ро изля́нное и́мя  
Твое́ и воня́ ми́лостей Твои́х  
па́че всех аромáт; Ты еди́на,  
во мрáце грехóвнем проницá-  
ющая предо мно́ю, áки у́тро;  
дóбра, я́ко луна́; избрáнна,  
я́ко со́лнце: полага́ю у́бо Тя,  
Цари́цу Небе́сную, áки пе-  
ча́ть на се́рдце моём и покла-  
няюся святéйшему вели́честву  
Твоему́.

## Псалом 131

Помяни́, Госпоже́, ца́рству-  
ющего проро́ка и вели́каго  
праотца Твоего́ Дави́да, ему́-

же кля́тся Госпо́дь и́стиною  
и не отве́ржеса ея́: Ты бо от  
него́, я́ко от благослове́нна-  
го ко́рня, процвела́ еси́ нам  
ра́йская о́трасль; Ты еси́ цвет  
по́льный и крин удо́льный,  
процвѣ́тший нам небе́сное  
благоуха́ние и весе́лие. О жи-  
вотво́рный душе́вный ра́ю!  
Тобо́ю утеша́емся на землѣ  
стра́нствования на́шего, ве-  
сели́мся бога́тством сла́вы  
Твоея́ в нищете́ на́шей, со-  
твори́ и помози́, Влады́чице,  
да в жи́зни сей любоохо́тно  
пита́йся слѣзным хлѣбом и́с-  
тиннаго о гресѣ́х раска́яния,  
насы́тимся не́когда и хлѣбом  
живо́тным, благослове́нным

и святѣйшим пло́дом чре́ва  
Твоего́ во ве́ки веко́в.

## Псалом 132

Се коль добро́ и коль богоу-  
го́дно ве́рным нам благоче́ст-  
но почита́ти и ублажа́ти Тя,  
Небе́сную Цари́цу, я́ко Сам  
Госпо́дь осеняет нас за сие́  
благослове́нием Свои́м и бу́-  
дущим ве́чным блаже́нством  
вознаградит. О благоутро́бный  
Триеди́ный Бо́же! Коль мно́-  
гое мно́жество ми́лости Твоея́  
излива́еши на нас, грѣшных,  
через предста́тельство к Те-  
бе́ о нас преблагослове́нныя  
Присноде́вы Маріи. Да бу́дет  
Тебе́ честь и сла́ва, ами́нь.

## Псалом 133

Се ны́не благослови́те возлюбленную́ Ма́терь Бо́жию, вси упова́ющии на и́мя свято́е Ея́, во дни и в но́щи воздежи́те ру́ки ва́ша в пренебе́сная святáя, иде́же предстои́т Она́ в неизрече́нной сла́ве святе́йшему лицу́ Бо́жию, уте́шатся бо благода́тию Ея́ преизоби́льно огорче́нныя сердца́ и ду́ши ва́ша; благослови́те Ю́, вси благослове́ннии раба́и Ея́, благослови́те Ю́, вси А́нгели и Арха́нгели; и вси святы́и Бо́жии, хвали́те Ю́, небеса́ небес и вода́, я́же превы́ше небес, хвали́те во ве́ки веко́в чудеса́ Ея́.

## Песнь вместо славы

Ра́дуйся, христиа́нская ча-  
долюби́вейшая Ма́ти Мари́е,  
бе́здна ми́лостей и щедро́т!  
Очи́сти, молю́ся Ти, се́рдце  
моё от грехо́вных страсте́й, и  
а́ще что Тебе́ не благоуго́дно,  
и́миже ве́си судьба́ми отврати́  
от мене́, к небе́сным обетова́-  
ниям воспламени́ дух мой, и  
е́же му́дрствовати, и е́же де́яти  
о Го́споде помози́.

### По 18-й кафисме тропари, гл. 4:

Поём Тя, Богоневéсто, сла́-  
вяще Рожде́ство Твоё непо-  
стижи́мое, и́мже изба́вихомся  
прéлести диа́воли и вся́ческих

бед, и вѣрно вопиём: помилуй стадо Твоё, Дѣво всепѣтая.

Побори, Всецарице, борющя ны враги, якоже бо волцы алчут погубити наслѣдие Твоё и достояние Сына Твоего, к Немуже молитвами Твоими погуби язык дерзости, да познают силу Твою злии ратолубцы, божественным Твоим манием низложи их, победы даруя христоролюбивому воинству.

Превозшедшая чины Ангел, Всечистая, со Ангелы моли Ангелов Владыку свободитися нам страстей губительных и наслѣдниками быти нетлѣнная жизни.

## Молитва

К Тебѣ, Пречистей Божией Матери, аз, окаянный, припадаю, молюся: вѣси, Царнице, яко безпрестанно согрешаю и прогневляю Сына Твоего и Бога моего, и многажды аще каюся, лож пред Богом обретаюся, и каюся, трепеща, да не когда Господь поразит мя, и по часе паки таяжде творю. Ведущи сия, Владычице моя, Госпоже Богородице, молю: да помилуеши, да укрепиши и благая твориши да подаси ми: вѣси бо Владычице моя Богородице, яко отнюд имам в ненависти злая моя дела и всею мыслию люблю

законъ Бѣга моего; но не вемъ, Господѣ Пречистая, откуда, яже ненавижду, та люблю, а благая преступаю. Не попускай, Пречистая, воли моей совершатися: не угодна бо есть; но да будетъ воля Сына Твоего и Бѣга моего, да мя спасетъ, и вразумитъ, и подастъ благодать Святаго Духа, да быхъ азъ отселе престалъ сквернодейства и прочее пожилъ быхъ в повелѣнии Сына Твоего, Емуже подобаетъ всякая слава, честь и держава, со безначальнымъ Его Отцемъ, и Пресвятымъ, и благимъ и животворящимъ Его Духомъ, ныне и присно, и во веки вековъ. Аминь.

## КАФИСМА 19

## Псалом 134

Хвалі́те і́мя Господне, прославля́йте и і́мя Присноде́вы Мари́и, с моли́твами и моле́ниями прибега́йте к Ея́ святейшему вели́честву, возста́вит Она́ в вас волю́ благо́ю и не одоле́ют вас по́хоти греха́; помышля́ющие всегда́ о Ней и ра́дующиися с благодарéнием о мило́стях Ея́ обря́щут небéсную сла́дость и мир в душе́ и се́рдце. О грéшницы, воздохне́м к Ней вну́тренними чу́вствиями и моли́твами Ея́ да́руется всем нам и жизнь благочесті́вая, и кончи́на блаже́нная.

## Псалом 135

Исповѣдайтеся Гóсподеви,  
яко благ и яко благасть  
Свою разделяет ищущим ея  
через предстательство Царь-  
цы Небесныя. О Владычи-  
це! Помяни нас во смиренни  
нашем и защити от адскаго  
фараона и неприязненной  
силы его рукою Твоею креп-  
кою и мышцею высокою.  
Поим Гóсподеви, славно бо  
прославися; поим и воспо-  
ем благодарственная и Тебе,  
многомощная Владычице,  
яко избавльшиися и избав-  
ляемии Тобою от злых, дер-  
жаву бо непобедимую носи-  
ши на руках Твоих.

## Псалом 136

На река́х Вавило́нских пла́-  
ка́ху се́тующи Евре́и; мы же о  
греха́х на́ших возрыда́им и сми-  
ре́нно возопи́м к Богоро́дице  
Присноде́ве Мари́и, принесём  
Ей плач се́рдца и воздыха́ние  
ду́ха, не обря́щем бо прощё́ния  
во греха́х, ни́же вéчнаго спасе́-  
ния душáм без благослове́ннаго  
пло́да чре́ва Ея́; святы́ми и бла-  
гоприятными к Немú о нас мо-  
ли́твами Ея́ дости́гнути небéс-  
ных безконéчных жи́зни ча́ем,  
и ве́руем, и испове́дуем.

### Песнь вместо славы

Ра́дуйся, преукраше́нная  
все́ми добродéтелями Прис-

нодево Мари́е, исто́чнице  
приснотеку́щий, неисчерпа́е-  
мый кла́дезь живонóсных вод,  
престо́ле огнезра́чный, ски́ния  
небе́сная; молю́ся Ти со слеза́-  
ми, да ми́лость Твоя́ утверди́т  
сла́бое моё се́рдце и святы́ня  
Твоя́ освятит убо́гую мою́ ду́-  
шу, да не победя́т мя преле́сти  
грехо́вныя, но да изба́влюся  
Твои́ми моли́твами от всех  
искуше́ний злых.

## Псалом 137

Испове́мся Тебе́, Госпоже́,  
всем се́рдцем моим, я́ко Тобо́ю  
обретóх ми́лости и щедро́ты  
Иисúса Христа́; услы́ши сло-  
веса́ моя́ и воздыха́ния мои́,

вонъже аще день и час призову Тя; умножи духовную силу веры в слабой душе моей и в скорбех сердца буди животворным утешением ищущему Тя сердцу. О благодотворная Владычице, сотвори мя жити в мире под матерним покровом Твоим.

## Псалом 138

Госпоже, искусила мя еси и познала мя еси; Ты познала еси падения и преступления моя, но умножишася на мне, грешнем, матерния милости Твоя и разширися на мя благостыня Твоя; аз взираю, яко блудный сын, на небо, но

Твои́м предста́тельством аз сокруша́юсь, но Твои́м вдохнове́нием аз упокоева́юсь, но воззрэ́нием на свято́е изображе́ние крѳткаго лица́ Твоего́ аз спаса́юсь, но ве́рою и наде́ждою на Спаси́теля моего́, Его́же Ты де́ржиши на рука́х Свои́х и показу́еши мне, грѣшному, в утешѣ́ние, аз упова́ю получи́ти блаже́нство во ве́ки веко́в.

## Псалом 139

Изми́ мя, Госпоже́, от чело́ве́ка лука́ваго, и от врага́ а́дскаго соблюди́ мя: напряже́ лук свой проти́ву мене́ враг и ле́стию своѣю уловля́ет ду́-

шу мою; сокруши́, Влады́чице, си́лы егó лука́выя и запни́ проны́рству егó, обрати́ беззако́нныя егó на вы́ю егó и в про́пасть, ю́же соде́ла, да впаде́т вско́ре; аз же возра́дуюся о Тебе́ и возвеселю́ся о спасе́нии Твоём.

### **Песнь вместо славы**

Ра́дуйся, Пресвята́я Богоро́дице, Херув́имов честне́йшая и Сераф́имов к Бо́гу ближа́йшая; Твою́ сла́ву, досто́инство, све́тлость Твою́, щедро́ты и вся ми́лости Тво́я, утеше́ния и благослове́ния кто досто́йно воспéти мо́жет? Ты еси́ океа́н неисчерпа́емых чудес.

## Псалом 140

Госпожé, всемирéнно взы-  
ваю к Тебé: услыши мя, вонми  
молéнию и прошéнию моемú;  
да испрáвится молítва моя,  
яко кади́ло пред лицéм Твоим,  
в вéчер, úтро и полúдне, и на  
всякое врéмя, да не помрачит  
злóба мíра сегó рáзум мой;  
сотвори́ мя, Влады́чице, всег-  
дá разумéти благоугóдное Те-  
бé и утверди́ сёрдце моé во ис-  
тинней любви́ к Тебé.

## Псалом 141

Глáсом моим к Госпожé воз-  
звах и усёрдно к Ней помо-  
ли́хся, пролиях пред Нёю слé-  
зы моя́ и сердéчную болéзнь

Ей предложих, яко адский злый враг блюдет пятую мою и повсюду простирает противу мене сети своя; помози мне, Владычице, да не поткнутся стопы моя пред ним, но да сам сокрушится под ногами моими, трепещет бо имени и силы Твоея.

## Псалом 142

Госпоже, услыши молитву мою, внуши моление мое, яко погна враг душу мою, силится препяти мя на пути к вечному спасению, отяготи сердце мое мраком своим и уны зело дух мой; не отврати, Владычице, лица Твоего от мене, да не

впадú с нисходящими в адский ров, но послí свет Твой и благодать Твою, и исчезнет предо мною мрак его и соблюдетсá живót и рáзум мой.

### **Песнь вместо славы**

Рáдуйся, Приснодéво пре-  
славная, возлюбленная Мá-  
ти Бóжия благодáтная, пáче  
мéда и сóта сладчáйшая, пáче  
сóлнца прекрáснейшая, пáче  
луны светлéйшая, пáче звезд  
блистáтельнейшая, пáче ки-  
парíса и всех аромáт благо-  
вóннейшая; сотвори́, Все-  
мíлостивейшая, сотвори́, да  
рáди воспоминáния пресвя-  
тáго íмени Твоего́ вся суеты́

и утѣхи міра сего прѣзрю и  
всем сѣрдцем отрину, вос-  
криляя всего себя к небѣсным.

## **По 19-й кафисме тропари, гл. 5:**

Увы́ мне, что сотворю окаян-  
ный, ко́е нача́ло моего́ спасе́-  
ния сотворю́, непотрѣбно все  
проходя́ жити́е моѣ? Не от-  
вѣржи мене́, Благо́я, заблужд-  
шаго и погиба́юща, и пока́я-  
ния мне о́бразы покажи́,  
Ма́ти Бо́жия, я́ко да во хва-  
ле́нии сла́влю Тя всегда́.

Виждь, Госпоже́, моѣ сокру-  
ше́ние, и уврачу́й озло́блен-  
наго дѣмонскими прило́гами  
и плѣтскими лю́тыми страсть-

ми́, от ни́хже болéзньми обла-  
га́емь, скóрби испóлнен есмь,  
и мно́гаго уны́ния, и тесноты́  
помрачéния. Но еди́на Бóга  
рóждшая, вся́кия взéмшаго во  
плóти Своéй я́звы и недúги че-  
ловéков, Тогó умоли́ дáти мне  
мир и вéлию ми́лость.

Ра́дуйся, божéственное Вла-  
ды́ки пребывáлище, сла́во  
А́нгелов и человек упováние  
и крéпость в ну́ждах, твéр-  
дое предстáтельство всех нас,  
утверждéние и стенó на Тя на-  
дéющихся, прибéжище вёр-  
ных, благолюбíвая Мáти Бóга  
человеколóбываго: Тогó умоли́  
даровáти рабóм Твои́м мир и  
вéлию ми́лость.

## Молитва

О Всемі́лостивая Госпоже́,  
Цари́це Небесе́ и земли́, Вла-  
ды́чице А́нгелов и челове́-  
ков! Тебе́, премилосе́рдая За-  
сту́пнице на́ша, Госпо́дь наш  
Иису́с Христос́, при распя́тии  
Своём, вручи́ ученику́ Сво-  
ему́ Иоа́нну, глаго́ля ему́: се  
Ма́ти тво́я, а чрез него́ и всем  
правосла́вным христиа́ном на-  
ре́к Ма́терию их, да вси, с ве-  
рою и любóвию притека́ющи  
под держа́вный покрóв Тво́й,  
спаса́ются и избавля́ются от  
вся́ких бед и напáстей. Сего́  
ра́ди и аз, недостóйный име-  
новáтися сы́ном Тво́им, па́че  
же раб окая́нный и непотреб-

ный, безчísленными грех-  
ми́ оскверни́вший ум и сёрд-  
це своё, уны́лый и лени́вый  
на всякое дéло благоé, дерзáю  
прибéгнути под кров Твой,  
Мáти милосёрдия и бла́гости,  
со умилéнием и сокрушéнием  
сёрдца прося́ и моля́ не отрй-  
нути мя ка́ющася. Зри́ши  
стру́пы и гноéния ока́янные  
души́ моея́, слы́шиши и вопль  
болéзненного сёрдца моего́.  
Посети́ мя ма́терними Тво́ими  
щедрóтами, ихже недостóин  
сотвори́хся — безúмный и от-  
стúпник за́поведей Сы́на Тво-  
его́ и Бóга моего́. Но я́коже не  
прéзрела еси́ моли́твы Феóфи-  
ла, отвéргшагося Твоего́ Сы́на

и Го́спода и Тебе́, пренепоро́ч-  
ныя Ма́тери Егó, испроси́вши  
ему́ прощѣние стра́шнаго гре-  
ха́ сегó: си́це не прѣзри и мене́,  
Влады́чице, возлага́юща на Тя  
все упова́ние моё, не отвѣржи  
мене́, я́ко раба́ неключи́мага,  
второ́е распина́ющаго Сы́на  
Твоегó грехми́ мойми, не воз-  
гнуша́йся злосмра́дием мо́им.  
Вѣрую, усѣрдная Засту́пнице,  
я́ко вся возмо́жеши испроси́-  
ти у Сы́на Твоегó, елика́ вос-  
хо́щеши. А́ще Соломо́н царь,  
челове́к сый, изрѣк ма́тери  
своёй: проси́ у мене́, ма́ти моя́,  
е́же хо́щеши, и дам ти; киих  
благ не да́рует Тебе́, Влады́-  
чице Блага́я, и какова́го про-

шэнія Твоегó не испóлнит  
Твой Сын, Царь Небесé и зем-  
ли, Всемогúщий, Милосéрдый  
и Человеколюбíвый? Емúже  
подобáет всякая слáва, честь и  
поклонéние со безначáльным  
Егó Отцém и всесвяты́м, и бла-  
гíм, и животворящим Дúхом  
в безконéчныя вéки. Амíнь.

## КАФИСМА 20

### Псалом 143

Благословéнна еси́, Госпо-  
жé, я́ко научáеши нас, рабóв  
Твои́х, на брань протíву мí-  
ра, плóти и диáвола: протíву  
мíра, éже бы отвращáти óчи  
от прéлестей егó, не привязы-

вати сѣрдце к суетам егѡ; протѣву плѡти, ѣже бы содѣржат себѣ в целомудрии и не касатися заповѣданных вещей; протѣву диавола, ѣже бы разумевати искушѣния егѡ и соблазны и дѣйствию их всевозмѡжно протѣвитися. О всемѡщная Владычице! Мѡлим Тя и молѣти не престанем, блесни мѡлнию силы Твоея и разжени их, послѣ стрѣлы скорѡга защищѣния Твоегѡ и поразѣ их, прослави от высоты святѣя славы Твоея в сей брани крѣпкую десницу Твою, да, воспевая, воспоѣм мы, раби Твоѣ, избавльшеся от злых, силу, славу и хвалу Твою;

вѣси, Владычице, колико мы грехопоползновенны есмь и многопотребна нам помощь Твоя; воспламени в сердцах наших желанія небесныя и исполни духом сладости райския.

## Псалом 144

Вознесу Тя, возлюбленную Матерь Сына Божия, и на всяк день воспою Тебе хвалы; по всей земли людие прославляют дела и милости Твоя и острови мнози величают чудеса Твоя, Ангели и Архангели проповѣдуют святыню души Твоея и вси святїи провозвещают кротость и сми-

рѣние Твое; очи наши уповают на Тя, Госпоже, пошли нам брашно и пищу во благо время, алчущую же душу напитай и насыти небесною сладостию и мы, раби Твои, благословим Тя, яко премилосердную Мать, во веки веков.

### **Песнь вместо славы**

Радуйся, Пресвятая Приснодево Марие, возлюбленная Мати Спасителя Христа Бога нашего, кристалловидный источник, небесными сладостями исполненный, райский вертограде, преиспещренный всеми святыми добродетелями, мысленное

не́бо, ду́ши и сердца́ уве-  
селя́ющее! О прекра́снейшая  
и преблагослове́нная в же-  
на́х! Осени́ мя, грéшнаго,  
луча́ми благосты́ни Твоея́,  
да в тишинé и ми́ре пребу́ду  
в сей странé и в сéни смёр-  
тней и потóм, Тебé помо-  
га́ющей, достígну отéчества  
небе́снаго.

## Псалом 145

Хвали́, душе́ моя́, Госпо-  
жу́ Присноде́ву Мари́ю, не-  
преста́нно хвали́, дóндеже  
обита́еши в теле́ сем; егда́ же  
изы́деши из темни́цы брén-  
ная плóти, Она́ предста́нет  
тебе́, я́ко заступница, и в пу-

тѣ незнаемемъ бѹдетъ надежная  
предводительница, полки лукавыхъ  
бесовъ предъ свѣтомъ Ея  
исчѣзнутъ и проведѣшиися безъ  
страха до вратъ вѣчнаго мѣра.  
Слава, хвала и честь Царѣце  
Небесней, Яже Собою мѣло-  
стивно приведетъ насъ въ Царст-  
вие Небесное.

## Псалом 146

Хвалите Господю Присно-  
деву Марію, яко благъ есть  
псаломъ; услажденна и крас-  
на сицевая Ей хвала; Сія бо  
есть помощница сокрушенныхъ  
сѣрдцемъ и умащаетъ ихъ благо-  
воннымъ мѣромъ благоволенія о  
нихъ; великія мѣлости Ея, бла-

годать и щедроты Ея не имут  
конца; предварите Ей в вос-  
кликновении, во исповедании  
псалмов пойте Ей, благоволит  
бо Царица Небесная в про-  
славляющих Ю и уповающих  
на милости Ея.

### Псалом 147

Хвали, Церковь Божия, воз-  
любленную Матерь Спаси-  
теля Христа, прославляй Ю,  
новоблагодатный Сионе: сы-  
нове бо твои благословятся от  
Нея и распространятся от  
моря до моря, миром благим  
благоукрасятся и надежда их  
не постыдится, в род и род во-  
схвалят Тя.

## Песнь вместо славы

Пресла́вная Богоро́дице,  
Присноде́во Мари́е, жи́зни  
на́шей во́жде, Бо́жия благода́-  
ти ходатаице, мо́ря ми́ра сегó  
волну́ющагося благооти́шное  
приста́нище, испроси́ у возлю́-  
бленнаго Сы́на Твоего́, Спа-  
си́теля на́шего, ми́лость нам,  
gréшным, да в вéре, наде́жде и  
любви́ к Немú пребу́дем непо-  
колеби́ми и кончи́ны христи-  
а́нския удосто́имся.

## Псалом 148

Хвали́те Госпожу́ Мари́ю от  
небе́с, хвали́те Ю́ в вы́шних,  
иде́же седи́т на престо́ле не-  
присту́пныя сла́вы, в ри́зах по-

злащённых одёяна и пре-  
укра́шенна; хвалите Ю́, вси че-  
лове́цы, и скóти, и пт́ицы  
небёсныя, и ры́бы морскія;  
хвалите Ю́, со́лнце и лу-  
на́, хвалите Ю́, звёзды и свет,  
хвалите Ю́, Херув́ими и Сера-  
ф́ими, Престо́ли, Господств́ия  
и Вла́сти, хвалите Ю́, вси А́нгели  
и Арха́нгели и вся ч́ины во́инств  
небёсных; сла́ва, хвала́ и честь  
Приснод́еве Маріи.

## Псалом 149

Воспо́йте Госпоже́ на́шей и  
Цари́це вели́кой песнь но́вую;  
хвала́ Ея́ в со́нме пра́ведных,  
веселя́тся небеса́ о сла́ве Ея́,  
о́строви морсти́и и вся вселён-

ная, вода́ и огонь, мраз и зной, мѳлнѳя и свет прославля́ют Ю́. Возноше́ние Ея́ в гортани пра́ведных и хвалы́ Ея́ в ли́ках всех свѳяты́х; граде́ Бѳжий, Сиѳне небѳсный, торже́ству́й о Ней вѳчно в пѳснях хвалѳния.

## Псалом 150

Хвалѳте, правове́рнии, вели́кую Госпожу́, си́льную Влады́чицу, Небѳсную Цари́цу, премилосѳрдную ва́шу Ма́терь, ско́рую помо́щницу, усѳрдную засту́пницу, пречи́стую и преблагослове́нную Присноде́ву Мари́ю, хвалѳте вы́сокия добродѳтели и вели́кия чудеса́ Ея́; хвалѳте Ю́,

чѣны патриархов и пророков, хвалите Ю, апостоли и святители, хвалите Ю, мученицы и исповедницы, хвалите Ю, девственницы и воздержницы, хвалите Ю, пустынницы и монаси, хвалите Ю, вси вернии всякаго сословия, хвалите Ю, младенцы и все праведныя души небесных граждан; всякое дыханіе да хвалит пресвятаго Господа, да хвалит и благодатную Приснодеву Марию, аминь.

## **Песнь вместо славы**

Преблагословенна еси, Госпоже Маріе, возлюбленная Мати Господа нашего Иисусу-

са Христа́, И́же, вопло́щся из Тебе́, посети́ нас и сотвори́ вѣчное избавлѣние нам, людем Своимъ, И́же Тя воздвиге от до́му Дави́да, о́трока Своего́, И́же исполни Тобо́ю клятву, е́юже кля́тся ко отце́м нашимъ, Авра́аму и се́мени его́ да́же до вѣка, И́же низложи́ си́льныя со престолъ и превознесé Тя, смире́нную, на небеси́ и на земли́; и Ты, благодáтная Присноде́во Мари́е, вели́кая проро́чица от нас именúешися, понéже предрекла́ еси́, я́ко вси ро́ди ублажа́т Тя, и ублажа́ем, и ублажа́ти Тя не преста́нем. О звездó у́тренняя, принося́ющая на небеси́ и на

земли́, освещай нас лучами  
пóмощи Твоея во дни и в но-  
щи́, да не заблúдим в концé  
во мрáце грехóвныя суеты́; Ты  
бо еси́ сла́ва небéсным и нам,  
земным, непосты́дное упová-  
ние; мно́го бо мо́жет Твоя ма́-  
терняя моли́тва на умоле́ние  
о нас небéснаго Влады́ки, Емú-  
же, я́ко Премилосéрдному Бо́гу  
на́шему, и Тебе́, я́ко усéрдной  
Засту́пнице на́шей, да бу́дет от  
нас, грéшных, честь и сла́ва во  
вся ве́ки веко́в. Ами́нь.

**По 20-й кафисме тропари,  
гл. 8:**

Божéственнаго свéта све-  
ти́льниче златозáрный, Пре-

непорóчная Госпожé, дúшу мою, омрачаемую мглою страстéй, безстра́стия свéтлостию озари́, молю́ся, и окая́нное сёрдце моé омый слезáми покая́ния: Тя бо има́м наде́жду раб Твой.

Го́ресть тамошних мук и жестóкость мучи́телей, тму не-свети́мую и всегда́шнюю, не-гре́ющий и леденя́щий та́ртар, ядоно́сный и неусыпа́ющий червь, стра́шный скре́жет зубóв, пла́мень геéнный и нестерпи́мое жже́ние, ужа́сный вопль и рыда́ние, разлучéние от пра́ведных и насле́дия их лишéние помышля́ючи, содрогни́ся, душе́ моя́, и стенáнь-

ми и пла́чем Ма́терь Судий умоли́, зову́щи: Богоро́дице, испроси́ ми прощэ́ние злых, к покрóву Твоему́ с véрою притека́ющему.

Ра́йскими добрóтами наслажда́тися и в небéсных черто́гах обита́ти, Влады́чице, пода́ждь ми, Бо́га божéственный черто́же, уллучи́ти же блаже́нный неvéстник сподо́би и причаща́тися та́мо сла́вы Христо́вы и насыща́тися сладча́йших луче́й и сия́ния неизрече́нная красóты Егó, я́ко да раду́ясь пою́ вéчно со А́нгели Отца́, и Сы́на, и Свята́го Ду́ха, Тро́ицу неразде́льную, из несущих премúдре вся осущество-

вавшую, и Тебѣ прѣсно славлю, Богопрославленная.

## Молитва

Пресвятая Владычице моя Богородице, святыми Твоими и всесильными мольбами отжени от мене, смиренного и окаянного раба Твоего уныние, забвение, неразумие, нерадение и вся скверная, лукавая и хульная помышления от окаянного моего сердца и от помраченного ума моего; и погаси пламень страстей моих, яко нищ есмь и окаянен. И избави мя от многих и лютых воспоминаний и предприятий, и от всех действ



злых свободи́ мя. Я́ко благо-  
словѣнна еси́ от всех родо́в, и  
сла́вится пречестно́е и́мя Твое́  
во ве́ки веко́в. Ами́нь.





---



# СОДЕРЖАНИЕ

Христианские песнопения  
Пресвятой Богородице  
**3**

Поклонение  
Пресвятей Богородице  
**6**

Кафисма 1  
**17**

Кафисма 2  
**34**

Кафисма 3  
**49**

Кафисма 4  
**65**

Кафисма 5  
**80**

Кафисма 6  
**91**

Кафисма 7  
**104**

Кафисма 8  
**118**

Кафисма 9  
**132**

## Содержание

---

Кафисма 10

**144**

Кафисма 11

**157**

Кафисма 12

**171**

Кафисма 13

**183**

Кафисма 14

**198**

Кафисма 15

**208**

Кафисма 16  
**217**

Кафисма 17  
**230**

Кафисма 18  
**247**

Кафисма 19  
**268**

Кафисма 20  
**283**

Дорогие читатели!  
Просим простить за возможные допущенные опечатки.  
Издательство "Благовест" с благодарностью  
примет Ваши отзывы и указания  
на замеченные ошибки

# ПСАЛТИРЬ ПРЕСВЯТОЙ БОГОРОДИЦЕ КРУПНЫЙ ШРИФТ

*Редактор:* Плюснин А. И.  
*Технический редактор:* Ивашкова В. Ю.  
*Корректор:* Плюснин А. И.  
*Верстка:* Виленская В. В.  
*Дизайн обложки:* Зимихин А. А.

Подписано в печать 30.10.2014  
Формат 84x108/32. Гарнитура «NewtonС».  
Печать офсетная. Бумага газетная. Печ. л. 9,5.  
Тираж 15000 экз. Заказ

Икона Божией Матери Казанская  
на лицевой стороне обложки  
выполнена Анной и Дмитрием Бандуркиными ©.  
Образцы иконографии представлены на сайте  
[www.ikona2.info](http://www.ikona2.info)

Издательство «Благовест»  
Адрес: 123182, г. Москва, ул. Авиационная, дом 13

Отпечатано в ООО «Тульская типография»  
300600, г. Тула, проспект Ленина, дом 109

**ПОСЕТИТЕ ИНТЕРНЕТ-МАГАЗИН  
издательства «БЛАГОВЕСТ»**

[WWW.BLAGOVEST-MOSKVA.RU](http://WWW.BLAGOVEST-MOSKVA.RU)

**много православных книг и икон, акции и скидки  
для ОПТОВЫХ И РОЗНИЧНЫХ покупателей**

**Телефоны: (495) 942-53-72, 973-19-11,**

**8-800-333-11-78**

**звонок из любого региона России – БЕСПЛАТНО!**

